



ԶՄԻԱԾԻՆ

1971

Ը



Ի Ը
ՏԱՐԻ

ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՅ
Ս. ԷԶՄԻԱԾՆԻ

Օգոստոս

1971




ՀՐԱՄԱՆԱԻ

S. S. ՎԱԶԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱԶՆԱԳՈՅՆ ԿԱԹՈՂԻԿՈՍԻ

ԱՄԵՆԱՅՆ ՀԱՅՈՑ



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ
ՇՆՈՐՀԱՎՈՐԱԿԱՆ ԳԻՐԸ ԲՈՒՂԱՐԻԱՅԻ ՆՈՐԻՆ
ՍՐԲՈՒԹՅՈՒՆ Տ. ՄԱՔՍԻՄ ՊԱՏՐԻԱՐԷԻՆ՝
ՆՐԱ ԸՆՏՐՈՒԹՅԱՆ ԵՎ ԳԱՀԱԿԱԼՈՒԹՅԱՆ ԱՌԹՎ

Սոֆիա՝

Հանուն հայ առաքելական եկեղեցու մեծ ուրախությամբ շնորհավորում ենք Ձեր ընտրությունը և աղոթում, որ Տերը Ձեզ պարգևի հովվապետական առաքելության շատ երկար տարիներ փայլուն արդյունքներով՝ ի փառս բույրար ժողովրդի քրիստոնեական հավատքի ու մշակույթի:

Ընդունեցեք նաև անկեղծ համակրանքը և սերը ամբողջ հայ հոգևորականության և ժողովրդի, որոնք պատմականորեն և այնքան անկեղծորեն եղբայրացած են ձեր եկեղեցու և ձեր ազնիվ ժողովրդի զավակների հետ:

Թող միշտ պայծառ մնա մեր եկեղեցիների և ժողովուրդների պատմական բարեկամությունը:

Ձեր հարազատ Եղբայրը ի Քրիստոս՝

Վ Ա Զ Գ Ե Ն Ա

ԵԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ

ԱՄԵՆԱՅՆ ՀԱՅՈՑ

31-ը հուլիսի 1971 թ.,

Ա. Էջմիածին





ՎԵՀԱՓԱՌ ՀԱՅՐԱԿԵՏԸ ԺՆԵՎՈՒՄ

Հուլիսի 9—25 օրերին Վեհափառ Հայրապետը, Մայր Աթոռի վերաբերյալ մի շարք գործնական հարցերով անձամբ զբաղվելու և կարգավորելու համար, ոչ պաշտոնական այցելությամբ լինում է Ժնևում:

Այս առթիվ Հայոց Հայրապետը մի անգամ ևս անձամբ Իր օրհնություններն ու ողջույններն է քերում Ժնևի հայ համայնքին և ունկնդրություն է շնորհում մի շարք ազգայինների, որոնք փութացել էին Ժնև Ֆրանսիայից, Իտալիայից և Անգլիայից՝ ողջունելու Նորին Սրբությանը և բարի գալուստ մաղթելու:

Վեհափառ Հայրապետին ողջեցում էր տ. Գևորգ ծ. վրդ. Կարպիսյանը:

Հուլիսի 9-ին, ուրբաթ օրը, ժամը 17-ին, Վեհափառ Հայրապետը Մոսկվայից մեկնում է Ժնև, ուր Նրան դիմավորում են հոգևոր հովիվ տ. Ներսես ծ. վրդ. Պոզապալյանը, գաղութի վարչության անդամները՝ վարչության նախագահ Ծաղ ֓իլիպպոսյանի, և եկեղեցական վարչության անդամները՝ ատենապետ Կարպիս Լազարյանի գլխավորությամբ:

Հայոց Հայրապետի ժամանումը ողջունում են նաև օդանավակայանում Ժնևի հայոց նորակերտ ս. Հակոբ եկեղեցու շինության բարերար Հակոբ Թովհայսյանը, ազգայիններ էժեն Փափազյանը, Կրոնիկ Փափազյանը և գաղութի այլ անդամներ և կազմակերպությունների ներկայացուցիչներ:

Օդանավակայանում Հայոց Հայրապետին ողջունում և բարի գալուստ են մաղթում նաև տեր և տիկին Սարգիս-Աստղիկ Քյուրքճյանները (Լոնդոն), Մուշեղ Ծիերնյանը (Մոնակո), Ստեփան Սրապյանը (Միլանո), Մկրտիչ Ծիլեֆյանը (Ստամբուլ):

Հուլիսի 11-ին, կիրակի օրը, առավոտյան ժամը 11-ին, տ. Գևորգ ծ. վրդ. Կարպիսյանը ս. պատարագ է մատուցում Ժնևի հայոց ս. Հակոբ եկեղեցում:

«Հայր մեր»-ից սուաչ Վեհափառ Հայրապետը Բանին կենաց քարոզությամբ միաթարում է Ժնևի Իր հոգևոր զավակներին՝ բաշխելով Իր օրհնությունը և տալով հայրապետական Իր պատգամը:

Նորին Սրբությունը քարոզի վերջում հայրապետական Իր բարձր գնահատությանն ու ուշադրությանն է արժանացնում Ժնևի հայոց գաղութային և եկեղեցական վարչությունների եկեղեցաշեն գործունեությանը և օրհնում անունն ու գործը եկեղեցու շինության բարերար Հակոբ Թովհայսյանի. «Նրանի՛ եկեղեցի շինողաց»:

Ժամը 16.30-ին հյուրանոցի Իր հարկաբաժնում Հայոց Հայրապետը ընդունում է այցելությունը ս. Ղազարի Մխիթարյան միաբանության նորընտիր արքանոր՝ հայր Պողոս վրդ. Անանյանի, որ այս առթիվ հատկապես ժամանել էր Ժնև՝ ողջունելու Նորին Սրբությանը՝ ընկերակցությամբ հայր

Ներսես վրդ. Տեր-Ներսիսյանի և հայր Հովսեփ վրդ. Պեհեսնիյանի:

Հուլիսի 13-ին, երեքշաբթի օրը, առավոտյան ժամը 11-ին, Հայոց Հայրապետը այցելում է Ժենևում Միացյալ ազգերի կազմակերպության մոտ Սովետական Միության մշտական ներկայացուցիչ տիկին Սոտալովային:

Նույն օրը, ժամը 18-ին, Հայոց Հայրապետը ոչ պաշտոնական այցելություն է տալիս Ժենևում Եկեղեցիների համաշխարհային խորհրդի կենտրոնին: Եկեղեցիների համաշխարհային խորհրդի ընդհանուր քարտուղար դոկտ. Է. Կ. Բլեյկը ջերմորեն ու եղբայրական սիրով ողջունում է Հայոց Հայրապետին ու բարի գալուստ մաղթում:

Հայոց Հայրապետի և դոկտ. Է. Կ. Բլեյկի միջև տեղի է ունենում բարեկամական զրույց՝ մտերմիկ մթնոլորտում:

Նույն օրը, երեկոյան ժամը 18-ին, Վեհափառ Հայրապետը բարեհաճում է օրհնել տեր և տիկին Սարգիս-Աստղիկ Քյուրքճյանների սեղանը: Այս առթիվ Ժորժ և Շոնի Քյուրքճյան եղբայրները ուրախացնում են Նորին Սրբությանը իրենց 20000 դոլլարի նվիրատվությամբ՝ Հայաստանում մի պատմական եկեղեցու վերանորոգման համար:

Հուլիսի 13-ին, երեքշաբթի օրը, առավոտյան ժամը 10-ին, Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ տ. Սեդովբե արքեպ. Մանուկյանը ժամանում է Ժենև՝ ողջունելու համար Հայոց Հայրապետին և բարի գալուստ մաղթելու:

Հուլիսի 14-ին, չորեքշաբթի օրը, երեկոյան ժամը 19-ին, Վեհափառ Հայրապետը նախագահում է Ժենևի եկեղեցական վարչության ստեղծապետ Կարպիս Լազարյանի կազմակերպած ճաշկերույթին, Ժենևի «Օթել դը լա Պե»-ի մեջ:

Հուլիսի 16—20 օրերին Վեհափառ Հայրապետը տ. Սեդովբե արքեպիսկոպոսի և տ. Գևորգ Ժ. վարդապետի հետ մասնավոր հյուրն է լինում տիար Երվանդ Հյուսիսյանի, Ինտերլակենյում:

Հուլիսի 21-ին, չորեքշաբթի օրը, Վեհափառ Հայրապետը Ինտերլակենյից վերադառնում է Ժենև:

Նույն օրը, երեկոյան ժամը 20-ին, Վեհափառ Հայրապետը նախագահում է Ժենևի գաղութային վարչության նախագահ տիար Ծարլ Փիլիպպոսյանի կազմակերպած ճաշկերույթին:

Հուլիսի 22-ին, հինգշաբթի օրը, առավոտյան ժամը 11-ին, Ժենև է ժամանում Լոնդոնի հայրապետական պատվիրակ տ. Պասկ արքեպ. Թումանյանը՝ ողջունելու և

բարի գալուստ մաղթելու Հայոց Հայրապետին:

Հուլիսի 22—25 օրերին Վեհափառ Հայրապետը հյուրանոցի Իր հարկաբաժնում ընդունում է մի շարք ազգայինների և Ժենևում եկեղեցական հարանվանությունների ներկայացուցիչների և թղթակիցների այցելությունները:

Հուլիսի 25-ին, կիրակի օրը, Վեհափառ Հայրապետը հրաժեշտ է առնում Ժենևի հայոց համայնքից:

Դեպի Մոսկվա Վեհափառ Հայրապետին ընկերակցում էին տ. Ներսես և տ. Գևորգ Ժ. վարդապետները:

Մոսկվայի Դոմոդեդովի օդանավակայանում Հայոց Հայրապետի ժամանումը ողջունում են Հյուսիսային Կովկասի և Ռուսաստանի հայոց առաջնորդ տ. Պարզև եպս. Գևորգյանը, տ. Կոմիտաս եպիսկոպոսը, Լոնդոնի հայոց ս. Սարգիս եկեղեցու հոգևոր հովիվ տ. Արսեն վրդ. Բերբերյանը:

Հայոց Հայրապետի ժամանումը ողջունում են նաև ՍՍՀՄ Մինիստրների սովետին առընթեր կրոնական գործերի խորհրդի նախագահի տեղակալ Պ. Մակարցևը և ՀՍՄՀ Մինիստրների սովետին առընթեր հայ եկեղեցու գործերի խորհրդի նախագահի տեղակալ Ս. Հովհաննիսյանը:

Հուլիսի 26-ին, երկուշաբթի օրը, ժամը 13-ին, Հայոց Հայրապետը այցելում է համայն Ռուսաստանի և Մոսկվայի Նորին Սրբություն Ս. Պիմեն Պատրիարքին:

Երկու եկեղեցիների հոգևոր պետերի միջև տեղի է ունենում եղբայրական ջերմ զրույց՝ սրտագին մթնոլորտում:

Ս. Պիմեն Պատրիարքը Հայոց Հայրապետի պատվին տալիս է ճաշկերույթ, որն անցնում է շատ ջերմ մթնոլորտում:

Հուլիսի 27-ին, երեքշաբթի օրը, Վեհափառ Հայրապետը վերադառնում է Մայր Աթոռ՝ ընկերակցությամբ տ. Գևորգ, տ. Ներսես և տ. Արսեն վարդապետների:

Մոսկվայի օդանավակայանում Հայոց Հայրապետին անձամբ ճանապարհում է համայն Ռուսաստանի և Մոսկվայի Նորին Սրբություն Ս. Պիմեն Սրբազան Պատրիարքը՝ շրջապատված միտոպոլիտներով:

Վեհափառ Հայրապետին ճանապարհում է նաև տ. Պարզև եպիսկոպոսը:

Մոսկվայի Դոմոդեդովի օդանավակայանում Հայոց Հայրապետին բարի ճանապարհ են մաղթում նաև ՍՍՀՄ Մինիստրների սովետին առընթեր կրոնական գործերի խորհրդի նախագահի տեղակալ Պ. Մակարցևը և ՀՍՄՀ Մինիստրների սովետին առընթեր հայ եկեղեցու գործերի խորհրդի նախագահի տեղակալ Ս. Հովհաննիսյանը:



ԵԹՈՎՊԵԱՅԻ ԲՈՒՅՐ ԵԿԵՂԵՑՈՒ ՆՈՐԻՆ ՍՐԲՈՒԹՅՈՒՆ
ԱՐՈՒՆԱ ԹԵՈՖԻԼՈՍԻ ԸՆՏՐՈՒԹՅՈՒՆՆ ՈՒ
ԳԱՀԱԿԱԼՈՒԹՅՈՒՆԸ

1970 թվականի հոկտեմբերի 12-ին վախճանվում էր Եթովպիայի քույր եկեղեցու Պատրիարք Նորին Սրբություն Արունա Բապիոսը:

1971 թվականի ապրիլին կատարվում էր նորընտիր Պատրիարքի ընտրությունը, ըստ Եթովպիայի եկեղեցու սահմանադրության: Պատրիարք էր ընտրվում Պատրիարքի պաշտոնակատար Թեոֆիլոս միտրոպոլիտը: Նորին Վեհափառություն Եթովպիայի կայսր Հայլե Սելասիեն մախարաբի ղեկավարության ներքին Պատրիարքի գահակալության հանդիսությունը որոշվում էր կատարել մայիսի 9-ին Ադիս-Աբեբայի ա. Երրորդություն Մայր տաճարում:

Այս առթիվ Եթովպիայի կայսր Հայլե Սելասիեն ապրիլ 22 թվակիր հետևյալ հրավերն էր ուղարկում Հայոց Հայրապետին, որպես հայ եկեղեցու գերագույն պետի՝ մասնակցելու նորընտիր Պատրիարքի՝ Նորին Սրբություն Արունա Թեոֆիլոսի գահակալության հանդեսին՝ բաժանելու Եթովպիայի քույր եկեղեցու և ժողովրդի ուրախությունը:

«Եթովպիայի ուղղափառ եկեղեցու նորընտիր Պատրիարքի՝ Նորին Սրբություն Արունա Թեոֆիլոսի գահակալության հանդիսությունը տեղի է ունենանալու Ադիս-Աբեբայում, 1971 թվականի մայիսի 9-ին:

Մեծ հաճությամբ է, որ այս հրավերը հղում ենք Ձերդ Սրբությանը՝ ներկա լինելու այս բարեբաստիկ հանդիսությանը: Ձեր ներկա-

յությունն անկասկած առավել պիտի գորացնի մեր երկու քույր եկեղեցիների միջև գոյություն ունեցող հարաբերությունները:

Ձեր աղոթքներում հիշեցնք նաև Մեզ:

ԿԱՅՍՐ ՀԱՅԼԵ ՍԵԼԱՍԻԵ»

Հայոց Հայրապետը, գոհմանակությամբ ընդունելով կայսերական հրավերը, նշանակում էր հայրապետական մասնավոր պատվիրակություն Հայաստանյայց եկեղեցու և Իր անունից մասնակցելու նորընտիր Պատրիարքի գահակալության հանդիսությանը: Հայրապետական պատվիրակության կազմի մեջ էին մտնում Գերագույն հոգևոր խորհրդի անդամ և վրահայոց առաջնորդ տ. Կոմիտաս եպս. Տեր-Ստեփանյանը, եգիպտահայ թեմի առաջնորդական տեղապահ տ. Զավեն եպս. Չինչինյանը և Եթովպիայի հայոց հոգևոր նույնի տ. Շնորհք վրդ. Գասպարյանը:

Տ. Կոմիտաս եպիսկոպոսը մայիսի 4-ին մեկնում էր Մայր Աթոռից և մայիսի 6-ին ժամանում Կահիրե և մայիսի 7-ին եգիպտահայոց առաջնորդական տեղապահ տ. Զավեն եպս. Չինչինյանի հետ միասին՝ որպես անդամ պատրիարքական գահակալության հանդիսության հայ եկեղեցին ներկայացնելով պատվիրակության, ժամանում են Ադիս-Աբեբա:

Հայ եկեղեցու բարձրաստիճան երկու ներկայացուցիչները օղանավակայանում դիմավորվում են եթովպիական եկեղեցու բարձ-



ԵԹՈՎՊԻԱՅԻ ԵԿԵՂԵՑՈՒ ՆՈՐԻՆ ՍՐԲՈՒԹՅՈՒՆ ԱԲՈՒՆԱ ԹԵՈՖԻԼՈՍ ՆՈՐԸՆՏԻՐ
ՊԱՏՐԻԱՐԺԸ

րաստիճան հոգևորականների, կայսերական Տան նախարարի և հայ համայնքի ազգային-եկեղեցական մարմինների կողմից, գլխավորությամբ հոգևոր հովիվ տ. Շնորհք վրդ. Գասպարյանի, որը նույնպես ի պաշտոնե դառնում է մեր եկեղեցին և Մայր Աթոռը ներկայա՛նող եկեղեցական պատվիրակության անդամը:

Մայիսի 8-ին, շաբաթ օրը, հյուրանոցում մեր պատվիրակության անդամները ընդունում են այցելությունը քույր եկեղեցու ներկայացուցիչների: Երեկոյան մեր սրբազանները, հանուն Հայոց Հայրապետի, իրենց առաջին այցելությունն են տալիս նորընտիր Աբունա Թեոֆիլոս Սրբազան Պատրիարքին, նրա պատրիարքական դահլիճում, և հաղորդում Հայոց Հայրապետի եղբայրական ողջույններն ու շնորհավորանքը:

Մայիսի 9-ին, կիրակի օրը, Եթովպիայի կայսր Հայլե Սելասիեի ներկայությամբ Ադիս-Աբեբայի ս. Երրորդություն Մայր տաճարում տեղի է ունենում հանդիսավոր ս. պատարագ և նորընտիր Պատրիարքի գահակալության հանդիսությունը, որին մասնակցում են նաև տ. Կոմիտաս, տ. Զավեն եպիսկոպոսները՝ եկեղեցական լրիվ զգեստավորման մեջ՝ ի շարս քույր եկեղեցիների այլ ներկայացուցիչների:

Գահակալության հանդիսության որոշ մի պահի և ըստ ծրագրի մեր պատվիրակ սրբազանները «Հրաշափառ»-ով և հանդիսավորությամբ ս. Սեդան են բարձրացնում Ամենայն Հայոց Հայրապետի ապրիլ 29 թվակիր շնորհավորական կոնդակը («Էջմիածին», 1971, ապրիլ, էջ 3), որը գրված էր Եթովպիայի եկեղեցու նորընտիր Պատրիարքի ընտրության ուրախ առիթով:

Ա. Սեդանից տ. Զավեն եպիսկոպոսը ի լուր ժողովրդյան ընթերցում է Հայոց Հայրապետի շնորհավորական կոնդակը, որի ամհարերեն լեզվով թարգմանությունը ընտիր և գեղեցիկ տպագրությամբ նախապես կատարված Ադիս-Աբեբայի ազգային-եկեղեցական իշխանությունների կողմից՝ ներկայացվում է կայսրին, գահաժառանգ իշխանին, պալատականներին, քույր եկեղեցու ներկայացուցիչներին:

Այնուհետև մեր երկու սրբազանները կատարում են «Հայրապետական մաղթանք»՝ «չերկարակեցություն և յարևաշատություն» նորընտիր Պատրիարքի, «ի հաստատություն ուղղափառ եկեղեցույ, յերկիր խաղաղություն, և ի բարօրություն հայրենեաց Եթովպիոյ և յանասանություն գահին կայսերական»:

Հավարտ ս. պատարագի նորընտիր Պատրիարքին շնորհավորում են կայսրը,

քույր եկեղեցիների ներկայացուցիչներ, այդ թվում՝ Ալեքսանդրիայի և համայն Աֆրիկայի հույն օրթոդոքս եկեղեցու Պատրիարք Տ. Նիկողայոս Զ-ը, ռումին եկեղեցու Տ. Ժուստինիան Պատրիարքը, ղպտի եկեղեցու Պատրիարքի պաշտոնակատար եպիսկոպոսը, Կ. Պոլսի հունաց տիեզերական Պատրիարքի ներկայացուցիչը, Մոսկվայի և համայն Ռուսաց պատրիարքության անունից՝ տ. Նիկողիմ միտրոպոլիտը, Երուսաղեմի հունաց Պատրիարքի ներկայացուցիչը, Հռոմի Սրբազան Պապի նվիրակը, Բուլղարիայի, Հարավսլավիայի, Կիպրոսի, Հունաստանի Աթոռների ներկայացուցիչներ և այլն:

Վերջում շնորհակալության ջերմ խոսք է ասում նորընտիր Աբունա Թեոֆիլոս Պատրիարքը:

Աբունա Թեոֆիլոսի ընտրությամբ և գահակալությամբ եթովպիական քույր եկեղեցին դարձավ ինքնագլուխ և անկախ, ղպտի և եթովպիական եկեղեցիների եղբայրական համաձայնությամբ և կանոնական որոշումով:

Ինչպես հայտնի է, մինչ այդ Եթովպիայի եկեղեցու Պատրիարքի ընտրությունը ենթակա էր ղպտի եկեղեցու պատրիարքության հաստատման:

Մայիսի 11-ին մեր եկեղեցու պատվիրակությունը այցելում է նորընտիր Պատրիարքին, որի հետ ունենում է մտերիմ զրույց՝ Էկումենիկ ոգով:

Այս առթիվ Աբունա Թեոֆիլոսին է հանձնվում Ամենայն Հայոց Հայրապետի նվերը՝ ձույլ ոսկի, հայկական եկեղեցական արվեստի ոճով Մայր Աթոռում պատրաստված ս. Աստվածածնի քանդակ-սրբապատկերը:

Մայիսի 12-ին, չորեքշաբթի օրը, հայ եկեղեցու պատվիրակությունը արժանանում է կայսերական ընդունելության:

Հանուն Հայոց Հայրապետի տ. Կոմիտաս եպիսկոպոսը, ողջունելով Նորին կայսերական վեհափառություն Հայլե Սելասիե Ա-ին, ասում է.

«Ուրախ ենք ու երջանիկ, որ ընդառաջելով Զերդ օգոստափառ կայսերական վեհափառության հրավերին, մենք նշանակվեցինք՝ ներկայացնելու Հայաստանյայց առաքելական ս. եկեղեցին՝ Ամենայն Հայոց կաթողիկոս Տ. Տ. Վազգեն Ա. Հայրապետի կողմից: Մայր տաճարում մենք մասնակցեցինք ձեր եկեղեցու արժանընտիր Պատրիարքի գահակալության հանդիսությանը, մեր աղոթքները միախառնեցինք, որպեսզի ամուր, հաստատուն ու պայծառ լինի Եթովպիո ս. եկեղեցին իմ առաջին անկախ պատրիարքի ու Զերդ կայսերական վեհափառության հովանիին տակ:

Այսօր ձեզ բերում ենք Ամենայն Հայոց Հայրապետի սրտագին շնորհավորանքներն ու անկեղծ ուրախությունը, ինչպես նաև Հայաստանյայց եկեղեցու հոգևոր դասի, այն մասին, որ վերջերս թափուր մնացած Եթովպիոյ պատրիարքական Աթոռը իր արժանավոր գահակալը ունեցավ հանձին Նորին Ամենապատվություն Արուսա Թեոֆիլոսի:

Հանուն մեր եկեղեցու, նրա գերագույն պետի ու բոլոր հայ հավատացյալների, աղոթում ենք, որպեսզի Ձեր օգոստոսիան իշխանության տարիներին՝ գեղեցիկ Եթովպիան միշտ ապրի խաղաղ ու բարգավաճ. պայծառաման թող ձեր ս. եկեղեցիներն ու վանքերը և առավել ամրապնդվի խաղաղությունը ժողովուրդների միջև:

Խնդրում ենք Ձերդ կայսերական վեհափառությունից ընդունել Ամենայն Հայոց Հայրապետի ձոնագրյալ «Հայկական եկեղեցիներ» այբումը:

Նորին վեհափառություն կայսրը, խորապես զգացված Ամենայն Հայոց Վեհափառ Հայրապետի ողջույններից և բարեմաղթություններից, սրտագին շնորհակալություն է հայտնում, որ Նորին Աթոռությունը բարեհաճել է ս. Էջմիածնից մասնավոր եկեղեցական պատվիրակություն ուղարկել Ադիս-Աբեբա՝ ներկա լինելու պատրիարքական գահակալության հանդիսություններին, բաժանելու եթովպական գահի, եկեղեցու և հավատացյալ ժողովրդի այս պատմական ուրախությունը:

Այնուամենայնիվ շարունակելով իր խոսքը կայսրը շեշտում է, որ իր արտի բարի ցանկու-

թյունն է եղել միշտ, որ եղբայրական, սրտագին հարաբերություններ գոյություն ունենան քույր եկեղեցիների միջև, այդ թվում նաև Հայաստանյայց առաքելական եկեղեցու և եթովպական եկեղեցու միջև, որոնք միմյանց հետ պատմականորեն և ներկայիս էլ կապվել են դարավոր բարեկամությամբ և եղբայրական սիրով:

Իր խոսքի վերջում Նորին Վեհափառությունը խնդրում է իր սերն ու հարգանքը, երախտագիտությունն ու բարեմաղթությունները ներկայացնել Հայոց Հայրապետին, հայ եկեղեցու հոգևորականությանը և հավատացյալ ժողովրդին:

Հայ և եթովպական քույր եկեղեցիներն ու ժողովուրդները միմյանց հետ կապված են ատրք Ավետարանի լույսի ներքո՝ ի Քրիստոս դարավոր ու անխախտ եղբայրությամբ:

Մեր օրերին, էկումենիկ շարժման այս ժամանակաշրջանում, քրիստոնեական սիրո և եղբայրության այս կապերն էլ ալելի են ամրապնդվում փոխադարձ այցելություններով, երկու եկեղեցիների միջև, մասնավոր բազալությամբ քրիստոնեական հավատքի պաշտպան՝ քրիստոսապալկ Հայր Աթոռին Ա կայսրին, որ մեծ բարեկամն է Հայոց Հայրապետի, հայ եկեղեցու և հայ ժողովրդի:

Եթովպիայի քույր եկեղեցու նորընտիր Պատրիարք Արուսա Թեոֆիլոսը բազմակողմանիորեն պատրաստված, հավատավոր ու հայրենասեր հոգևորական է, մեր օրերի քրիստոնյա աշխարհի հոգևոր առաջնորդներից մեկը, միաժամանակ նաև ազնիվ բարեկամը հայ եկեղեցու և հայ ժողովրդի:





ԳՐԶԱԿԱՆՈՒԹՅԱՆ ՀԱՆՐԱՍՈՒԹՅԱՆ ՄԻ ՊԱՆԶ



ԲՈՒԼՂԱՐ ՕՐԹՈԴՈՔՍ ԵԿԵՂԵՑՈՒ ՆՈՐԻՆ ՍՐԲՈՒԹՅՈՒՆ
Տ. ՄԱՔՍԻՄ ՍՐԲԱԶԱՆ ՊԱՏՐԻԱՐԷԻ ԸՆՏՐՈՒԹՅՈՒՆՆ
ՈՒ ԳԱՀԱԿԱԼՈՒԹՅՈՒՆԸ

1971 թվականի մարտի 7-ին վախճանվում էր բուլղար օրթոդոքս եկեղեցու Տ. Կիրիլ Սրբազան Պատրիարքը (1901—1971), որի 18-ամյա պատրիարքական գահակալությամբ բուլղար օրթոդոքս եկեղեցին ապրեց իր հոգևոր ու եկեղեցական զարթոնքի փառավոր շրջաններից մեկը:

Ըստ բուլղար եկեղեցու սահմանադրության, չորսամյա սգի կանոնական շրջանից հետո կատարվում է նորընտիր պատրիարքի ընտրությունը:

Տ. Կիրիլ Սրբազան Պատրիարքի վախճանումից հետո, տեղապահության պաշտոնը վարում է Սինոդի կողմից ընտրված տ. Պիմեն միտրոպոլիտը:

Սրբազանը Սինոդի 19 մայիս թվակիր նիստի որոշումով նոր պատրիարքի ընտրությունը նշանակվում է հուլիսի 4-ին, կիրակի օրը:

Հուլիսի 4-ին, առավոտյան ժամը 9-ին, Սոֆիայի ս. Ալեքսանդր Նևսկու անվան Մայր տաճարում պաշտվում է ս. պատարագ: Ապա 8.45—10-ը գումարվում է ս. Բորիս թագավորի անվան սինոդական պալատի շքեղ դահլիճում պատրիարքական ընտրական նիստը, ուր, աստվածային տնօրինությամբ և ս. Հոգու առաջնորդությամբ, բուլղար օրթոդոքս եկեղեցու Պատրիարք և Սոֆիայի միտրոպոլիտ է ընտրվում Լուվեչի Ն. Ս. Տ. Մաքսիմ միտրոպոլիտը:

Նորընտիր Տ. Մաքսիմ Սրբազան Պատ-

րիարքի գահակալության պաշտոնական հանդիսությունը նույն օրը, ժամը 11-ին, դարձյալ կատարվում է Սոֆիայում, ս. Ալեքսանդր Նևսկու անվան փառավոր Մայր տաճարում:

Բուլղար օրթոդոքս եկեղեցու ուրախությունը բաժանելու և գահակալության հանդիսությանց մասնակցելու համար Սոֆիա էին ժամանել բուլղար եկեղեցիների հոգևոր պետեր և ներկայացուցիչներ ու պատվիրակություններ:

Մոսկվայի և համայն Ռուսաստանի Նորին Սրբություն Տ. Պիմեն Սրբազան Պատրիարքը անձամբ էր գլխավորում ռուս պապական եկեղեցու պատվիրակությանը:

Ռումին օրթոդոքս եկեղեցու պատվիրակությանն անձամբ գլխավորում էր Ն. Ս. Տ. Ժուստինիան Սրբազան Պատրիարքը:

Նորին Սրբություն Տ. Եփրեմ Բ Պատրիարք-կաթողիկոսը գլխավորում էր վրաց պապական եկեղեցու պատվիրակությանը:

Կ. Պոլսի տիեզերական, Ալեքսանդրիայի, Երուսաղեմի, Սերբիայի օրթոդոքս պատրիարքությունները, Կիպրոսի, Աթենքի արքեպիսկոպոսությունները, Լեհաստանի, Չեխոսլովակիայի, Ֆինլանդիայի, Նյու-Յորքի, Ճապոնիայի օրթոդոքս եկեղեցիները, Եկեղեցիների համաշխարհային խորհուրդը (ԺՆՆ) ուղարկել էին, միտրոպոլիտների արքեպիսկոպոսների գլխավորությամբ, պաշտոնական պատվիրակություններ, ինչպես

նաև խաղաղության պաշտպանության քրիստոնեական զանազան կազմակերպությունները:

Ամենայն Հայոց Հայրապետի բարեհաճ կարգադրությամբ, Բուդապեշտի նորընտիր Պատրիարքի գահակալության հանդիսությամբ Մայր Աթոռ ս. Էջմիածինն ու Հայրապետից առաքելական եկեղեցին ներկայացնում էին Ռուսիայի և Բուդապեշտի թեմերի հայոց առաջնորդ տ. Տիրայր եպս. Մարտիրոսյանը և Բուդապեշտի հայոց թեմական խորհրդի ատենապետ պրն. Օննիկ Ասլանյանը:

Հուլիսի 3-ին Ամենայն Հայոց Հայրապետը մասնավոր գրությամբ շնորհավորում էր նորընտիր Սրբազան Պատրիարքին: Հայոց Հայրապետի շնորհավորական գիրը տպվել է «Էջմիածին» ամսագրի սույն համարում (էջ 3):

Գահակալության հանդիսության եկեղեցական մասի ավարտից հետո ս. Ալեքսանդր Նևսկու անվան Մայր տաճարում նորընտիր Պատրիարքն ընդունում է շնորհավորանքներ՝ հանդիսությունը ներկա հոգևոր պետերի, պատվիրակությունների, ինչպես նաև պետական անձնավորությունների:

Հանդիսության ընթացքում, հանուն Ամենայն Հայոց Վեհափառ Հայրապետի, Բուդապեշտի նորընտիր Պատրիարքին շնորհավորում է նաև, ի պաշտոնե, տ. Տիրայր եպս. Մարտիրոսյանը և հանդիսավորապես նրան է հանձնում Հայոց Հայրապետի թանկագին նվերը՝ Աստվածամոր ոսկե քանդակ-նկարը՝ պատրաստված Երևանի վարպետ ոսկերիչների կողմից:

Պատրիարքական ընտրության և գահակալության հանդիսությունները տևում են հուլիսի 4—9 օրերը:

Հայ եկեղեցու պատվիրակությունը, մյուս եկեղեցիների պատվիրակությունների հետ միասին, մասնակցում է գահակալության առթիվ կազմակերպված ոխտազնացություններին և ընդունելություններին:

Հուլիսի 5-ին ոխտազնացություն է կատարվում դեպի Ռիլայի վանքը, հուլիսի 7-ին՝ Պոլովկի Պաշկովի վանքը, ուր ամփոփված է Տ. Կիրիլ հանգուցյալ Պատրիարքի աճյունը: Այստեղ, հանգուցյալ Պատրիարքի գերեզմանի վրա, կատարվում է հանդիսավոր հոգեհանգստյան պաշտոն՝ մասնակցությամբ բոլոր հյուրերի և պատգամավորների:

Հուլիսի 5-ին, ի պատիվ հյուրերի և պատգամավորների, «Բալկան» մեծ ճաշարանում տրվում է հրաժեշտի պաշտոնական ընդունելություն, որին մասնակցում են նաև Մայր

Աթոռի ներկայացուցիչ տ. Տիրայր եպս. Մարտիրոսյանն ու պրն. ՕՆՆԻԿ Ասլանյանը:

Ընդունելության ժամանակ Բուդապեշտի թեմական խորհրդի ատենապետ պրն. Օննիկ Ասլանյանը, հանուն բուդապեշտի թեմի ազգային-եկեղեցական իշխանությանը և ժողովրդի, ընթերցում է հետևյալ ողջույնի ջերմ խոսքը.

«Չերդ Սրբություն,

Հարգելի սեղանակիցներ,

Հայրապետից առաքելական սուրբ եկեղեցու արժանավոր գահակալ՝ Ամենայն Հայոց կաթողիկոս, Նորին Սրբություն Վազգեն Ա-ը մեզի պարտականություն հանձնեց ողջունել Չերդ Սրբությունը՝ բուդապեշտի սուրբ եկեղեցու նորընտիր գահակալ, ու ես կկատարեմ սույն հանձնարարությունը այն ուրախությամբ, որ կապտանեմ բուդապեշտի եկեղեցու և բուդապեշտի ժողովրդի կյանքին մեջ տեղի ունեցող այս խոշոր դեպքը:

Տեղին է վեր ասել ու ընդգծել, որ բուդապեշտի ժողովուրդը և բուդապեշտի եկեղեցին թանկագին են հայ եկեղեցու ու անոր առաքելական եկեղեցու պատմական հուշին մեջ:

Հայտնի է Նորին Սրբություն Ամենայն Հայոց կաթողիկոս Վազգեն Ա-ի տաճած մասնավոր հարգանքը բուդապեշտի ժողովուրդի և բուդապեշտի եկեղեցու նկատմամբ, որոնք բուդապեշտի հողին վրա ընդունված են, հոգաժողություն և եղբայրական սեր ցույց տված են հայերուն՝ ծանր տառապանքներու տարիներուն:

Հանուն այս զգացումներուն և եղբայրության ու խաղաղության, բարօրության և տեղական վերելքի հանդեպ երկու ժողովուրդներու միասնական ձգտումներուն, Նորին Սրբություն կաթողիկոս Վազգեն Ա-ի անունով, հանուն հայ ժողովուրդին ու անոր սուրբ եկեղեցույն, Չերդ Սրբության կմախքն երջանիկ ծառայություն՝ հանդեպ բուդապեշտի եկեղեցու ու եղբայրական բուդապեշտի ժողովուրդին, ինչպես նաև աշխարհի ժողովուրդներուն միջև եղբայրության ու խաղաղության վսեմ իդեալներուն:

Թող Աստված Իր շնորհքը պարգևե Չերդ բարձրագույն ծառայության մեջ:

Ապա Ռուսիայի և Բուդապեշտի հայոց թեմի առաջնորդ տ. Տիրայր եպս. Մարտիրոսյանը, հանուն Ամենայն Հայոց Վեհափառ Հայրապետի, ողջունելով և շնորհավորելով նորընտիր Տ. Մարտիրոս Սրբազան Պատրիարքին, հուլիսի 5-ի պաշտոնական ընդունելության ժամանակ ասում է.

«Չերդ Սրբություն,

Հարգելի սեղանակիցներ,

Հայ առաքելական սուրբ եկեղեցին և նրա



ԲՈՒԼՂԱՐ ՕՐԹՈԴՈՔՍ ԵԿԵԼԵՑՈՒ ՆՈՐԻՆ ՍՐԲՈՒԹՅՈՒՆ Տ. ՄԱՔՍԻՄ
ՆՈՐԸՆՏԻՐ ՊԱՏՐԻԱՐԺ

արժանավոր գահակալը՝ Նորին Սրբություն Ամենայն Հայոց կաթողիկոս Ս. Տ. Վազգեն Ա-ը, ինձ վրա պարտք է դրել ողջունել Ձերդ Սրբությանը բույլար սուրբ եկեղեցու նորընտիր գահակալիդ: Ես սույն հայրապետական հանձնարարությունը կատարում եմ այն ուրախությամբ, որ այս խոշոր դեպքը նշանակալից է բույլար եկեղեցու և բույլար ժողովրդի կյանքի մեջ:

Տեղին է վեր հանել ու ընդգծել, թե բույլար ժողովուրդը և բույլար եկեղեցին թանկագին են հայ ժողովրդի ու նրա առաքելական եկեղեցու համար պատմական հուշերի մեջ:

Հայտնի է Ամենայն Հայոց կաթողիկոս Նորին Սրբություն Ս. Տ. Վազգեն Ա-ի մասնավոր հարգանքը հանդեպ բույլար ժողովրդին և բույլար հոգևորականությանը, որոնք բույլար հողի վրա հայերին ասպնջականություն, հոգածություն և եղբայրական սեր են ցույց տվել ծանր տառապանքի տարիներին:

Հանուն սույն հարգանքի և եղբայրական զգացմունքի, ինչպես նաև հանուն երկու ժողովուրդների բարօրության, հանուն Նորին Սրբություն Վազգեն Ա-ի, հանուն հայ ժողովրդի ու նրա սուրբ եկեղեցու, Ձերդ Սրբությանը մաղթում ենք երջանիկ հովվապետություն ի պայծառություն բույլար եկեղեցու, ինչպես նաև աշխարհի ժողովուրդների միջև եղբայրության վեհ իդեալների հաղթանակի:

Թող Տերը Ձեզ շնորհի իր օրհնությունը՝ Ձեր նոր սրբազան ու վեհ ծառայության մեջ»:

Հուլիսի 9-ին, առավոտյան, տ. Տիրայր եպս. Մարտիրոսյանը և թեմականի ատենապետ պրն. Օննիկ Ասլանյանը պատրիարքարանի հանդիսությանց դահլիճում հրաժեշտի այցելություն են տալիս Նորընտիր Պատրիարք Սրբազանին, որը, շրջապատված Սինդի սրբազան անդամներով, շերտորեն ընդունում է Հայոց Հայրապետի պաշտոնական ներկայացուցիչներին:

Նորին Սրբությունը, ողջունելով Մայր Աթոռ ս. Էջմիածնի և հայ եկեղեցու ներկայացուցիչներին, սրտագին շնորհակալություն է հայտնում Հայոց Հայրապետին, որ բարեհաճել էր գահակալության հանդիսություններին ուղարկել մասնավոր պատվիրակություն, և խնդրում՝ իր եղբայրական ողջուններն ու բարեմաղթությունները հաղորդել Ն. Ս. Օժոթյանը, որը բույլար եկեղեցու և ժողովրդի մեծ ու անկեղծ բարեկամն է:

Սրբազան Պատրիարքը թանկագին, հուզիչ տպավորություններ է պատմում 1958 թվականին հանգուցյալ Ս. Կիրիլ Պատրիարքի հետ ս. Էջմիածնի իր այցելությունից: Նորընտիր Պատրիարքի այս շերտ արտահայտությունների վրա բոլոր ներկաները ոտքի են կանգնում և աղոթում Հայոց Հայրապետի կյանքի արևշատության համար և միաբերան երգում՝ «Երկար տարիներ Հայոց Հայրապետին» («Многое лето») օրհներգը:

Այս առթիվ տ. Տիրայր եպիսկոպոսը, հանուն բույլարահայ թեմի ազգային-եկեղեցական իշխանությանց և հայ հավատացյալ ժողովրդի, նորընտիր Սրբազան Պատրիարքին է նվիրում ոսկե խաչ՝ ի նշան հայ ժողովրդի՝ դեպի հյուրընկալ Բույլարիան ունեցած սիրո և երախտագիտության:


Հուլիսի 11-ին, Կիրակի օրը, Բույլարիայի բոլոր հայկական եկեղեցիներում կատարվում է գոհաբանական մաղթանք՝ ի պայծառություն բույլար օրթոդոքս եկեղեցու և հարևանություն նորընտիր Պատրիարք Նորին Սրբություն Մաքսիմի, որպես սրտագին արտահայտություն հայ և բույլար եկեղեցիների, ի Քրիստոս սիրո, համագործակցության և եղբայրության:

Նորին Սրբություն Ս. Մաքսիմ Սրբազան Պատրիարքը ծնվել է 1914 թվականի հոկտեմբերի 29-ին: Ավարտել է Սոֆիայի հոգեվոր ճեմարանը և բարձրագույն ակադեմիան:

1941 թվականին կուսակրոն քահանա է ձեռնադրվել և հրավիրվել է դասախոսելու Սոֆիայի հոգևոր ճեմարանում: Ապա հինգ տարի վարել է Բույլարիայի կրոնական ներկայացուցչության նախագահի պաշտոնը և, հուսկ ուրեմն, ընտրվել է ս. Սինդի գլխավոր քարտուղար:

1956 թվականին եպիսկոպոս է ձեռնադրվել: 1960 թվականին ընտրվել է Լովեչի միտրոպոլիտ: 1971 թվականի հուլիսի 4-ին ընտրվում է բույլար օրթոդոքս եկեղեցու Պատրիարք և Սոֆիայի միտրոպոլիտ:

Նորընտիր Ս. Մաքսիմ Պատրիարքը բազմակողմանիորեն պատրաստված, զարգացած ու հայերենաբեր հոգևորական է, մեր ժամանակի բույլար եկեղեցու տիպական ու կարևորագույն դեմքերից մեկը, խաղաղության ու էկումենիկ շարժման անձնորդ եկեղեցու, միաժամանակ հայ եկեղեցու և հայ ժողովրդի ազնիվ ու անկեղծ բարեկամը, այնքան շերտ, եղբայրական սիրով կապված Հայոց Հայրապետի և Մայր Աթոռ ս. Էջմիածնի հետ:



ՀՈՎԱԿԱՆ ԱՅՅԵԼՈՒԹՅՈՒՆ

ԱՊԻՍ-ԱՔԵՐԱՅԻ ՀԱՅ ՀԱՄԱՅՆՔԻ ԾՈՅՈՒՄ

Եթովպիայի քույր եկեղեցու նորընտիր Պատրիարքի գահակալության հանդիսություններից հետո, տ. Կոմիտաս, տ. Զավեն եպիսկոպոսները, սիրալիր հրավերով Ադիս-Աբեբայի գաղութային վարչության, հովվական այցելություն են տալիս այդ համայնքին և հանգամանորեն հետաքրքրվում նրա եկեղեցական-մշակութային և ազգային-հայրենասիրական կյանքով ու գործունեությամբ:

Մայիսի 16-ին, կիրակի օրը, տ. Կոմիտաս եպիսկոպոսը պատարագում է Ադիս-Աբեբայի հայոց և Գևորգ եկեղեցում և, հաղորդելով Ամենայն Հայոց Վեհափառ Հայրապետի ողջույններն ու օրհնությունները, Բանին կենաց քարոզությամբ մխիթարում ժողովրդին:

Մայիսի 17-ին, երկուշաբթի օրը, երեկոյան, եթովպահայ համայնքի ազգային-եկեղեցական մարմինները, ի պատիվ տ. Կոմիտաս և տ. Զավեն եպիսկոպոսների, «Հիլտոն» հյուրանոցի ճաշարանում ընդունելություն են կազմակերպում, որի ընթացքում գործադրության է դրվում նաև գեղարվեստական մի ծրագիր:

Ընդունելության ժամանակ ջերմ, եկեղեցանվեր ու հայրենասիրական երույթներ են ունենում տ. Կոմիտաս, տ. Զավեն եպիսկոպոսները, տ. Շնորհք վրդ. Գաապարյանը և գաղութային վարչության կողմից Հայկազուն Ուզունյանը:

Մայիսի 18-ին, երեքշաբթի օրը, սրբազանները այցելում են Ադիս-Աբեբայի հայոց Գևորգով ազգային վարժարանը և հետաքրքրվում հանգամանորեն դպրոցի ուսումնա-դաստիարակչական աշխատանքներով, այցելում են դասարանները, զրույց ունենում տեղական, դասախոսական կազմի և աշակերտության հետ և թելադրում լինել հարագատ զավակները Հայաստանյայց սուրբ-յական եկեղեցու և Մայր Աթոռ ս. Էջմիածնի, ուսման մեջ լինել առաջադեմ, լավագույն տիրապետել հայոց լեզվին և գրականությանը և միշտ կենդանի կապի մեջ լինել մայր հայրենիքի հետ:

Նույն օրը, երեկոյան ժամը 21-ին, մեր սրբազանները նախագահում են «Արարատ» մարզական երիտասարդաց միության՝ Ապրիլյան եղեռնի հիշատակին կազմակերպած սգո հիստին և ոգեկոչելով օրհնում հիշատակը մեր բյուրավոր նահատակների:

Մայիսի 21-ին, երեկոյան ժամը 17-ին, հայ եկեղեցու պատվիրակությունը հրաժեշտի այցելություն է տալիս նորընտիր Պատրիարք Աթունա Թեոֆիլոսին և Նորին Արքուքության հետ ունենում ջերմ զրույց՝ հայ և եթովպական եկեղեցիները շահագրգռող մի շարք հարցերի շուրջ, էկումենիկ ոգով:

Նույն օրը, երեկոյան, Ադիս-Աբեբայի ազգային-եկեղեցական մարմինները տ. Կոմիտաս և տ. Զավեն եպիսկոպոսների պատվին կազմակերպում է հրաժեշտի ընդունելություն, որն անցնում է ջերմ, հայրենասիրական մթնոլորտում:

ՍՈՒՐԲ ԷԶՄԻԱԾՆԻՅ ՕՐՀՆՈՒԹՅՈՒՆ
ԵԳԻՊՏՈՍԻ ԵՎ ԻՐԱԲԻ ԹԵՄԵՐԻՆ ԵՎ
ՍՈՒԳԱՆԻ ՀԱՅ ՀԱՄԱՅՆՔԻՆ

Մասնավոր հրավերով Սուդանի հայ համայնքի, Եգիպտոսի և Իրաքի եկեղեցական-տեղական իշխանությունների, տ. Կոմիտաս եպիսկոպոսը այցելություն է տալիս այդ համայնքներին:

Սուդանում: Մայիսի 22-ին, շաբաթ օրը, տ. Կոմիտաս և տ. Ջավեն եպիսկոպոսները, ավարտած լինելով իրենց առաքելությունը Ադիս-Աբեբայում, հովվական այցելության են մեկնում Սուդանի մայրաքաղաք Խարթում՝ համայնքի վարչության մասնավոր հրավերով: Օդանավակայանում երկու սըր-բազաններին դիմավորում և բարի գալուստ է մաղթում գաղութային մարմնի ատենապետ Երվանդ Ջիերջյանը:

Մայիսի 23-ին, կիրակի օրը, տ. Կոմիտաս եպիսկոպոսը Խարթումի հայոց ս. Գրիգոր Լուսավորիչ եկեղեցում պատարագ է մատուցում և քարոզում՝ հաղորդելով Ամենայն Հայոց Վեհափառ Հայրապետի ողջույններն ու օրհնությունները:

Խարթումում ապրում են շուրջ 350 հայեր, որոնք բարեկեցիկ վիճակ ունեն, զբաղվում են ընդհանրապես առևտրով և արհեստներով:

Խարթումում ս. Գրիգոր Լուսավորիչ եկեղեցուն աղբյուր գործում է ման ազգային վարժարանը:

Տ. Կոմիտաս, տ. Ջավեն եպիսկոպոսները Խարթումում գտնված օրերին հանգամանորեն հետաքրքրվում են համայնքի ազգային-եկեղեցական կյանքով, դպրոցի հարցով և հանդիպումներ ունենում գաղութի պատասխանատու անձնավորությունների և երիտասարդական կազմակերպությունների ղեկավարների հետ:

Եգիպտոսում: Մայիսի 28-ին, ուրբաթ օրը, երկու սրբազանները, հրաժեշտ առնելով Սուդանի հայ համայնքից, վերադառնում են Կահիրե:

Մայիսի 30-ին, կիրակի օրը, տ. Կոմիտաս եպիսկոպոսը ս. պատարագ է մատուցում Կահիրեի հայոց ս. Գրիգոր Լուսավորիչ եկեղեցում՝ Հոգեգալստյան մեծ տոնի առիթով, և, իր քարոզի մեջ հաղորդելով Հայոց Հայրապետի ողջույններն ու օրհնությունները, խոսում է ս. Հոգու Իջման խորհրդի հոգևոր ու եկեղեցական նշանակության մասին:

Հունիսի 3-ին, հինգշաբթի օրը, տ. Կոմիտաս եպիսկոպոսը այցելության է մեկնում Ալեքսանդրիա:

Հունիսի 6-ին, կիրակի օրը, ս. պատարագ է մատուցում Ալեքսանդրիայի հայոց ս. Պո-

ղոս-Պետրոս եկեղեցում և, իր քարոզի մեջ հաղորդելով Հայոց Հայրապետի ողջույններն ու օրհնությունները, խոսում է Մայր Աթոռ ս. Էջմիածնի օրհնության ներքո Հայաստանյայց առաքելական եկեղեցու կատարած պատմական ու փրկարար առաքելության մասին, հայ ժողովրդի եկեղեցական միասնականության և ազգային միության պահպանման նվիրական գործում:

Տ. Կոմիտաս եպիսկոպոսը Կահիրե և Ալեքսանդրիա գտնված միջոցին եգիպտահայոց առաջնորդական տեղապահ տ. Ջավեն եպիսկոպոսի հետ այցելում է ազգային վարժարանները, հանդիպումներ ունենում համայնքի ազգային-եկեղեցական իշխանությանց ղեկավար անձնավորությանց, մշակութային, մարզական և այլ կազմակերպությանց ներկայացուցիչների հետ՝ ամեն տեղ և ամեն պարագայում ակամատես լինելով անվերապահ հարգանքի, սիրո և որդիական հավատարմություն դեպի Մայր Աթոռ ս. Էջմիածինը և դեպի նրա արժանընտիր Գահակալը:

Հանդիսությունների և հանդիպումների ընթացքում տ. Կոմիտաս եպիսկոպոսը ոգեվորիչ էլությամբ է ունենում հայոց աշխարհի և հայրենաքենայի հայ ժողովրդի հոգևոր, մշակութային, ազգային վերածննդյան մասին:

Տ. Կոմիտաս եպիսկոպոսը մինչև հունիսի 11-ը հովվական այցելությամբ մնում է Կահիրե և ապա, հրաժեշտ առնելով, մեկնում Իրաք:

Իրաքում: Հունիսի 11-ին, ուրբաթ օրը, տ. Կոմիտաս եպիսկոպոսը հովվական այցելության համար ժամանում է Բաղդադ, ուր ընդունվում է Իրաքի թեմի առաջնորդ տ. Ասողիկ եպս. Ղազարյանի և թեմական իշխանությանց ներկայացուցիչների՝ Հովհաննես Մեմերջյանի և Հովհաննես Տոնիկյանի կողմից:

Հունիսի 13-ին, կիրակի օրը, տ. Կոմիտաս եպիսկոպոսը կաթողիկե ս. Էջմիածնի տոնի առիթով հանդիսավոր ս. պատարագ է մատուցում Բաղդադի հայոց առաջնորդահիստ եկեղեցում և, իր քարոզի մեջ հաղորդելով Ամենայն Հայոց Վեհափառ Հայրապետի ողջույններն ու օրհնությունները, քարոզում է հայ ժողովրդի կյանքում Մայր Աթոռ ս. Էջմիածնի հոգևոր, հայրենասիրական, մշակութային առաքելության մասին անցյալում և մանավանդ այսօր, Տ. Տ. Վազգեն Ա Ամենայն Հայոց Հայրապետի գահակալության բարեբախտիկ տարիներին:

Հավարտ ս. պատարագի, առաջնորդ տ. Ասողիկ սրբազանի նախագահությամբ, կատարվում է ս. Էջմիածնի մաղթանք՝ Մայր Աթոռի տոնի առիթով:

Բաղդադում գտնված օրերին տ. Կոմիտաս եպիսկոպոսն այցելում է տեղի ազգային միացյալ վարժարանը, նորակառույց հայկական ծերանոցը, հանդիպումներ ունենում տ. Ասողիկ սրբազանի և ազգային իշխանությանը ներկայացուցիչների հետ՝ թեմական մի շարք հարցերի շուրջ, և այցելություններ է տալիս Բաղդադի քույր եկեղեցիների պետերին:

Այնուհետև տ. Կոմիտաս սրբազանը հունիսի 17—20 օրերին հովվական այցելությամբ լինում է Բասրա քաղաքում, ուր ս. պատարագի մատուցմամբ և Բանին կենաց քարոզությամբ մխիթարում է ժողովրդին և նախագահում նաև մի շարք երիտասարդական կազմակերպությունների հանդիսությանը, ուր ունենում է հյարենասիրական ելույթներ:

Հունիսի 23—25 օրերին տ. Կոմիտաս եպիսկոպոսը հովվական այցելությամբ լինում է Մուսուլ և Ջախ քաղաքներում, ուր ապրում են մանավանդ քրդախոս հայեր, որոնց համար ս. պատարագ է մատուցում և հոգեպես մխիթարում նրանց՝ վայելելով նաև այդ բարի և հավատավոր հոգիների սրտագին, ավանդական հյուրասիրությունը:

Հունիսի 25-ին, ուրբաթ օրը, երեկոյան, տ. Կոմիտաս եպիսկոպոսը այցելում է Քերքուկ:

Հունիսի 26-ին, շաբաթ օրը, ս. պատարագի մատուցմամբ և Բանին կենաց քարոզությամբ սրբազանը հոգեպես մխիթարում է տեղի հայ համայնքի անդամներին և հանդիպումներ ունենում գաղութի ազգային իշխանությանը ներկայացուցիչների հետ:

Նույն օրը տ. Կոմիտաս եպիսկոպոսը վերադառնում է Բաղդադ և հունիսի 27-ին, կիրակի օրը, ս. պատարագ մատուցում տեղի հայոց եկեղեցում և խոսում հրաժեշտի իր քարոզը:

Նույն օրը, երեկոյան, նախագահում է Բաղդադի հայոց ազգային միացյալ վարժարանի ամսվերջի հանդիսությանը: Սույն վարժարանում սովորում է 1500 երկսեռ աշակերտություն:

Հուլիսի 2-ին Բաղդադի հայոց թեմի առաջնորդ տ. Ասողիկ եպիսկոպոսը և ազգային իշխանությունները հրաժեշտի ճաշկերույթով պատվում են Ամենայն Հայոց Հայրապետի պատվիրակ տ. Կոմիտաս եպիսկոպոսին:

Ընդունելության ժամանակ փոխանակվում են ողջերթի և հրաժեշտի ճառեր, դեպի Մայր Աթոռ ս. Էջմիածնի և նրա արժանքների գահակալ Ամենայն Հայոց Վեհափառ Հայրապետի հանդեպ հավատարմության, սիրո և որդիական երախտագիտության ջերմ զգացմունքներով զեղում:

Այժմ Իրաքում ապրում են շուրջ 15 հազար հայեր: Տիրախմամ այս թեմում կան 8 եկեղեցիներ և 6 դպրոցներ: Իրաքի հայությունը նույնպես հավատարմորեն կապված է Մայր Աթոռ ս. Էջմիածնին և հպարտ ու խանդավառ՝ մայր հայրենիքի և հայրենաբնակ հայ ժողովրդի ազգային-հոգևոր ու մշակութային վերազարթոնքով:

Հուլիսի 4-ին, կիրակի օրը, տ. Կոմիտաս եպիսկոպոսը, Հայոց Հայրապետի կողմից իրեն վստահված հովվական առաքելությունը կատարելով քարեխճորեն և ձեռնհասությամբ, վերադառնում է Մայր Աթոռ:





ԱՄԵՐԻԿԱՅԻ ՄԻԱՅՅԱԼ ՆԱՀԱՆԳԱՅ ՀԱՅՈՑ ԵԿԵՂԵՑՈՒ ԵՐԻՏԱՍԱՐԴԱՅ ԿԱԶՄԱԿԵՐՊՈՒԹՅԱՆ ԱՆԴԱՄՆԵՐԸ ՄԱՅՐ ԱԹՈՌՈՒՄ

Այս տարի լրացավ Ամերիկայի Միացյալ Նահանգաց հայ եկեղեցու երիտասարդաց կազմակերպության հիմնադրման 25-ամյակը: Այս առթիվ Հայոց Հայրապետը հունիս 17 թվակիր Իր սրբատառ կոնդակում գրում է՝ խոսքն ուղղելով հայ երիտասարդությանը. «Դուք մեր ուրախությունն եք, դուք մեր լույսն եք, դուք մեր ապագան եք, դուք մեր պարծանքն եք»:

Վեհափառ Հայրապետը մեծ տեսիլքներ է գտնում հայ երիտասարդների համընդհանուր հայրենասիրական ձգտումների մեջ և, որպես հոգևոր հայր և «լուսատուր վերակացու», միշտ արթնամիտ և հետևողական հրսկում է Իր բազմացրիվ հոտը ափյուռքի ողջ տարածքի վրա: Վեհափառ Հայրապետը Իր սույն կոնդակում նշում է. «Մեր պարտականությունն է պատվեր տալ ձեզի, սիրելի երիտասարդներ, որ ձեր սիրտն ու միտքը բանաք հավիտենական ճշմարտություններուն և մնայուն արժեքներուն, որոնց աղբյուրներն են՝ Քրիստոսի Ավետարանը, մեր սուրբ եկեղեցվո ժառանգությունը և մեր ժողովրդի ազգային մշակույթի գանձարանը:

Քրիստոս՝ տեսական հեղափոխություն է մարդկային կյանքին ու պատմությանը»:

Երիտասարդությունը կյանքի պատկեր փոխողն է, երիտասարդությունը կյանքի խոստումնալից շրջանն է, որն ընդունակ է ուրախության և մեծագործության:

Ամերիկահայ երիտասարդաց եկեղեցասիրաց կազմակերպությունը այն միությունն է, որն իրեն է ձգում ամերիկածին ամեն հայ երիտասարդի, նրա սրտի մեջ նվիրական պահելու համար ս. Էջմիածնի և մայր հայրենիքի ոգեկան կապը:

Ս. Էջմիածինն ամբողջությամբ մի ավագան է Հայաստանի մեջ երկնքից իջած, ուր ամեն հայ վերստին ծնվում է աստվածային անբացատրելի խորհրդով, «կենաց բանի վերստին ծննդեամբ»: Լուսապսակ նախնիքի խորհրդապսակ գահից Վեհափառ Հայրապետը Իր կոնդակով հայրաքար խնդակից է լինում ամերիկահայ եկեղեցասիրաց կազմակերպության 25-ամյակի առթիվ և գրում է. «Այսօր, ձեր կազմակերպության կյանքի այս հանդիսավոր հանգրվանին, Մենք՝ ձեր Հայրապետը և ձեր հոգևոր Հայրը, ս. Էջմիածնեն, անհուն սիրով ու կարոտով, ձեր բարեջան առաջնորդ գեր. տ. Թորգոմ արքեպիսկոպոսի միջնորդությամբ, ձեզի բոլորիդ կբերենք Մեր ողջույնը և օրհ-

նությունը, հայցելով ձեզի՝ օգնականություն Աստուծո և շնորհները և. Հոգվույն, որպեսզի՝ բաջառողջ ապրիք և գորանաք հոգվով ու մարմնով, որպեսզի ձեր կյանքը վարեք ու գործեք՝ ձեր հայացքները սևեռած հազիտեճական ճշմարտություններում և արժեքներում, որպեսզի մնաք արժանավոր գաժակները ձեր հայրերում, միշտ ամուր կանգնած հայ ազգային ոգեկանության բարձունքներում վրա»:

Հայոց Հայրապետի սրբատառ կոնդակը մասնակցի հատիկի նման մեծացավ և արժատացավ ամեն հայ երիտասարդի սրտի և մտքի մեջ:

Այս առթիվ ամերիկահայ երիտասարդաց կազմակերպությունը մտածումն էր ունեցել, իրենց կազմակերպության հիմնադրման 25-ամյակի առիթով մեծ խմբով ուխտագնացություն կազմակերպել դեպի Մայր Աթոռ և. Էջմիածին և մայր հայրենիք: Անցյալ տարի սույն կազմակերպության 25 անդամներ գալով մայր հայրենիք, հետևեցին հայոց լեզվի, երգի և պարի դասընթացներին: Վերադառնալով նրանք իրենց խանդավառությունը փոխանցեցին ընկերներին, շրջապատին և հետաքրքրություն ստեղծեցին դեպի հայ հավատքի կենտրոն Մայր Աթոռ և. Էջմիածինն ու դեպի մայր հայրենիքի ճշմարիտ իրականությունը: Եվ այս տարի նա, հուլիսի սկզբներին, 22 հոգուց բաղկացած հայրենաժարավ երիտասարդության մի խումբ ժամանեց Մայր Աթոռ՝ գլխավորությամբ ամերիկահայ թեմի առաջնորդ տ. Թորգոմ արքեպ. Մանուկյանի: Վերոհիշյալ խումբը սիրո և կարոտի ընդունելություն գտավ և. Էջմիածնում և հայրենիքում: Ափսոսաբանության հետ մշակութային կապի կոմիտեն ամեն դյուրություն և աջակցություն բնձնեց, որպեսզի ծրագրված և հաջողությամբ ընթացան ամերիկահայ երիտասարդության հայոց լեզվի, երգի, պարի ուսուցման ու շրջագայության ծրագրերը: Երիտասարդները հնարավորություն ունեցան շրջագայելու հայրենիքում, ծանոթանալու հայրենիքի ու նրա մարդկանց հետ:

Վեհափառ Հայրապետի՝ Մայր Աթոռից բացակայության պատճառով միայն օգոստոսի 2-ին սույն կազմակերպության 22 անդամ-անդամուհիներ Հյուսիսային Ամերիկայի առաջնորդ տ. Թորգոմ արքեպ. Մանուկյանի գլխավորությամբ ժամանեցին Մայր Աթոռ: Մայր տաճարում իրենց ուխտն ու աղոթքը անելուց հետո Վեհափառ Հայրապետը բարեհաճում է ընդունել կազմակերպության անդամ-անդամուհիներին, որոնք աջահամբույրով ստանում են Վեհափառ Հայրապետի օրհնությունը: Վեհափառ

Հայրապետը մեծավ ուրախությամբ ողջունում է Իր հոգևոր զավակներին և բաջալերում նրանց ու պատվիրում խրախույս հանդիսանալ մյուսներին ուխտի գալու Մայր Աթոռ և. Էջմիածին և նորոգվելու հայրենի հողի ջրով, արևով ու ոգով: Նորին Սրբությունը, հայրաբար օրհնելով բոլորին, տալիս է Իր պատգամները ամերիկահայ նոր սերնդին և ասում, որ Ինքն անդադար աղոթող կմնա Իր հոգևոր զավակների արևելա, տության և իմաստության համար:

Հանուն ներկաների որդիական երախտագիտական սրտագին խոսք է արտասանում խմբի ղեկավարուհի Վարվառա Զամենիկյանը: Նա հայտնում է այն մեծ սերն ու կարոտը, որ ունեն մայր հայրենիքի, և. Էջմիածնի հանդեպ. «Եկանք Երևան և և. Էջմիածին և մեր աչքերով տեսանք մեր պապական մասունքները և ավելի կարևորը՝ տեսանք մեր ժողովրդի հավատքը, գյուղերում ու եկեղեցիներում մեջ: Ասիկա ավելի գորացուց մեր գիտակցությունը և գնահատանքը, մեր ժողովրդի մասին, և այն բոլորին մասին, որոնց համար կոված է մեր ժողովուրդը պատմության ընթացքին: Այս փորձությունը օգնեց մեզի, տեսնելու համար, թե արդարև թանկագին բան մը կա մեր ժողովրդին հավատքին մեջ, որ մեզի պահած է ավելի քան երկու հազար տարի:

Մենք շնորհակալ ենք Զեղ Սրբութենե, որովհետև, եթե մեզի պատեհություն տված ըլլայիք հայրենիք գալու և սովորելու, մենք պիտի չունենայինք փորձառությունը նոր հայրենիքի այս գագաթներում:

Կալիֆոռնիայեն եկած անդամները կրխտատանան Զեղ Վեհափառության, որ մենք պիտի նվիրվինք մեր կազմակերպության նպատակներում:

Մեր վերադարձին մենք մեր լավագույնը պիտի բնենք բաջալերելու համար մեր ընկերները, սովորելու համար մեր մայրենի լեզուն և պատմությունը և ուխտի գալու համար մայր հայրենիք և և. Էջմիածին:

Վեհափառ Տեր,

Նորեն Զեզի շնորհակալություն կհայտնենք և ընկերներու կողմն Զեր սուրբ Աջր կհամբուրենք:

Վեհափառ Հայրապետը մեծ ուրախություն և գոհունակություն է հայտնում ողջույնի այս խոսքերի համար:

Այնուհետև խոսք է վերցնում հոգևոր ճեմարանի նախկին ուսանող Պարույր Մելքոնյանը, որը մեկ տարի ուսանել էր հոգևոր ճեմարանում և այժմ բավականին վարժ տիրապետում է հայերեն լեզվին: Նա ասում է.

«Ահավասիկ այսօր, այս նվիրական վայրում և մանավանդ այս պատմական պահում

մենք բնավ մոռանալու չենք մեր ողջ կյանքում, որ 22 երիտասարդ բաբախուն սրտեր իրենց կարոտով գեղուն հայացքները Ձեզ են ուղղել: Մենք հուզված ենք Ձեր ներկայության ջերմությունից: Ինչպես անցյալ տարի, այս տարի ևս Դուք քաջալերեցիք և հովանավորեցիք մեզ առավելագույն չափով այցելել մեր հայրենիք: Ես իմ ուղեկից ընկերների և Ամերիկայի Հայաստանյայց եկեղեցվո երիտասարդաց կազմակերպության վարչության կողմից, պարտականություն ունեմ Ձեզ շնորհակալություն հայտնելու, մի շնորհակալություն, որ գեղուն է որդիական ամենաջերմ, ամենամուրթ զգացումներով:

Վեհափառ Տեղ, Դուք Ձեր այս հայրենանկեր գործունեությամբ մեր մեջ արմատավորեցիք հայության գաղափարը: Մենք Ձեզ յրիվ կերպով հավատում ենք. այժմ իսկական հպարտ հայեր ենք, հայ քրիստոնյա երիտասարդներ, որոնք հավատում են այն Քրիստոսին, որն իջավ այս նվիրական վայրում և հիմք դրավ հայոց գոյատևման փարոսին՝ ս. Էջմիածնին, նման Մովսեսի՝ անապատում բարձրացրած օձով խաչափայտին. «Ձի ով հայեցի նմա, ունիցի կեանս յափտեմականս»:

Մենք հեռվում հայ մնալու համար այդ լուսաշող փարոսին՝ ս. Էջմիածնին նայելով ու չմոռանալով միայն չբավականացանք, այլ, ինչպես տեսնում եք, ուխտավորաբար եկանք այստեղ, ուր տակավին արձագանքում են մեր հայրերի ոգեշունչ խոսքերը, ոգին, որոնք մեր ականջին փսփում են, ապրեք, երիտասարդներ, և մեզ պես ապրեք:

Այժմ, Վեհափառ Տեղ, թույլ տվեք համբուրելու Ձեր հայրական սուրբ Աջը համբուրելու իմ ընկերների անունից: Մենք Ձեր հարազատ հայ զավակներն ենք, որ հայ ծնվեցինք, հայ ենք ապրում և մեռնելու ենք հայորենիք:

Իր անկեղծ զգացումներն արտահայտեց նաև Ադրիեն Գրիգորյանը, որն առաջին անգամ էր լինում ս. Էջմիածնում և մայր հայրենիքում, ուստի դժվարանում էր վարժ խոսել, արտահայտելու համար իր հոգեկան ապրումներն ու բերկրանքը մայր հողից և ս. Էջմիածնի մասին:

Վերջում տ. Թորգոմ արքեպ. Մանուկյանը շնորհակալություն և երախտագիտություն է հայտնում Վեհափառ Հայրապետին՝ հայրական ու ջերմիկ այս ընդունելության համար և հայ երիտասարդների անունից մեկ անգամ ևս հաստատում իրենց սերն ու նվիր-

վածությունը Մայր Աթոռին, Հայոց Հայրապետին, մայր հայրենիքին և մեր հոգևոր-ազգային սրբություններին:

Տ. Թորգոմ արքեպիսկոպոսը հավաստիացնում է Հայոց Հայրապետին. «Ուրախ եմ վկայելու, որ Ամերիկա ծնած երիտասարդ սերունդը, հատկապես վերջին տարիներում, հայրական Ձեր հոգածության, պատգամներու և հովվապետական այցելություններու շնորհիվ հոգեկան զարթոնք մը կապրի, հոգեպես հայ է, խանդավառությամբ հայ է և կգիտակցի, որ իր ազգային դիմագիծը պահելու և զորացնելու համար պետք ունի ս. Էջմիածնի օրհնության, Ձեր անմիջական ղեկավարության և հոգածության կապվելու համար իր հավատքին, իր սրբություններուն, ինչպես նաև մայր հողի, իր վերածնված հայրենիքի հետ»:

Ամերիկահայ երիտասարդաց կազմակերպության սույն արտառուչ հանդիպմանը Հայոց Հայրապետի հետ ներկա են լինում նաև Մայր Աթոռի երիտասարդ վարդապետներն ու սարկավագները: Հանդիպումն ավարտվում է հայրապետական պատգամով և օրհնությամբ:


Բոլոր երիտասարդները ծնրադիր, աջահամբույրով ստանում են Հայոց Հայրապետի օրհնությունը՝ արտահայտելով միաժամանակ իրենց որդիական սերն ու հավատարմությունը դեպի Մայր Աթոռ ս. Էջմիածինն ու նրա արժանընտիր գահակալը, որը մեծ հույսեր է կապել ամերիկահայ լոռ սերունդի հոգևոր, եկեղեցամկեր ու հայրենասիրական ապագա գործունեության հետ:

Հանդիպման ավարտին Վեհափառ Հայրապետը բարեհաճում է Վեհաբանի այգու գովաշունչ տաղավարի տակ մրգասեղանի սեղանակից դարձնել տ. Թորգոմ արքեպիսկոպոսին, Մայր Աթոռի միաբան երիտասարդ վարդապետներին և սարկավագներին, ինչպես նաև երիտասարդաց կազմակերպության անդամներին:

Բոլոր ներկաները հյուրասիրվում են Վեհաբանի առօրե քաղցրահամ մրգերով: «Ահա, ես և մանկունք իմ, զոր ետ ինձ Աստուած»:

Վերջում լավագույն տպավորություններով և անմոռաց հուշերով Հայոց Հայրապետից հրաժեշտ են առնում տ. Թորգոմ արքեպիսկոպոսը և երիտասարդաց կազմակերպության անդամ-անդամուհիները:

ԱՐՏԱՇԵՍ ՍՐԿ. ՄՈՒՇԵՂՅԱՆ



Ա. ԳՐԻԳՈՐ ՆԱՐԵԿԱՏԻ

ՆԵՐՔՈՂ ՍՈՒՐԲ ԱՍՏՎԱԾԱԾՆԻ

Ա

Եվ արդ, այսքան հուսամատությունների և ահարկու սրտաբեկության,
Ահաբեկիչ սաստկությամբ աստվածային բարկության ենթարկվելուց հետո,
Թախծայից ոգով, իսպառ տազնապած՝
Քեզ եմ աղաչում, սուրբ Աստվածածին,
Հրեշտակ մարդկանց մեջ, մարմնատեսիլ քերուրե,
Երկնավոր արքայունի,
Անխառն, ինչպես օդ, մաքուր, ինչպես լույս,
Անշաղախ՝ նման բարձր արուսյակի պատկերին պայծառ,
Գերազանց, քան սրբությունների բնակարան անկոխելի,
Խոստացված դու վայր երանավետ, Եղեմ շնչավոր,
Անմահ կենաց ծառ՝ բոցեղեն սրով պարունակված,
Բարձրյալ Հորից զորացած և հովանավորված,
Հանգստությամբ Հոգու պատրաստված և մաքրագործված,
Բնակությամբ Որդու հարդարված և տաղավարված,
Հոր համար միածին և քեզ՝ անդրանիկ,
Որդիդ՝ ծնունդով և տերդ՝ արարչությամբ,
Անաղտ մաքրությանդ հետ և՛ անբիծ բարի,
Անարատ սրբությանդ հետ և՛ քարեխոս խնամակալ,
Ընդունի՛ր աղոթքն այս աղերսայից քեզ դավանողիս,
Եվ այն ընծայիր Աստծուն իբրև պաղատանքը քո,
Խառնելով նրան՝ մեծիդ մատուցված իմ պաղատայից ներքողն առաջին,
Հյուսիք, միացրու դառն հեծությունն իմ մեղավորի
Քո երանելի և նվիրական խնդրվածքի հետ,

Կյանքի տունկդ դու օրհնված պտղի,
Որպեսզի քեզնից միշտ բարերարված
Եվ ապավինած մաքուր մայրությամդ ու լուսավորված՝
Ապրեմ ես Քրիստոս որդուդ միածին և տիրոջդ համար:

Բ

Օգնի՛ր թևավոր քո աղոթքներով, ո՛վ խոստովանված մայրդ ողջերի,
Որ երբ դուրս ելնեմ այս երկրի հովտից,
Առանց տանջալից չարչարանքների գնամ դեպի կյանք,
Ինչպիսի պատրաստված օթևաններդ:
Թող թեթև լինի վախճանն իմ, զի ես ծանրացել եմ խիստ անօրենությամբ,
Օրն իմ տագնապի դարձրու ինձ համար տոն ուրախության,
Ինչու, որ բուժեցիր երկունքն Եվայի:
Խնդրի՛ր, աղաչիր ու բարեխոսիր,
Զի անճառելի մաքրությանդ համար հավատում եմ ես՝ խոսքդ կընդունվի:
Արցունքով օգնիր դու վտանգվածիս, գովյա՛լդ կանանց մեջ.
Մեկաշոք խնդրիր հաշտությանս համար, ծնո՛ղդ Աստուծո.
Հոգատար եղիր թշվառիս հանդեպ, խորա՛ն բարձրյալի.
Ջեռք տուր ընկածիս, տաճա՛ր երկնային.
Եվ փառավորիր որդուդ քեզանով,
Որ աստվածորեն հրաշագործե ինձ ի քավություն և ողորմություն,
Ո՛վ դու Աստուծո աղախին և մայր.
Բարձրանա պիտի պատիվդ ինձանով
Եվ փրկությունն իմ՝ ցույց տրվի քեզանով՝


Գ

Եթե ինձ գտնես, տիրամա՛յր,
Թե ինձ ողորմես, սրբունի՛,
Թե կորույալիս շահես, անարա՛տ,
Եթե խրտնածիս խնամարկես, երջանի՛կ,
Եթե ամոթահարիս առաջ տանես, բարեշնո՛րհ,
Եթե միջնորդես հուսահատվածիս համար, մի՛շտ սուրբ կույս,
Եթե մերժվածիս ընտանեցնես, Աստծո՛ւց մեծարված,
Եթե ցույց տաս ինձ գթությունդ, լուծի՛չդ անեծքների,
Եթե տատանյալիս ամրապնդես, հանգի՛ստ,
Եթե հուզումներս ու խռովքներս հանդարտեցնես, խաղաղարա՛ր,
Եթե մոլորյալիս մի ճար գտնես, գովյա՛լ,
Եթե ինձ համար մտնես ասպարեզ, մահվա՛ն նահանջիչ,
Եթե դառնությունս անուշացնես, քաղցրությո՛ւն,
Եթե բաժանման արգելքը քանդես, հաշտությո՛ւն,
Եթե անմաքրությունս վերացնես, եղծմա՛ն ընդոտնիչ,
Եթե փրկես ինձ՝ մահվան մատնվածիս, կենդանի՛ լույս,
Եթե իմ լացի ձայնը կտրես, բերկրությո՛ւն,
Եթե խորտակվածիս կազդուրես, կյանքի՛ դարման,
Եթե կործանվածիս մի ակնարկ գցես, հոգելի՛ց,
Եթե ողորմությամբ ինձ պատահես, նվիրակա՛ն կտակ,
Օրհնյա՛լդ միայն երջանկալեզու անքիժ շուրթերից,
Ահա՛ կաթիլ մի կուսությանդ կաթից

Մեզս անձրևելով՝ կյանք է տալիս ինձ,
 Ո՛վ դու մայր բարձրյալ Տիրոջդ-Հիսուսի,
 Երկնի և համայն երկրի արարչի, որին ծնեցիր դու անճատորեն,
 Բովանդակ մարմնով և ամբողջովին իր աստվածությամբ,
 Որ փառավորված է Հոր և սուրբ Հոգու հետ
 Էությամբ համակ և անբնությանմ մեր բնության հետ միացած,
 Ամենայն է նա և ամեն ինչում, Երրորդությունից մեկը,
 Նրան փա՛ռք հավիտյանս հավիտենից. ամեն:

(«Մատյան ողբերգության», Երևան, 1960, էջ 343—346):





ՏԱՂ ՍՈՒՐԲ ԱՍՏՎԱԾԱԾՆԻ

Անթառամ ծաղիկ անդատապարտ շառաւիղ,
Վերաբուսեալ յարմատոյն Յեսսեայ.
Զքեզ Եսայիաս կանխաւ վերակոչեաց
Եօթնարփեան շնորհաց Հոգւոյն ընդունարան գոլ.
Աստուածածին եւ կոյս, զքեզ մեծացուցանեմք:

Համեղաճաշակ պտղոյն բանաւոր բարունակ,
Յորմէ կթեցաւ մեզ ողկոյզն
Անապառ յուրախութիւն տրտմեցելոց
Ի ճաշակմանէ ծառոյն գիտութեան.
Սրբուհի անարատ, ամենեքեան զքեզ մեծացուցանեմք:

Քաղաքավարեալ ի մարմնի անարատ վարուք.
Այսօր յառաքելոցն ամփոփեալ վերին ակնարկութեամբն
Վերափոխեցար յարքայութիւն Որդւոյ քո եւ Աստուծոյ մերոյ,
Բարեխօս խոստովանողացս. զքեզ մեծացուցանեմք:

*
* *

Լեառն վիմածին աղբիւր հորդառատ.
Բարունակ ծաղկեալ այգի վայելուչ՝
Սրովքե հողեղէն. րաբունոյ Բանին տուն տնօրէնութեան
Տաղաւար Հոգւոյն.
Առ ծնեալն ի քէն միշտ բարեխօսեա
Անդադար հայցմամբ,
Ծնորհել զթողութիւն
Մեր անջեցելոց:

Փափկութեան դրախտին բացող բանալի.
Քրիստոսի բարձող նմանող երկնից.
Սափոր ոսկեղէն լի մանանայի,
Գաւազան ծաղկեալ՝ յարմատոյն Յեսսեայ
Տաճար լուսոյ մայր.
Առ ծնեալն ի քէն...



Յող քաղցրածառալ ցանկալի զուարթնոցն.
Նիթեղէն սրովբէ, գեղ մարգարտափայլ,
Հիմն եկեղեցոյ. մարտր աղտնի,
Ամպ հովանաւոր սուրբ կոյս Մարիամ.
Ան ծնեալն ի քէն...



Աստուածածին պայծառ քան զերկինս,
Որ ի մեզ ծագեցեր զլոյսն մեծ եւ գերազանց,
Որով խաւարն անգիտութեան հալածեցաւ.
Սրովբէական ձայնի զքեզ բարեբանեմք,
Եւ հոգեւոր երգով մեծացուցանեմք:
Ամպ թեթեւ եւ յուսաւոր,
Որ զանձրեան կենաց ի քեզ հեղեալ ի յերկնային ծովէն,
Զոր հոսեցեր ի յերկիր ծարաւաւ:
Սրովբէական ձայնի զքեզ...
Պալտեզ փակեալ աստուածասունկ եղեմ,
Որ և ծառն կենաց ի մէջ դրախտի քո ի Հոգւոյն տնկեալ,
Անմահական պտղովն ելից զտիեզերս.
Սրովբէական ձայնի զքեզ բարեբանեմք,
Եւ հոգեւոր երգով մեծացուցանեմք:





ԹՈՐԳՈՄ ԱՐՔԵՊ. ԳՈՒՇԱԿՅԱՆ

ՍՈՒՐԲ ԱՍՏՎԱԾԱԾՆԻ ՏՈՆԵՐԸ

Ա. Կուսին անձը, իբրև գերագանց միջոց փրկագործության, անբաժան է Հիսուսի փրկական տնօրինություններին: Այս պատճառով, ուղղափառ եկեղեցին սկիզբն երկյուղած մեծարանք ունեցավ անոր հիշատակին հանդեպ, մանավանդ Ե դարեն հետո, երբ Եփեսոսի ժողովին մեջ դատապարտվեցավ Նեստորի մոլորությունը և վարդապետականորեն հաստատվեցավ և ընդունվեցավ անոր **ծնող** և **մայր Աստուծո** լինելու իրողությունը, այսինքն **Աստվածածին** և **Աստվածամայր** կոչումը:

Աստվածածնի կյանքին պատմությունն Ավետարանի մեջ կհիշվին այն մասերը կամ կետերը միայն, որոնք ուղղակի առնչություն ունին Հիսուսի կյանքին և փրկական տնօրինությանը հետ. անոր կենսագրության մնացյալ այսինքն մեծագույն մասը կամբողջացվի այն ավանդություններով զորս բոլոր հին եկեղեցիներն հասարակաբար ունին, և որոնք, այդ կերպով, այլևս տարրացած են եկեղեցական հնագույն գրականության հետ:

Ըստ այդմ, Մարիամ Դավթի ցեղեն էր. իր ծնողքն էին **Հովակիմ** և **Աննա** բեթղեհեմցիներ կամ նազարեթցիներ: Աննա ամուլ էր և ուխտով և աղոթքով հղացավ իր միամայր գավակը, որ կոչվեցավ **Մարիամ**: Թեև ծնավ րնության օրինաց համեմատ, այսինքն ի

հորե և ի մորե, բայց բարոյապես զերծ՝ սկիզբն իսկ՝ հասարակ մահկանացվաց աղամական արատափորությունն: Այս պատճառով, եկեղեցվո մեջ տոնելի եղավ ոչ միայն իր **ծնունդը** այլ նաև **հղությունը**, զոր մենք և հույնք կկատարենք դեկտեմբեր 9-ին, իսկ լատինք՝ 8-ին: Աստվածածնի **անարատության** գաղափարը հետ ժամանակաց ծնունդ տվավ **անարատ հղության** հարցի մը, զոր լատին եկեղեցին 1854-ին ընդունեց իբր հավատո վարդապետություն, որ սակայն մեր եկեղեցիին համար անընդունելի է: — **Հղության տոնը**, թեև ա. Կուսին կյանքի ժամանակագրության տեսակետով առաջին՝ բայց հին չէ իբրև եկեղեցական տնօրինություն, և սեփական շարական այ չունի մեր մեջ:


Աստվածածնի երկրորդ տոնն է **ծնունդը**, զոր բոլոր եկեղեցիներ անփոփոխ կերպով կկատարեն սեպտ. 8-ին: Պատմական մանրամասնություններ չունինք անոր ծնունդին պարագաներուն մասին. կարելի չէ ճշտել նույնիսկ թե ո՞ր ծնավ անիկա. Բեթղեհեմ՝ թե Նազարեթ, և ո՞ր թվականին: Կկարծվի — նկատի առնելով հրեից մեջ այդ թվականին ի գորու եղած սովորությունները — թե 14—18 տարեկան էր անիկա, երբ ընդունեց հրեշտակին ավետիսը:

Երրորդ տոնն է **«Երկից ամաց ընծայումն ի տաճարն»**, որ բոլոր եկեղեցիներեն հաստատուն կերպով կկատարվի նոյեմբեր 21-ին: Այս տոնին իմաստն այն է թե որովհետև ուխտի զավակ էր Մարիամ, իր ծնողքը տաճարին նվիրեցին զայն իր այն հասակին մեջ, երբ աղևս կարող էր ծնողքեն անջատ ապրիլ: Ըստ ավանդության, ժամանակ մը մնաց նա հոն, և հետո վերադին դառնալով հոն, յոթնամյա հասակին, խառնվեցալ ալրիներն և կույսերն բաղկացալ նվիրյալ կանանց այն խումբին, որոնք բարեպաշտական կյանք կապրեին տաճարին հովանիին տակ, և որոնցմե էր Աննա մարգարետիկն: Յոթը տարիներ ևս մնալն վերջ անդ, խառնցալը եղալ հյուսն Հովսեփին:

Աստվածածնի կյանքեն հիշված մյուս դիպվածները, զորս Ավետարանի պատմությունը կարճանագրե, հավասարապես և նույնիսկ առավելապես կպատկանին Հիսուսի կենաց, իբրև մասն փրկագործական տնօրենությանը: Ասուք են. **Ավետումը**, որ մեկ կողմն Քրիստոսի տնօրենությունն է, և մյուս կողմն Մարիամի կյանքին գլխավոր պարագաներեն. **Նդիսարեթի այցելության երթալը**, զոր լատինքր առանձին կտոնեն հուլիս 2-ին. **Աստվածահայտնությունը**, որ Մարիամի մայրության տոնն է. Քրիստոսի քառասնօրյա ի տաճարն ընծայումը որ ուրիշներեն կոչվի նաև **Սրբություն Մարիամու**, վասնզի ծննդյան քառասներորդ օրը մայրերու սրբության օրն էրը կկատարվեր: Իր կյանքին ավետարանական մյուս մասնաբաժանություններն են. Հիսուսի տասներկու տարեկան եղած ատեն Երուսաղեմի մեջ անհետացած ատեն զայն փնտրելն ու գտնելը, Կանայի հարսանիքին ատեն՝ զինքի համար իր մոտ միջնորդելը, Կափառնաումի մեջ զայն փնտրելը, Գողգոթայի վրա խաչին ոտքը լինելը, համբարձումն վերջ միշտ առաքելոց խումբին հետ լինելը: Ասոցմե և ոչ մին սակայն առանձին տոնական հիշատակություն ունի. ամենքն ալ խառնված են Քրիստոսի տնօրենական հիշատակներուն: Իր աստվածային որդվոյն համբարձումեն վերջ Մարիամի ունեցած կյանքին մասին ավանդությունը միայն կիսուսի. ըստ այդմ, անկիսա Երուսաղեմի մեջ ապրած է միշտ իբր 15 տարիներ, Հովհաննես Ավետարանչի որդիական խնամքներեն շրջապատված. հոն մեռած, և թաղված՝ Գեթսեմանիի իրենց ընտանեկան դամբարանի մեջ, Հիսուսի մահեն շուրջ 15 տարիներ ետքը: Մյուս այն ավանդությունը թե Մարիամու մահը պատահած է Եփեսոսի մեջ, մեծ արժեք մը չի ներկայացներ, և հավանաբար հետևանք է Հովհաննես Ավետարանչի հետո երկար ա-

տեն անդ քնակած լինելու իրողության միայն:—Այնուամենայնիվ, եկեղեցվո կողմն Աստվածածնի վերաբերմամբ հարգանքի ամենեն հանդիսավոր արտահայտությունը կկատարվի անոր **մահվան հիշատակին** առիթով, որուն տոնը հավանաբար հնագույնն է նաև Աստվածածնի տոներուն, և բոլոր եկեղեցիներեն կկատարվի օգոստոս 15-ին անսխիտիս: Իսկ մենք հավանաբար Շնորհալիի ծածանակեն է որ, եթե ոչ դեռ ավելի ետքը, 15-ի մերձավորագույն կիրակին տփրություն ըրած ենք կատարել զայն, ոչ միայն երեք ինչպես եղած է առաջ, այլ ինն օրեր երկարածգելով տոնին շարունակությունը:—Աստվածածնի մահվան վերաբերմամբ եղած ավանդությունը, զոր բոլոր հին եկեղեցիները գրեթե նույնությամբ կընդունին, և որ համառոտված է Կիրակոս վարդապետի հորինած «Արևելք գերարքիին» շարականին մեջ, հետևյալն է: Ս. Կույսը 15 տարիներ Երուսաղեմ ապրելն վերջ անդ կկենե իր մահկանացու կյանքը: Բոլոր առաքյալները, բացի Բարթողիմեոսն, որ քաղաքից էր այդ ատեն, մեծ հանդիսավորությամբ և ջանալոյց թափորով կկատարեն հուղարկավորությունը և կթաղեն զայն **Գեթսեմանիի ձորակին** կշտին. իր թաղումեն վերջ երեք ցերեկ և երեք գիշեր հրեշտակային երգեր կլսվին անոր գերեզմանին վրա: Քիչ վերջ կհասնի Բարթողիմեոս, որուն՝ Տիրամայրը վերջին անգամ մը տեսնելու փափագին գոհացում տալ ստիպվելով, աստքյալք կբանան գերեզմանը, ուր չեն գտներ սակայն անոր մարմինը. որն կհետևեցեն թե անկիս չէր մեռած, այլ ի բուն էր լուկ, թե հրեշտակներու երգարանությունը զայդ միայն կնշանակեր, թե Հիսուս իր մորը խոստացած էր արդեն վաղուց երկինք փոխադրել զինքը, և թե ս. Կուսին մարմնույն անգորությունը իր գերեզմանին մեջ՝ այդ խոստումին կատարումը միայն կրնա նշանակել, և այլն: Այս է պատճառը որ ավելի **ննջում** բառով կորակվի անոր երկրավոր կյանքին վախճանը, և ոչ թե **մահ** բառով: Գալով անոր հերկինս փոխման գաղափարին, թեև ամենահին ժամանակներեն կար անոր մտածումը՝ ս. Կուսին ձնված բանատեղծական և խորհրդաբանական գովածքներուն մեջ, բայց անոր իբր վարդապետություն ընդունվիլը առնվազն թե և առ առավելն ԺԲ դարուն էր միայն որ կատարվեցալ, տոնը ևս կոչվելով այդ մտքը՝ **Վերափոխում**:

Աստվածածնի մահվան պատմության կից էր իր **պատկերին հիշատակը**: Կավանդվի թե ի միսիթարություն Բարթողիմեոսի՝ որ ներկա չէր գտնված Տիրամոր թաղման, ի-



ՄԱՅՐՈՒԹՅՈՒՆ

(Գործ՝ Հ. Հակոբյան, 1971 թ.)

րեն տրվեցավ նաև այն կենդանագիր պատկերը, զոր ս. Կույսը հետ օրհնության հանձնե՛ր էր Հովհ. Ավետարանչի: Բարթողիմեոս, ըստ հայկական գրույցներում, գայն քերավ Հայաստան և դրավ Անձնացյաց գավառի **Դարբնաց քար** կոչված տեղը, ուր կուսաստան մը կանգնվեցավ իսկույն, այսինքն հավատալոր կույսերու միաբանություն մը՝ ի պահպանություն և ի պատիվ Աստվածածնի պատկերին: Այդ կույսերու մեջ իբր գլխավորներ կհիշվին Հուսիկ, Որմզդատ և Մաքովտուր անուն անձերու քույրերը: Այս իսկ է **Հոգվոց** կամ **Հոգաց** վանք ըսվածը, ուր մինչև վերջը կշարունակվեր պատկերին ուխտավորությունը, հակառակ որ չկար ան ի միջի. զի կավանդեին թե հալածողաց երեսեն պահելու համար գայն՝ հյուսած էին պատին մեջ:

Տիրամոր մարմնական մասունքներու չըգոյությունը հավատացյալներու երկյուղածությունը ուղղեց դեպի անոր **սեփական իրեղենները**, որոնք հալածանքի դարերուն թաքուցված լինելով հետո երևան եկան: Աստուծոյ առաջինը, **գոտին** կամ **կամարը**, արեւելյան կիներու զգեստին և նույն ատեն արդուզարդին այս կարևոր մեկ մասը, Երուսաղեմի մեջ գտնվեցավ Ե դարուն Արկադեոս կայսեր օրով, և մեծահանդես պատվով փոխադրվելով Կ. Պոլիս, գետեղվեցավ Աստվածածնի նվիրված տաճարին մեջ, ուր լինելն կհիշվի անկե կես դար ետքն ալ, ևսոն կայսեր Զոյի թագուհիին բժշկության առթիվ: Երկրորդն է **տուփը**, կամ այն **փոք-**

րիկ արկղը, որուն մեջ կպահվեր ս. Կուսին **գլխանոցը**: Ասոր համար ևս կպատմվի թե Կ. պոլսեցի երկու ազնվական եղբայրներ, Գալթիաս և Կանտիտաս, որոնք ուխտավորաբար Պաղեստին եկած էին, գալիիական գյուղի մը մեջ, հավանաբար Նազարեթ, կնկատեն թե մարդիկ ուխտի կերթան հրեա այրի պատավի մը տունը, ուր բժշկություններ կկատարվին Մարիամու վերագրված գլխադիրի մը առջև՝ որ արկղի մը մեջ պահված է. հնարքով մը՝ նմանագործված արկղ մը կդնեն իսկականին տեղ, զոր իսկույն կփոխադրեն Կ. Պոլիս ուր մեծահանդես թափորով կընդունվի Աստվածածնի եկեղեցվույն մեջ:—**Գոտվո** և **տուփի** այս երկու **տոները** մեր մեջ մուտ գտած են Սիմեոն կաթողիկոսի տոնացուցական կարգադրություններեն վերջ միայն. նախասիմեոնյան տոնացույցին մեջ իբր կամավոր դրված էին ասոնք. և կերևի թե Կ. Պոլսո եկեղեցիին միայն հատուկ մնացած էին երկար ատեն. բայց հետո Արևմտյայց մեջ ևս սկսան հանախել ոչ միայն այս ալ նաև ս. Կուսին հատուկ նկատված իրեղեն մասունքներու հարգն ու պաշտոնը, մասնավորաբար ԺԳ դարեն ետքը, երբ խաչակրությանց միջոցին Կ. Պոլիս հաստատված լատին կապրության ատեն եկեղեցական բազում հնություններ և սրբություններ փոխադրվեցան Բյուզանդիայէ Եվրոպա:

(«Սուրբք և տոներ», Երուսաղեմ, 1939, էջ 304—313):





Մ Ա Յ Ր Ա Թ Ո Ռ Ո Ւ Մ

Օգոստոսի 1-ին, կիրակի.—Գ կիրակի զկնի Վարդավառի.

Մայր տաճարում ա. պատարագ է մատուցում Լուկոնի հայոց ա. Սարգիս եկեղեցու հոգևոր հովիվ տ. Արսեն վրդ. Բերբերյանը, քարոզում Ժնկի հայոց հոգևոր հովիվ տ. Ներսես ծ. վրդ. Պոզապալյանը՝ «Արդ ո՞վ մեկնեացէ զմեզ ի սիրոյն Քրիստոսի, նեղութի՞ն, թէ անձկութի՞ն, թէ հալածա՞նք, թէ սո՞վ, թէ մերկութի՞ն, թէ վի՞շտք, թէ սո՞ւր, որպէս և գրեալ է, վասն քո մեռանեմք զօր հանապազ, համարեցաք որպէս զոչխար ի սպանոյ» (Հոովմ. Ը 36) բնարանով:

Ա. պատարագին ներկա էր Վեհափառ Հայրապետը:

Տ. Ներսես և տ. Արսեն վարդապետները հուլիսի 17-ին 10 օրով ուխտավորաբար ժամանել էին Մայր Աթոռ: Նրանք իրենց պաշտոնատեղին են վերադառնում օգոստոսի 7-ին:

Օգոստոսի 6-ին, չորեքշաբթի.—Այսօր Վեհափառ Հայրապետը մեկ ամսով հանգրտանալու համար մեկնում է Կիսլովոդսկի «Կրասնի կամեն» առողջարանը:

Վեհափառ Հայրապետին ողջեցում էր ա. Գեղարդի վանքի վանահայր տ. Նարեկ վրդ. Ծաքարյանը:

Օգոստոսի 8-ին, կիրակի.—Բարեկենդան ա. Աստուածածնի պահոց.

Այսօր Մայր տաճարում ա. պատարագ է մատուցում տ. Գևորգ վրդ. Սերայդարյանը:

Օգոստոսի 15-ին, կիրակի.—Վերափոխումն ա. Աստուածածնի.

Մայր տաճարում ա. պատարագ է մատուցում տ. Հակոբ քնն. Հակոբյանը:

Հաւարտ ա. պատարագի, Մայր տաճարի լուսարարապետ տ. Հայկազուն արքեպիսկոպոսի հանդիսադրությամբ, կատարվում է խաչողի օրհնության կարգը՝ խոռոհերամ ուխտավոր քաղմության ներկայությամբ:

Օգոստոսի 16-ին, երկուշաբթի.—Յիշատակ մեռելոց.

Մայր տաճարում ա. պատարագ է մատուցում, քանանապական զգեստով, Մայր տաճարի լուսարարապետ տ. Հայկազուն արքեպ. Արրահանյանը:

Հաւարտ ա. պատարագի կատարվում է հոգեհանգիստ՝ «վասն համօրեն ննջեցելոց»:

Օգոստոսի 22-ին, կիրակի.—Այսօր Մայր

տաճարում ա. պատարագ է մատուցում տ. Նշան քին. Բեյլերյանը:

Ժամանում ա. Հակոբյանց վանքի միաբան տ. Աղան արեղա Բալիոզյանը:

Օգոստոսի 23-ին, երկուշաբթի.—Այսօր Կահիրեից ուխտավորաբար Մայր Աթոռ է ժամանում Երուսաղեմի ա. Հակոբյանց վանքի միաբան և Կահիրեի Գալստյան վարժարանի տնօրեն տ. Ներսես ծ. վրդ. Փապունյանը:

Օգոստոսի 26-ին, հինգշաբթի.—Այսօր հոգևոր ճեմարանի մի խումբ սարկավագներ և ուսանողներ մեկօրյա պտույտի են մեկնում Արագածի լանջերը՝ տեսչի պաշտոնակատար տ. Հովհաննես քին. Մարությանի գլխավորությամբ:

Օգոստոսի 28-ին, շաբաթ.—Այսօր Երուսաղեմից ուխտավորաբար Մայր Աթոռ է


Օգոստոսի 29-ին, կիրակի.—Այսօր, առավոտյան ժամը 11-ին, Կիսլովոդսկից Մայր Աթոռ է վերադառնում Վեհափառ Հայրապետը՝ մեկամյա հանգստից հետո՝ ընկերակցությամբ տ. Նարեկ վրդ. Ծաքարյանի:

Երևանի օդանավակայանում Հայոց Հայրապետին դիմավորում է Մայր տաճարի լուսարարապետ տ. Հայկազուն արքեպ. Աբրահամյանը, ի գլուխ Մայր Աթոռի միաբանության և պաշտոնեության:

Օգոստոսի 29-ին, կիրակի.—Գ. կիրակի գկնի Վերափոխման. Տօն գիտի զոտույ Սրբուհույ Աստուածածնի.

Մայր տաճարում ա. պատարագ է մատուցում տ. Հովհաննես քին. Մարությանը:





ԲԱՐԳԵՆ ԵՊՍ. ՎԱՐԺԱՊԵՏՅԱՆ

ՀՈՒՇԵՐ ԳԱՐԵԳԻՆ Ա ԿԻԼԻԿԻՈ ԿԱԹՈՂԻԿՈՍԵՆ

Հարգանքի տուրք մը Հայրապետի ծննդյան
100-ամյակի առիթով

Մեր ժողովուրդը կրսե—Աստված եթե մեկը պատժել ուզե, «նախ յիմարացուցանէ, ապա կորուսանէ»: Իսկ եթե ժողովուրդ մը օրհնել ուզե, իմաստուն և սուսպիկություններով օժտված մարդիկ կըլլեն անոր: Մեր ժողովուրդը այդ օրհնության արժանացավ, երբ Գարեգին կաթողիկոս որոշեց իր կյանքը նվիրել հայ ժողովուրդին ու անոր եկեղեցիին և մշակութային:

Ռասանող էինք Երուսաղեմի Ժառանգավորաց վարժարանի մեջ, 1936-ին Գարեգին սրբազան Մայր Աթոռեն ժամանեց մեր մոտ: Փոքրիկ մարդ մը, մեծ հոգիով մը ու զորավոր մտքով օժտված: Կնիշեմ ուսուցչունի մորս տպավորությունը իր մասին—«Տղաս Արմեն, ինքզինքիս առջև պզտիկ զգացի, Գարեգին սրբազանի արտաքին երևույթեն դատելով **մարդը**: Հրավեր ստացանք հաղեպահայ ուսուցիչներս Քառասուն Մանկանց եկեղեցին երթալ լսելու համար ս. Էջմիածնեն եկող հայրապետական պատվիրակ սրբազանը: Բեմ բարձրացած պահուն նկատեցի որ կարճահասակ ծերուկ մ'է, ինքնիրենս ըսի—Ի՞նչ կակնկալես տարիքը առած այս պզտիկ մարդեն... արդյոք ժամավաճառություն պիտի ըլլա մեր հոս գալը: Մեղա, տղաս մեղա, երբ սկսավ խոսիլ, կախ-

վեցանք բերնեն: Ետենքը կեցողներ դեպի բեմ մոտեցան. բառ մը չէին ուզեր կորսնցընել: Ժամերով եթե խոսեր առիներված մտիկ պիտի ընեինք. այդ ի՞նչ վայելք էր լսել զինք: Տղա՛ս, կյանքիս մեջ քիչ առիներով զոջացած եմ սխալ խոսքի կամ մտածումի և անարդար դատում ընելուս. ասիկա անուցմե մեկն է որ պիտի չմոռան: Ինչու չեմ գիտեր, զինք մտիկ ընելէ ետք Գարեգին եպս. Սրվանձտյանը պատկերացավ աչքիս առջև. մեկը իր խոսքով մյուսը իր գրչով մեզի համար «**Համով հոտով**» են»:

Բախտը ունեցա Գարեգին Վեհափառին գավազանակիրը ըլլալու 1945 ապրիլին մինչև Ամերիկա մեկնումս սեպտ. 6 1946. մի քանի ամիսեն հոր և զավկի հարաբերությունն ստեղծվեցավ մեր միջև. այն աստիճանի որ՝ սիրտը կրանար երբեմն ինձի... «Էս ինչ քան է Բարգեն հայր տուրք, հայերեն ենք խոսում, քայց իրար չենք հասկանում»: Կուզեր ակնարկել զինք չհասկցող, ավելի ճիշտը հասկնալ չուզող մարդոց, ըլլան անոնք եկեղեցական կամ աշխարհական: Օր մը Անթիոխիայի Վեհաքանի մեջ ճաշի առեն հարցուց. «Կարծում ես, թե քարոզներս եթե արևմտահայերենով խոսեմ, ավելի հասկանալի՞ կլինի մեր ժողովուր-

դին»։ Անմիջապես պատասխանեցի որ. «Խնդրեմ Վեհափառ, պահեցեք արևելահայերենը, մենք մեծ վայելք կունենանք զայն ձեր բերնեն լսելով. վստահ եղեք որ մեր ժողովուրդը թե կհասկնա, և թե ավելի կսիրե լսել արևելահայերենը»։

Ինչպես իր երիտասարդության, նույնպես իր կաթողիկոսության շրջանին Գարեգին կաթողիկոս ուրախության, անձկության ու տառապանքի պահեր ունեցավ։ Մարդիկ՝ որոնցմե կակնկալվեք թե թիկունք ըլլալ Վեհափառին, չգործակցեցան իրեն, ընդհակառակը անոնցմե ապաշնորհներ քար գլորեցին Վեհափառի կառքի անիվներուն տակ... գործակցելով անոր թշնամիներուն։ «Աշտարակը իր շուքեն, իսկ մեծ մարդը իր գրպարտիչներեն կշափեն», կըսե առածը։ Ծարունակ կներեր Վեհափառը. իր այդ տարիքին պահած էր հոգիի մանկունակության շնորհը։ Ամենուն հանդեպ իր «մանուկի մը հոգիին սերը» պահած էր, նույնիսկ հանդեպ իրեն հակառակ եղողներուն։ Անթիլիասի կաթողիկոսարանը մեր տունն էր, Վեհափառը մեր հայրիկը, սակայն տան մեջ, տան անդամներեն մեկը լրտեսող էր, մյուսը տունեն չհեռացող անառակ մը նոր տեսակի...։

Իբրև ակամատես, ականջալուր վկա, ցավոք սրտի կզբեմ այս տողերը։ Ցավալի իրողություն մ'է նաև կուսակցական անիմաստ պայքարը։ Այդ պատճառով Վեհափառին կարգ մը ծրագիրները ամրության դատապարտվեցան։ Երկու կողմերու ծայրահեղներ անիմաստ քննադատություններ կատարած են։ Կհիշեք թե գերմանական շոգենավով մը Ատլանտյանը կտրած էր 1936-ի ապրիլի սկիզբը։ Ամերիկայի մեջ ունանք զինք իբր «գերմանասեր» ցույց տալ ուզած են այդ պատճառով։ Ի՞նչ խղճալի մտայնություն։ Վեհափառը գերմաներեն գիտնալուն՝ նախընտրած էր այն մավը, որպեսզի համրության չդատապարտվի շվեդական կամ անգլիական շոգենավի մը մեջ։ Նման սնամեջ քննադատություններ մետվեցան իր ճակտին Լաթողիկոսանալե ետք մյուս ճակտի կողմէ։

Անցնինք սակայն, միաթարելով ինքզինքնին այն իրողությամբ, որ մեծ մասը, ջախջախիչ մեծամասնությունը մեր պատվական ժողովուրդին գիտցավ գնահատել զինք։

Հոգելուս Հայրապետը սրամիտ էր, զըվարձախոս, սրախոս, ինչպես նաև առակախոս։ Հաճելի էր իր ընկերակցությունն ու խոսակցությունը, համեմված սրամտություններով, առածներով ու առակներով։ «Բան

կտրվիս Վեհափառին հետ խոսակցելու ետք», դիտել կուտար մտավորական մը։

«Որ ինչ կարեմ, այն առնեն», կըսեք երբեմն ակնարկելով իբրև եկեղեցի և ժողովուրդ մեր ընկիքներուն մասին։ Քանիցս լսած եմ իր բերնեն առակը այն ճնճողուկին որ փոթորիկի մը պահուն կոնակին վրա կը պատկի. ոտքերը դեպի վեր, երկինք երկարած. մյուս կենդանիներ կհարցնեն իրեն.

— Էլի էդ ի՞նչ ես անում, այ ճնճողուկ ախպեր։

— Դեհ, չեք տեսնո՞ւմ, երկինքը փուլ է գալիս. կաշխատեմ վեր բռնել, որ տակը չմնանք։

— Պա՛հ, որքան կարող ես էդ քո տոտիկներով երկինքը վեր բռնել։

Ու ճնճողուկը կպատասխանե.

— Որ ամեն մարդ իր չափով օգնի, մի բան կարող ենք անել։

Ասում են.— «Եթե երեսիս ես ծիծաղում, ծիծաղում ես Աստուծո՞ւ, թե ծիծաղում ես հագուստիս՝ դերձակիս վրա ես ծիծաղում։ Բայց թե ծիծաղում ես գործերիս վրա՝ ահա էդ պարագայում իմ վրա ես ծիծաղում»։— Խոսքը ջուրի դիրտ է, գործը ոսկիի կաթիլ։ Ինքնապաշտպանության մասին հետևյալը պատմեց։

«Բնությունը յուրաքանչյուր ապրող էակի տվել է իրա հատուկ զենք որ ինքն իրան պաշտպանի։ Մեր ժողովրդի զենքերն էլ իր մշակույթը, լեզուն, իրա եկեղեցին է եղել իբրև հոգևոր զենքեր։

Լսեք. մի անգամ կենդանիների մեջ պատերազմ է ծագել։ Յուրաքանչյուրը իրա զենքը գործածելով կատարել է ինքնապաշտպանություն։ Պատերազմը վերջ է գնում։ Աղվեսն գալիս է ոգնու մոտ և ասում է.— «Ոգնի ախպեր, խաղաղություն է տիրում։ Ինչի՞ է էդ զենքերդ՝ փուշերդ, նետերդ, տեգերդ կրում ես։ Գցիր մեկ կողմ, ես խղճում եմ քեզ, շատ ես ճնշվում նրանց տակ։ Պատահում է որ ախմախ ոգնին հավատում է նենգավոր աղվեսին։ Մի կողմ է գցում փուշերը, և մնում է մի կծիկ միս։ Գիշերն աղվեսը գալիս է ու լափում է ոգնուն։ Չար խրատ եմ տալիս մեզ, մոռանալ մեր հայրենիքը, ուրանալ մեր լեզուն, մշակույթը, մեկ կողմ գցել մեր հոգևոր զենքերը։ Հետո ինչ կպատահի մեզ։ Ոգնու ճակատագիրը։

Հայ ժողովուրդի աշխարհացրիվ վիճակը կմտահոգեր Վեհափառը։ «Մեր ժողովուրդը ալյասերումից փրկելու համար մեր եկեղեցին և մշակույթը պետք է «գորանա», կըսեք, իսկ կատարյալ ապահովությունը հայրենիքի հողի վրա հավաքելու մեջ կտեսներ հայությունը։

«Որքան էլ ջանանք պահել, էլի մի մասը կկորչի: Նմանում է դուլով լիքը ջուր փոխադրելու. ճանապարհին պիտի թափվի մի մասը: Հիշում եմ մեր Վարդան առակագրի սա առակը. սխեռն հանդիպում է կուկին (կուկը լեպլեպին է):

— Բարեքեզ եղբայր սխեռ, ասում է կուկը հում սխեռին:

— Աստուծո բազին կուկ. բայց մենք ոնց եղբայր կիկենք. տեսնում ես. մի կոր քիթ ունեմ ես. կոշտ է իմ մարմինը: Երակներս դուրս են ցցվել: Իսկ դու օտարների տապակներում կորցել ես. կորցրել ես քո հարազատ գծերը: Ծաբարը կամ աղը փոխել է քեզ. մենք եղբայր չենք կարող լինել:

— Ուր ես գնում շտապով,—հարց է տալիս կուկը:

— Գնում եմ Արարատյան դաշտի մի ակոսում քնելու:

— Ես էլ քեզ հետ կգամ, միասին կքնենք, ասում է կուկը:

— Կգաս եկուր. միասին կարող ես քնել. ձմեռն կանցնի մեր վրայից, բայց զարնան ես կծլիմ, կծաղկիմ, սերունդ կուտամ: Բայց դու կմնաս հողի մեջ ու կմեռնես հավետ...

Ահա այդ է դաժան ճակատագիրը հայությունից դատարկված մարդկանց. հավետ կկորչին մեզ համար: Առաձն ասում է. «Արդար թագավորի համար, իրա ամբողջ ժողովուրդն է քանակ»:

— Մայրիկների հավատարմությունը հայաւնրվում է երբ ձյունը ծածկում չորացնում է մյուս ծառերին, մայրին մնում է կանաչ:

— Աղքատ բնուսնիքի շունը ասում է,— ասում եմ,—իր պատկանած տան հավատարիմ է, հարուստին չէ ծառայում նույնիսկ կաշառով:

Հոգեւոյս Գարեգին կաթողիկոս Մեծի Տանն Կիլիկիո, սիրեց իր ժողովուրդը և անոր եկեղեցին, խալատ սիրեց զայն և իր ամբողջ ունեցածը ու լավագույնը տվավ անոր:

«Նա ետ գոյի չափ զկեանս իր»:





Ա. ՀԱՏԻՏՅԱՆ

ԿԱԼԿԱԹԱՅԻ ՀԱՅՈՑ ՄԱՐԴԱՍԻՐԱԿԱՆ ԾԵՄԱՐԱՆԻ ՀԻՄՆԱԴՐՈՒԹՅԱՆ ՀԱՐՅՈՒՐՀԻՍՈՒՆԱՄՅԱԿԻ ԱՌԻԹՈՎ

ՀԱՄԱՌՈՑ ԱԿՆԱՐԿ ՀՆԴԿԱՀԱՅ ԳԱՂԹՈՋԱԽԻ ՊԱՏՄՈՒԹՅԱՆ ՎՐԱ

Այս տարի, ապրիլի 2-ին, լրացավ Կալկաթայի հայոց Մարդասիրական ճեմարանի հիմնադրության 150-ամյակը:

Հայ դպրոցի և հայ մանկավարժության պատմության մեջ առանձնահատուկ տեղ է գրավում Կալկաթայի հայոց Մարդասիրական ճեմարանը, որը հիմնադրվել է 1821 թվականի ապրիլի 2-ին, մայր հայրենիքից հեռու, Հնդկաստանի հյուրընկալ հողի վրա, Գանգեսի ափերին՝ հայոց հալատքի լույսով, հայ մշակույթի և մեր հոգևոր արժեքների ոգով ու հայ ժողովրդի պատմության շնչով դաստիարակելու համար օտար երկիրների տակ ծնված հայ նոր սերնդի զավակներին: «Քանզի ամենայն անձն յորդորեալ փափագէր յուսումն հայերէն գիտութեան»¹ և «Ուսանել զիօսս և զլեզու հայկական»²:

Կալկաթայի հայոց Մարդասիրական ճեմարանի հիմնադրումն ու 150-ամյա գործու-

նությունը խոսում վկայությունն են մեր ժողովրդի դեպի ուսումն ու առաջդիմությունն ունեցած սիրո և պատասխանատվության զգացմունքներին: Չնայած շատ հաճախ մեր երկրում տիրող տնտեսական ու քաղաքական ծանր պայմաններին, մեր ժողովուրդը հնագույն ժամանակներից սկսած և՛ մայր հայրենիքում, և՛ նրա սահմաններից դուրս, գաղթօջախներում, հիմնել է տարբեր աստիճանի և տիպի բազմաթիվ դպրոցներ: «Այդ դպրոցները շարունակաբար հաջորդել են միմյանց, և մոտ 2000 տարի երբեք չի կտրվել հայոց դպրոցական կյանքի թելը»³:

Վեհափառ Հայրապետը Կալկաթայի հայոց Մարդասիրական ճեմարանի 150-ամյակի առթիվ էր գրած հունիս 14 թվակիի սրբատառ կոնդակում նշում էր այդ կարևոր հանգամանքը՝ շեշտելով.

«Մեր ազգի պատմության մոռալ շրջաններում, հայրենի հողից հեռու, հյուրընկալ ափերի վրա, հաճախ կյանքի են կոչվել ու կազմակերպվել հայ համայնքներ: Հիմնվել են եկեղեցիներ, դպրոցներ ու տպարաններ,

¹ Ղազար Փարպեցի, Հայոց պատմություն, Թիֆլիս, 1908, էջ 32:

² Մովսես Խորենացի, Հայոց պատմություն, գիրք Ա, գլ. ԺԴ:

³ Ա. Խ. Մովսիսյան, Ուրվագծեր հայ դպրոցի և մանկավարժության պատմության, Երևան, 1958, էջ 7:

հրապարակվել են պարբերաբերքեր, կրոնական ու գեղարվեստական գրքեր, և նույնիսկ սկիզբ են առել շարժումներ ի խնդիր մայր երկրի՝ Հայաստանի ազատագրման:

Այս իմաստով, իր պատմական կարևորությամբ չափազանց հետաքրքրական է և ազգային-եկեղեցական ու մշակութային տեսակետից էլ շահեկան՝ մեր ժողովրդի և մշակույթի պատմության համար հնդկահայ գաղթօջախի ծագման, զարգացման պատմությունը, այդ համայնքի եկեղեցական, կրոնական, մշակութային ու տնտեսական կյանքի ուսումնասիրությունը:

«Հնդկահայոց պատմությունը ամբողջովին արտահայտում է այս մտածումին: Հնդկահայության պատմությունն ամբողջ, ուր եթե չեն պակսիր արդարև տխուր էջեր, կան նաև, ու բարեբախտաբար թվով շատ, ավելի շքեղագույններ՝ որոնց մեջ ի հանդես կուգան փառագեղություն և փորձությանց ահարկու այս դաշտին մեջ ապրած ու գործած փոքրիկ ազգի մը սրտին ու տաղանդին ամենեն փայլուն գծերը»¹:

Պատմական անցյալի և այս դեպքում հնդկահայ գաղթօջախի պատմության ուսումնասիրությունը մեր ժողովրդի հոգևոր, մտավոր ու բարոյական ինքնաճանաչման լավագույն միջոցներից մեկն է, հայ հոգին ամբողջապես հստակնալու և ճիշտ գնահատելու համար:

Հնդկահայերը միշտ ապրել են և էջմիածնի պաշտամունքով, ունեցել իրավ հայրենասիրական մտքորումներ և մտահոգվել իրենց ժողովրդի և հայրենիքի ճակատագրով: Նրանք արտահայտություն են եղել հայ ժողովրդի ապրելու և գոյատևելու աննկուն կամքի:

Չկա այսօր, ի թիվս այլ հայ գաղթօջախների, հնդկահայ մեծ ու փառավոր համայնքը (փոքրաթիվ հայություն է ապրում այսօր միայն Կալկաթայում և Բոմբեյում), բայց կա նրա պատմությունը, որով կարող ենք լրիվ պատկերացում կազմել երբեմնի բարգավաճ այդ համայնքի գոյության, փառավոր գործունեության մասին, որպես թանկագին ու կարևոր մեկ էջը հայ ժողովրդի պատմության:

Հնդկահայ գաղության մեզ հասել են ազգային-եկեղեցական, կրոնական ու մշակութային հիշատակարաններ, եկեղեցիներ, խաչքարեր, տապանաքարեր, մամուլ, նութական արժեքներ, հայ արվեստի չքնաղ մասունքներ, որոնցով ամբողջական գաղա-

փար ենք կազմում այդ փառավոր ու շքեղ, երբեմնի մարդաշատ և այսօր փոքրաթիվ համայնքի մասին: Ազգային-եկեղեցական այդ հիշատակարանները ու քարձրարժեք պատմական այդ հուշարձանները, կանգուն թե կիսավեր վիճակում, ներկայացնում են մեր ժողովրդի բազմադարյան մշակույթի իրավ նվաճումները, նրա հավատի մեծությունն ու կենսունակությունը, ստեղծագործ մտքի ուժը:

Մեր այսօրվա սերնդի և մեր օրերի հայ ժողովրդի պատմության համար չափազանց թանկ է այս իմաստով հնդկահայ համայնքի պատմությունը, նրա կյանքի և գործունեության հետ կապված որևէ հիշարժան ու պատմական թվականի կամ դեպքի ոգեկոչումը:

Այդպիսի քաջատիկ ու պատմական թվականներից մեկն է 1821 թ. ապրիլ 2-ը, երբ 150 տարիներ առաջ Կալկաթայի մեջ քաջում էր հայ մշակույթի և հայ մանկավարժության կարևորագույն օջախներից մեկը՝ Մարդասիրական ճեմարանը:

Հնդկահայ համայնքի մեջ «ազգային զգացման կենսունակ խմորումը և հառաչդիմական գաղափարներուն խոր արմատավորումը... հայրենասիրական ու կրթասիրական բարձր տենչը այնքան հատկանշական ձգտումն է եղած հնդկահայության»²:

Հայոց Հայրապետը Իր հորեղանական կոնդակում վկայում էր հնդկահայերի հավատքի, եկեղեցասիրության և հայրենասիրության զգացմունքների հարազատության, հաղկականության և խորության մասին՝ գրելով.

«Ինչպես պարսկահայք, այնպես էլ հրեղեհահայք ավելի քան երկու հարյուր տարիներ, իրենց սրտերում իբրև սրբություն սրբոց պահել-պահպանել են պաշտամունքը մեր նախնեաց յույս հավատքի, պաշտամունքը մեր մայրենի լեզվի, պաշտամունքը հայ հայրենիքի: Նրանք նույն սրբությամբ իրենց սրտերում ամուր պահպանել են նաև պաշտամունքը աստվածակերտ սուրբ Էջմիածնի, միակ գերագույն կենտրոնը հայոց քրիստոնեական հավատքի»:

Հնդկահայ գաղության պատմությունը խորանում է մինչև ԺԶ դար: Ըստ հայ և օտար պատմական վկայությունների ԺԶ դարի սկզբներին ջողայեցի հայեր հասած են եղել նույնիսկ հարավային Հնդկաստանի՝ Մալաբարի ափունքը:

Գաղթականությունը, բռնագաղթը անցյա-

¹ Թորգոմ արքեպ. Գուշակյան, Հնդկահայք, տարավորություններ և տեղեկություններ, Երուսաղեմ, 1941, էջ 46 և 86:

² Թորգոմ արքեպ. Գուշակյան, նույնը, էջ 38 և 46:

³ Թորգոմ արքեպ. Գուշակյան, նույնը, էջ 44:

յում մեր ժողովրդի պատմության մնայուն, ուղեկից երևույթներն են:

Մեր երկրում տիրող քաղաքական, տնտեսական պայմանների բերումով, երբ «յոդքս փոխեցաւ մեզ ամենայն» մեր հայրենի հողի վրա, հայ ժողովուրդը ձգտելով կյանքի, ինչ-քի, պատվի ապահովության, թողնում է իր հայրենիքը և ընկնում պանդխտության մտալ ճանապարհների վրա, թափառում օտար աւտղերի տակ՝ մի պոտ խաղաղություն և տարրական ապահովություն գտնելու համար. «Ջորս ոչ սուր սատակեաց, ցրուեցան զօրէն մոլորական աստեղաց...»:

Ինչքան դառնություն կա Արիստակես վրդ. Լաստիվերտցու այս տողերի մեջ. «Աշխարհ ամենայն ի խաղաղութեան բնակի, մեր գերիք և կայանաւորք, սրակոտորք և տնաւերք, լրնչից կողոպտածք, քանի՜ դառն է պատմութիւնս և ողբոց արժանի»:

1605 ԹՎԱԿԱՆԻ ԲՆՆԱԳԱՂԹԸ

Այդ «դառն և ողբալի պատմությունը» ասելով և աներևակայելի չափերով կրկնվում է նաև 1605 թվականին, շահաբաշյան բռնազաղթով:

Ժամանակակից պատմիչը՝ Առաքել վրդ. Դավրիժեցին, արյունոտ սրտով է նկարագրել Սրաբատյան դաշտի հայության գլխին պալած այդ համազգային ողբերգությունը.

«Եհաս կատարած կենաց տաւս հայոց... անբեցան զաւտք, մարդաբնակ աշխարհին հայոց թափուր ի բնակչաց... զդաշտն Սրաբատու բովանդակ և գերևան քաղաք... քշեօին տարան... լաշխարհն պարսից...»: Ծահ-Աբասը «արար աներակ և անմարդաբնակ օվայելուչ աշխարհս հայոց... եղեն շինանիստ արանք բնակութիւն զազանաց»:

Ծահ-Աբասի գերեզմանությունից գերծ չոմնագ նաև Արաքսի ձախ ափին շինված «անիական ծագում» և 10—12 հազար հաղազարնակչություն ունեցող մեծահարուստ, քարավան Զուղա գուղաքաղաքը, որ, ըստ եվրոպացի ճանապարհորդների մեկնության, կային շուրջ 2000 հայ տներ և 7 եկեղեցի:

«Զահտենք,—գրում է պատմաբան Լեոն,—թե հին էր նրա՝ Զուղայի անցար խոր հնության մեջ, բայց 15—16-րդ դարերից նա սկսում է փայլել հաղազարնակչության մոտ հռոկ հաղազարնի օարմանաի մահառանձնեռի, ոռոն ու միան հետաժողովուրդն էօեր են մոտում միջազգային առևտրի պատմու-

թյան մեջ, այլև հանդիսանում են մի շատ խոշոր, նմանը չունեցող հասարակական-կուլտուրական տարր, որի կատարած դերը հայ կյանքի զարգացման մեջ անհունորեն մեծ է»:

«Արաքսի ժայռոտ ափից նրա առջև բացվում էին միջազգային հարաբերությունների անհուն հորիզոնները: Գրավոր աղբյուրները մեզ ցույց են տալիս, որ 16-րդ դարում ջուղայեցի վաճառականն առևտուր էր անում Հնդկաստանի շուկաներում մի կողմից, իսկ մյուս կողմից նա առևտրական գրասենյակներ բաց էր արել Վենետիկում և Իտալիայի այլ կողմերում»⁹:

Զուղայեցին ոչ միայն իր առևտրական գործառնություններով «միացնում էր Արեւելքն ու Արևմուտքը»¹⁰, այլ նաև, որպես հին անեցիների ճշմարիտ ժառանգորդ, ուներ նաև մեծ սեր դեպի հայ եկեղեցին, հայ մշակույթն ու արվեստը: Վկա՝ «Զուղայի խաչքարերը, որոնք ներկայացնում են զարդաների մի անհուն ճոխություն իրենց արվեստագիտական նորր անշակով, ստեղծագործող երևակայության թոնչքով»¹²:

Ժամանակակից Դավիթ Գառնեցին երգել է փառքը Զուղայի.

«Զուղա քաղաք ազնի շինած...
Քոշք ու սարայք բարձրացուցած,
Եւ գոյնզգոյն ծաղկեցուցած,
Նա հիացումն էր տեսողաց,
Եօրն ժամատեղ էր հաստատած,
Եկեղեցիքն զարդարած,
Բուրվանին ոսկեջրած,
Ծածկոցներն ոսկեթելած,
Աւետարանքն և սուրբ խաչեր
Անգին քառամբք էր զարդարած՝
Սեղաններն էւ սրբութիւնն
Ուրախութիւն էր նայողաց»¹³:

Եվ ահա ավերվեց հաղ վաճառականություն. հաղ մահառուի և արվեստի ուսումն Զուղան և ղնակիները 1605 թվականին օտերկամեօհն Պարսկաստան: Միան Երևանի օվստից 1500 օտուր ուստակմեօհն և ամսագան, շուրջ 60000 հաղ բնտանիքներ օտեօհն օտաթի ճանապարհը. բաօի նրանցի. ոռ իւտուրեօհն Արաքսի մեջ «և ոռ անհմուտք էին ոռուրու և անգօռ... լօեառ Էօն Էօեառ օրուն և օեուն առեառ տանէր

⁹ Լեո, Հայոց պատմություն, հատոր Գ, Երևան, 1946, էջ 239:

¹⁰ Հ. Դ. Ալիշան, Միսական, Վենետիկ, 1893, էջ 411—413: Նաև՝ Լեո, նույնը, էջ 239:

¹¹ Լեո, նույնը, էջ 240:

¹² Լեո, նույնը, էջ 241:

¹³ Հ. Դ. Ալիշան, նույնը, էջ 411—413:

⁷ Պատմություն Արիստակես վարդապետի Լաստիվերտցու, Թիֆլիս, 1912, էջ 111—112:

⁸ Պատմություն Առաքել վարդապետ Դավրիժեցու, Վաղարշապատ, 1884, էջ 33—38:

զնոսա իբրև գիտի... և գետատար մարդով ծածկեալ էր երեսն գետով... իսկ ողորմութիւն և փրկութիւն ոչ ուստեք էր»¹⁴:

Արարտայան դաշտից և մանավանդ Ջուղայից բռնագաղթվածները Պարսկաստանում մոր համայնք ստեղծեցին, տուն-տեղ եղան, ոտքի կանգնեցին, բուժեցին իրենց վերքերը, կառուցեցին Նոր Ջուղան 1616 թվականին, հիմնեցին եկեղեցիներ, Ամենափրկիչ վանքը, հաստատեցին տպարան:

Ծառ-Արարթ՝ «Հարուստն ի խորհուրդս չարեաց»¹⁵, սիրաշահելու համար, սակայն, ջողայեցիներին, նրանց իրավունք է տալիս «մեծանիստ և բարձրաշէն եկեղեցիս շինել, կարգ ու զաւանդութիւնս քրիստոնէական համարձակութեամբ կատարել, գլխոյնակ հարկանել, գծամ կանչել»¹⁶:

Ջուղայեցիք բռնադատված այս ոգով տուն-տեղ են լինում Պարսկաստանում իրենց սրտում պաշտամունքը և Էջմիածնի և սերը հայրենյաց և միշտ մտածում էին «դառնալ յաշխարհն հայոց... յիշել զՀայաստան և ս. Էջմիածինն»¹⁷: Բայց այդ բարի ցանկությունը չիրականացավ: Պարսկաստանում շատով սկսվեցին հալածանքները և տիրող ծանր եկեղեցական-ազգային ճնշման հետևանքով գաղթականներից ոմանք, «երեվանցիք և ջողայեցիք անօգնական և հալածական», կորցրած երբեմնի իրենց նյութական ապահովությունն ու բարեկեցությունը, «չբարորեցան, զոր ինչ ունէին վաճառեցին և կերան»¹⁸, իսկ ավելի համարձակները և ձեռներեցները «ամնար մնացեալ, փախստական լեալ ճողոպրեցին այսր և անոր»¹⁹: Եվ ամա նրանցից մի մաս Ավդանքստանի և Տիբեթի վրայով Հնդկաստան հասավ՝ բախտ փնտրելու և մոր կյանք կերտելու համար: «Այս ժամանակի ոգին հերտախան էր, որը բռնի գաղթի ժամանակ ծնեցնում էր դյուցազներ և դյուցազնունիներ ու զորանում էր ժողովրդի մեջ ազգային եկեղեցու հավատը»²⁰:

Ժամանակագիր Ստեփանոս վարդապետը՝ Ծամբ գյուղի և Ստեփանոս Նախավկաի մանքի մանահայրը, իր «Ողբ»-ում փրամոր սրտով նկարագրում էր հայրենի հողից բռնի գերեվարված հայության ծանր հոգեփնակը:

«Ափսոսքեգ, հայոց խնդհիկ ժողովուրդ, Տիբուցան ելած, անմեղ, անխորհուրդ, Գերի գնամանաք դեպի Խորասան... Բարի ձեր որդիոց թոռանց պատմեցեր... Այսպես խայրենիքն քանդած թողեցիք, Մասիսի անունն, հայոց տապանի, Արարատ դաշտի, սուրբ Էջմիածնի, Սեր Խորվիրապի, սուրբ Գեղարդ, Մուղնի, Չմոռանաք մինչի օրն դատաստանի: Այքս կուրանար, շինքս կտորվեր, Խեղճ Հայաստան, քեզ էսպես չտեսներ»²¹:

Ե՛վ երևանցին, և՛ ջողայեցիներ իրենց պանդխտության ծանր օրերին երբեք չմոռացան «զՀայաստանն ու ս. Էջմիածինն», իրենց «քաղցրիկ երկիրն հայոց», «թողած մոր գերեզմանն, սիրուն դաշտերն ու մեծ-մեծ քաղաքներ, հայրենյաց քաղցրիկ ջրերն ու շեն գեղերը»: Ջուղայեցին ուր էլ որ եղել է պանդուխտ ու գաղթական, առաջին հերթին կառուցել է իր աղոթքի տունը, հայկական ոճով եկեղեցիներ, ունեցել է իր ազգային գերեզմանը և ստեղծել է իր մոր կյանքը մոր հայրենիքում:

«Ջուղայեցին, հայության ամենեն ազնիվ և ուշիմ այս տիպարը, մեր ժողովուրդին այն տարրն է, որ ամենեն ճիշտ ու գեղեցիկ կերպով կարգե իր ցեղային նկարագրի բարի կողմերը: Ի բնն մտացի և հայրենասեր, օտրմանայի արագությամբ կօգտագործե ան իրեն ներկայացած նպատակով պայմանները, օտրգացնելու համար իր ազգային բարեմասնությունները»²²:

Հնդկաստանը, ցեղերի, կրոնների չեզոքների և մշակույթների խաչաձևման այդ առապելական երկիրը, եղավ նպատակով այն հողը, որ հայրենիքից ու ս. Էջմիածնից հեռու հայ ժողովրդի այս թանկագին բեկորները տիրապես և գեղեցկորեն հանդես բերեցին իրենց ազգային նկարագրի լավագույն և շինարար հատկությունները, նվիրում իրենց պապերի ույս հավատքին, ազգային ավանդություններին, զարմանայի համարձակությամբ և սրտառույ հավատարմությամբ:

Հնդկահայության պատմությունը արայծառ փաստն է ան իրողության, որ չար ու դաժան ուժերը ինչքան էլ ավերներ են գործել անցյալում, անկարող են եղել ոչնչացնել մեր ժողովրդի մարի և հոգու գեղեցկությունները:

«Ջուղայեցին ոչ միայն առևտուր անելու տառանք ուներ, այլև այդ առևտրի համար նպատակավոր պայմաններ ստեղծելու շնորհի

¹⁴ Առաքել վրդ. Դավրիժեցի, նույնը, էջ 30—32:

¹⁵ Առաքել վրդ. Դավրիժեցի, նույնը, էջ 73:

¹⁶ Առաքել վրդ. Դավրիժեցի, նույնը, էջ 47—48:

¹⁷ Առաքել վրդ. Դավրիժեցի, նույնը, էջ 49:

¹⁸ Առաքել վրդ. Դավրիժեցի, նույնը, էջ 111:

¹⁹ Առաքել վրդ. Դավրիժեցի, նույնը, էջ 110:

²⁰ Մանուկ Աբեղյան, Հայոց հին գրականության պատմություն, գիրք Բ, Երևան, 1946, էջ 450:

²¹ «Բազմավեպ», 1847, էջ 94—95:

²² Թորգոմ արքեպ. Գուշակյան, նույնը, էջ 46:

ունքը: Ասիական սանձարձակ բարբարությունների կրկեսում խաղաղ կուտուրական աշխատանքի իրավունքներ ձեռք բերել, այս ավելի խոշոր մեծագործություն էր, քան կարավաններով Հիմալայներից մինչև Եվրոպա չափելը: Այս մեծ նվաճումը ջողայեցին անուր էր ոչ թե, իհարկե, գեների գործությամբ, այլ խելքով, ճարպկությամբ, հենված իր ամենամեծ ուժի՝ դրամի վրա... Եվ այսպիսի գարմանալի, ապշեցուցիչ օրինակ միայն ջողայեցին էր տալիս, գարմանալի խոշոր չափերով, քան ոչ մի այլ հայ համայնք»²³:

Որևէ եվրոպացուց առաջ ջողայեցիներ եղել են, որ առաջին անգամ առևտրական նպատակներով ոտք են դրել Հնդկաստան:

Այս պատմական փաստերի առկայությամբ հնդկահայ գաղութը բացառիկ տեղ է գրավում մեր գաղթօջախների պատմության մեջ:

ԱՌՍԱԶԻՆ ՀԱՅ ՀԱՄԱՅՆՔՆԵՐԸ ՀՆԴԿԱՍՏԱՆՈՒՄ

Հնդկահայ գաղութի ամբողջական, լիակատար պատմությունը 40 տարիների տրքնաջան աշխատանքով, հանգամանալից կերպով և գիտական բարեխղճությամբ, օտար և հայ բազմաթիվ աղբյուրների օգտագործումով գրել է հնդկահայ գաղութի հարազատ զավակ, հայրենասեր ու բազմահմուտ մտավորական-պատմաբան Մեսրոպ Հակոբի Սեթ (յանը), «հնդկահայ ամենեւ ուշագրավ դեմքերեն մին»²⁴:

Մեսրոպ Հակոբի Սեթյանի այդ արժեքավոր ուսումնասիրությունը, որը գրված է անգլերեն լեզվով, հարուստ պատմական փաստերի վրա, աղբյուրների խորը իմացությամբ, հրատարակվել է Կալկաթայում 1937 թվականին և կոչվում է «Հայերը Հնդկաստանում» նախնազույց ժամանակներից մինչև մեր օրերը, 42 մամուլ, 629 էջ, բաղկացած 17 մասերից և 47 գլուխներից, ուր ամբողջական ձևով, պատմաբանի անաչառությամբ, հայրենասիրական ոգով, ներկայացված են այդ գաղութի ծագման, զարգացման, փառավոր գործունեության և 300-ամյա պատմության էջերը, ինչպես նաև հնդկահայ գաղութի անկման տխուր դրվագները, փշոտ և մերթ ստվերոտ կողմերը:

Մեսրոպ Հ. Սեթյանը, նախկին սանր Կալկաթայի Մարդասիրական ճեմարանի, ապա անդամ մի շարք ասիական և եվրոպական արքայական ընկերությունների, միջազգա-

լին հնագիտական կազմակերպությունների, Կալկաթայի համալսարանում գրաբար և աշխարհաբար լեզուների դասախոս, հնդկահայ գաղութի մասին գրել է շուրջ 15 այլ արժեքավոր ուսումնասիրություններ, որոնք ունեն գիտական ուսումնասիրության լրջությունն ու ծանրությունը և հարազատորեն ներկայացնում են մեզ, երբեմնի այդ փառավոր համայնքի սխրանքի հավասար իրագործումները, ինչպես նաև նրա լքումի օրերը, անցած փառքերը, համայնքներ, որոնք հրաշքներ գործեցին Հնդկաստանի հողի վրա, ապրեցին ազգային-եկեղեցական, հայրենասիրական մտքումներով ու շիջան անփառունակ:

Ըստ պատմական տվյալների, առաջին ջողայեցի կամ երևանցի վաճառականները, որոնք ոտք են դրել Հնդկաստան, Պարսկաստանի, Աֆղանստանի և Տիբեթի վրայով անցնելիս, մնալուն բնակություն չեն հաստատել երկրում:

ԺՁ դարի սկզբներին հյուսիսային Հընդկաստանում, մոնղոլական տիրապետության ժամանակ, առաջինը մեծն Ակբար կայսրն էր (1556—1605) Հնդկաստանի «Մարկոս Ավրելիոսը», որ ծանոթ լինելով հայերի առեվտրական նախաձեռնության և վաճառականական հմտությանը, քաջալերում է հայ առևտրականներին և հակառակ անվանե ջողայեցի վաճառական Հակոբին հաստատվելու իր կայսրության մայրաքաղաք Ակրայում: Կայսրը, լինելով մոլեռանդ մահմեդական, միաժամանակ կրոնական ներողամտությամբ արտոնում է՝ հայերին կապելու համար իր երկրին և իր արքունիքին, հայ եկեղեցու շինությունը: Ակրայում նախապես հայերը ունեցել են իրենց ազգային գերեզմանատունը և ահա նույն գերեզմանատանը 1600-ական թվականների սկզբներին կառուցվում է ամբողջ հյուսիսային Հնդկաստանում քրիստոնեական և հնագույն առաջին հուշարձանը, հայոց ս. Մարտիրոսազ մատուռը, ջողայեցի մահտեսի Մարտիրոսի նվիրատվությամբ, որի գերեզմանը և մարմարակերտ տապանաքարը եղել են իր իսկ հիմնած մատուռում, պարսկերեն և հայերեն արձանագրությամբ:

Ահա հայերեն արձանագրությունը.

«Հանգեսա ի այս տապանս
Փիրքաշին որդին
Մղոեսի Մարտիրոս Զու-
ղայի վախճանեցաւ
ի Ակուայ քաղաքի եւ
Ապրանքն ետ Այ վս իր
Հոգոն. թի հայոց ՌԿ»: (1060+551=
1611 փրկչական թվ.):

²³ Առ, նույնը, էջ 241:

²⁴ Թորգոմ արքեպ. Գուշակյան, նույնը, էջ 162:

Մեսրոպ Մեթը, իր պատմության գրքում, մեջբերել է Ակրայի հայոց գերեզմանը թաղված 112 նշանավոր հայերի տապանաքարերի արձանագրությունը 1611—1927 թվականների (էջ 122—134): Այդ տապանաքարերը, որպես ազգային և պատմական հիշատակարաններ, ցույց են տալիս, թե տվյալ շահանակահատվածում Ակրայում ապրել են հայեր լիիրավ կյանքով և տնօրինել իրենց եկեղեցական ու համայնքային կյանքը, իրենց ազգային, դարավոր ավանդությունների հիման վրա: Կայսրը միաժամանակ Ակրայի հայոց ա. Մարտիրոսաց եկեղեցու համար թույլատրում է հայ քահանայի հյարձիարմար Նոր Զուղայից և իր արքունական կալվածներից մեծ հողամասեր հատկացնում Զուղայեցի վանատականներին, որպես բնակության վայր, ազգի:

Կայսրի թագուհիներից մեկը՝ Մարիամ Զամանի Բեգումը, հայ է եղել: Մինչև այժմ էլ Ակրայից քան մոտ հեռավորության վրա գտնվում է թագուհի Մարիամի՝ «Ակրայի քրիստոնյա կնոջ», հայ իշխանուհու գեղեցիկ պատար, որը կառուցվել է 1568—1569 թվականներին, ուր և թաղված է հայ թագուհին: Թագուհու անձնական բժշկուհին եղել է նույնպես Հուդիանե անունով մի հայ կին: Պալատական գլխավոր դատավոր և կայսրի խորհրդական Արդուլ-Հայը, պետական մեծ գործիչ Միրզա Զուլ-Կարնենը, որը համարվում էր «ամբողջ Հնդկաստանում քրիստոնեության պոնը», նույնպես հայեր են եղել²⁵:

Ակրայում մոնղոլ տիրապետության շրջանում և մանավանդ ԺԶ—ԺԷ դարերում Զուղայեցի հայերը շատ կարևոր դիրքեր են զբաղում երկրի տնտեսական-քաղաքական կյանքում, կատարում են դիվանագիտական կարևոր և պատասխանատու առարկություններ, առհասարակ և եվրոպական մի շարք արտոնիքների մոտ²⁶:

Հնդկաստանի երկրորդ քաղաքը, ուր ԺԷ դարի սկզբներին սկսած հաստատված է եղել հայ համայնք, ուստի Նարվարն է, Կվալիոնի իշխանության մեջ:

Մեզ հասել են այս քաղաքում հատկապես կանգնեցված զուտ հաստատված երկու տապանաքարեր՝ հատերեն արձանագրությամբ: Առաջին տապանաքարը կրում է 1743 թվականի և կանգնեցված է Կվալիոնի եռամյա, օգնատեղ Հանոթ Պետոտանի հիշատակին, որը 70 տարեկան, որպես տապանաքար օհմնորանան և քաղաքական օտոնի, սննդամիքարար և քաջությամբ ծառայել

է այդ համանգին, արժանանալով տեղացի ժողովրդի և արքունիքի մեծ հարգանքին և երախտագիտությանը: Նա իր քանակում ունեցել է 40 հայերից քաղկացած հայրական մի ջոկատ՝ բոլորն էլ առևտրականներ: Գնդապետ Հակոբի ժողովները եղել են քննի երևանցիների՝ բռնագաղթած 1605 թվականին Սպանիան:

Երկրորդ տապանաքարը, որը կրում է 1750 թվականը, Նարվարի հայոց համայնքի շողայեցի տ. Առաքել քահանայի տապանաքարն է՝ վախճանված 72 տարեկան հասակում:

Նարվարը ունեցել է կազմակերպված հայ համայնք: Տեղի եկեղեցին կառուցվել է 1742 թվականին: Հայ քահանայի ներկայությունը Նարվարում, որպես ժամանակի կարևոր և մեծ քաղաքի, համարվում է նաև առաջույցը տվյալ ժամանակահատվածում տեղի հայ համայնքային կյանքի կազմակերպվածությանը, նշում է Մեսրոպ Մեթը²⁷:

Մոնղոլական գրավման ժամանակաշրջանում Դեյին նույնպես եղել է հյուսիսային Հնդկաստանի կարևոր քաղաքներից մեկը: Այստեղ ևս, մոնղոլական պալատում, 1713 թվականից հիշվում է խոջա Մանուրը, որը արքունիքի կողմից դեսպանության է մեկնում Կաշկարա՝ քահակցելու համար անգլիացիների հետ: Հիշվում են նաև խոջա Մուրադը ու մի հայ քահանա, որոնք արքունիքում վալելել են նույնպես մասնավոր պաշտպանությունն ու վստահությունը մոնղոլ իշխողների:

Դեյիում հայ եկեղեցու գոյության մասին պակասում են պատմական աղբյուրները, թեև հայ քահանայի ներկայությունը փաստ է նաև հայ եկեղեցու գոյության: Ակրայում 1614—1675 թվականներին պաշտոնավարել են տոթ հայ քահանաներ²⁸:

1739 թվականին պարսից Նադիր շահի՝ ռեալի Դեյի կատարած արշավանքների ժամանակ քանդվել է հայ եկեղեցին: Դեյիից դուրս գտնվող հարց գերեզմանատանը, սեման, պահված են մեջ հայ մարդկանց հատերեն տապանաքարերը, որտեղ հնագույնը կրում է 1787 թվականը. դա թիֆլիսեցի Ղազարոսի որդու՝ Զարարի տապանաքարն է:

Դեյիում հատկապես երկրորդ եկեղեցին կառուցվել է 1781 թվականին, որը, տալայն, շուտով օտն է գնալու ուրվալ մահմեդական մոլեռանություններ²⁹:

Հանաեան քաղաքում և կազմակերպված համայնքներ եղել են ԺԷ դարի սկզբներից

²⁵ Մեսրոպ Մեթը, Հակոբ Հնդկաստանում, էջ 1—21, 102—114, 151—166:

²⁶ Մեսրոպ Մեթը, նույնը, էջ 88—91:

²⁷ Մեսրոպ Մեթը, նույնը, էջ 147—149:

²⁸ Մեսրոպ Մեթը, նույնը, էջ 22—23:

²⁹ Մեսրոպ Մեթը, նույնը, էջ 195—199:

նակ Լահորում, որը Փուլցապի նահանգի մեծ կենտրոնն էր: Պապմական փաստերը վկայում են սեծահարուստ վաճառական 23 հայերի ներկայության մասին այս քաղաքում, 1600-ական թվականներից: Լահորը եղել է ողջ շրջանի հայ եպիսկոպոսի աթոռանիստը: Քաղաքում հայ համայնքը ունեցել է իր մասնավոր թաղամասը բերդի մոտ: Ակրայի հայերից Սիրգա Ալեքսանդրը (Իսկենդեր) մեծ գումարներ է նվիրել Լահորում հայ եկեղեցու և գերեզմանատան շինության համար, որ ապրելիս են եղել նրա ընտանիքն ու զավակները: Լահորի կառավարիչ է եղել նույն Սիրգա Ալեքսանդրի որդի, նշանավոր Սիրգա Ջուլ-Կարենը, որը քաղաքում ունեցել է իր ապարանքն ու այգին, որ և թաղվել է նրա կինը՝ Հեղինեն, 1638 թվականին, գեղեցիկ տապանաքարի տակ: Այստեղ է թաղվել նաև Սիրգան, 1656 թվականին: Լահորի հայ համայնքը աֆղան արշավանքների ժամանակ նույնպես զոհ է գնացել կրոնական մոլեռանդության: Այդ պատճառով համայնքի մասին ավելի լայն տեղեկություններ չունենք 1757 թվականից հետո: Լահորի կենտրոնական թանգարանում պահվում են չորս տապանաքարեր՝ հայերեն արձանագրությամբ, որոնցից հնագույնը կրում է 1601 թվականը: Այստեղ է նույնպես, որպես թանգարանային հազվագյուտ իր, 1761 թվականին հայերի շինած նշանավոր «Ջամ-սամա» թնդանոթը, որը մեծ վնասներ է հասցրել աֆղան արշավողներին³⁰:

ԺԶ դարի սկզբներից Սուրատում ևս ապրել է մեր ժողովրդի թանկագին մի բեկորը: Սուրատը ԺԷ և ԺԸ դարերում եղել է շատ կարևոր և բարգավաճ ազգային-եկեղեցական համայնք: Ըստ տապանաքարերի արձանագրության, 1579 թվականին Սուրատում է թաղվել տեղի վիճակավոր տ. Ոսկան քահանայի կինը՝ Մարինասը, որը մահացել է 53 տարեկան հասակում:

1668 թվականին հայերը Սուրատում ունեցել են իրենց փայտաշեն եկեղեցին, որը այրվել է մոնղոլական արշավանքների պատճառով: 1777 թվականին կառուցվել է քարակերտ և գեղեցիկ ս. Աստվածածինն ընդ եկեղեցին: Հնդկահայ եկեղեցիների քահանաները, որոնք Մայր Աթոռի գիտությամբ ուղարկվում էին Նոր Զուղայի առաջնորդարանից, պաշտոնավարում էին հերթական դրությամբ, երեք տարի: Այս պատճառով այդ քահանաները համարվում էին ոչ թե ծխատեր, այլ վիճակավոր քահանաներ, որոնք իրենց պաշտոնավարության շրջանը ավարտելուց հետո վերադառնում էին՝ իրենց

պաշտոնը հանձնելով նշանակված հաջորդին:

Պաշտոնական մի նամակից տեղեկանում ենք, որ Նոր Զուղայից 1788 թվականին 14 քահանաներ ուղարկվել են Հնդկաստանի զանազան համայնքներում պաշտոնավարելու համար, որոնցից չորսը պաշտոնավարել են Սուրատում, որ եղել է չորս հարյուր ծխական ժողովուրդ³¹:

Սուրատի հայ համայնքից հայրենասեր աղա Հովհաննես Գիրյաքյանը 1790 թվականին 25000 ռուպի է նվիրում Հովսեփ արքեպ. Արղությանին, Նոր Նախիջևանում ազգային հաստատությունների հաստատման համար: Նույն հայրենասեր և կրթանվեր վաճառականի միջոցներով Նոր Նախիջևանում բացվում են երկու դպրոցներ՝ ս. Գրիգոր Լուսավորիչ և ս. Աստվածածին անուններով:

Նրա մեկենասությամբ հաստատվում է Նոր Նախիջևանում առաջին հայկական տպարանը: Նա մեծ նվիրատվություններ է կատարել նաև ս. Էջմիածնին, Նոր Զուղայի վանքին, Կալկաթային³²:

Սուրատում «ապրած էր երբեմն բարգավաճ հայ գաղութը: ...Պողոտայի վրա նախող կետի մը վրա, կկանգնի համակ քարաշեն գմբեթավոր մատուռ մը, ներքուստ հայկական ոճով...: Ամսիջապես անոր կկցվի գմբեթաձև պուլմարան մը, կարճ ու թանձր պուլմերու վրա հեծած երեք կարճ կամարներով, որոնք քիչ մը կհիշեցնեն Սանահնի վանքի տաճարին զավթաքարերը: Մատուռին մեջ, ատյանին թաղված է Ղալանթար՝ որդի ականավոր Փանոս Ղալանթարյանի: Սյունարահին տակն ու շրջակայքը ծածկված են նույնպես ամբողջովին տապանաքարերով, որոնք շուղայեցի ականավոր գերդաստաններու գերեզմաններու երամները կկազմեն: Ու մինչ մի առ մի կընդօրինակեի մահվան գրականության վիմատառչալ այս մատյանները, ինձ կթվեր կարդալ ազգային անմահության գիրքը ժողովրդի մը, որուն համար կյանքն ու մահը հավասարապես կոխվելու են միշտ, կոխվ՝ աշխարհի և մարդոց շնչող ուժերուն, կոխվ՝ ժամանակին ավերիչ գործության դեմ:

Կապրին այն ժողովուրդները միայն, որոնք, երբ ներկան կանիրավե գիտենք, անցյալին պատմական գիտակցությունեն ժառանգած իրենց իրավունքին փաստը արվեստի և գրականության ձեռքով կհանձնեն սպազալի հույսերուն»³³:

³¹ Մեսրոպ Սեթյան, նույնը, էջ 253:

³² Մեսրոպ Սեթյան, նույնը, էջ 253—259:

³³ Թորգոմ արքեպ. Գուշակյան, նույնը, էջ 34—36:

³⁰ Մեսրոպ Սեթյան, նույնը, էջ 201—206:

Սուրբատի հայ համայնքը իր անկախագլուխ շրջանը բոլորում է 1760—1800 թվականներին: Այստեղ ապրել և գործել են ալեյի բան 30 հայ առևտրական մեծ տներ²⁴:

1698 թվականին Սուրբատում է ընդօրինակված հայերեն ընտիր մի ձեռագիր:

Սուրբատի հայ համայնքը ևս ապրում է ԺԹ դարի առաջին քառորդին իր անկման օրերը: 1820 թվականին այստեղ մնացել են միայն յոթ հայեր²⁵: Սուրբատը երբ կորցնում է իր տնտեսական-վարչական կարևորությունը, ի հաշիվ Բոմբեյի, հայերը լքում են քաղաքը և հաստատվում Բոմբեյում:

Հնդկահայ գաղութի պատմության մեջ կարևոր տեղ է գրավում նաև Բոմբեյը:

Ինչու 1676 թվականից մի խումբ սուրբատցի հայ վաճառականներ, խոջա Մինասի և խոջա Դեյանի գլխավորությամբ, առևտրական մասնագիտություն են հիմնում այստեղ և մնալուն բնակություն հաստատում:

«Բոմբեյի գաղութը հնդկահայ գաղութներուն հնագույններեն մին է, ավելի հին նույնիսկ, քան Սուրբատը, քանի որ իբրև վաճառաշահ մեծ կենտրոն և առաջին կայան, հոս կեղեկեն և կհավաքվեն նախ Պարսկաստանն այս կողմը գաղթող շողայեցիներն ու շիրազցիները և հետո կցրվեին ուրիշ կողմեր»²⁶:

Բոմբեյի հայոց ս. Պետրոս եկեղեցին կառուցվել է 1796 թվականին, ս. Էջմիածնի նմիքակ տ. Հակոբ արքեպիսկոպոսի նախաձեռնությամբ, որը և կատարել է օծումը ըստ արձանագրության, Վուկաս Կարենցի կաթողիկոսի օրով: Եկեղեցին կառուցվել է համադրանցի Հակոբի նմիքատվությամբ՝ իր հոր՝ Պետրոսի և մոր՝ Ջանան Խաթունի հիշատակին:

Բոմբեյում իբրև ազգային հիշատակարան, բացի եկեղեցուց, կան երկու գերեզմանավայրեր, մեկը քաղաքի մեջ, մյուսը՝ քաղաքից դուրս... Գերեզմանների մեծ մասը օարդարվել են հայկական ոճով մահարձաններով: Տապանաքարերից հնագույնը կրում է 1767 թվականը:

«Եթե Բոմբեյի մեջ հայությունը անուն մը՝ հասցե մը ունի տակալին, կհավատամ թե գլխավորաբար այս անշուք և պարզ մատուին շնորհիվն է ան, մատուո՞ր որ խարսխացից մըն էր այիքներու մեջ նետված անքնդունակ և փոքրիկ համայնքի մը հետին փշրանքները փրկելու համար անդնդասույզ կորուստե՛ն:

Նախ լեզուն, ապա պատմական տեղեկություններ, հետո զգացումը. այս կարգով կողարանա ազգային կյանքը տարաշախ, գաղութներուն մեջ, և եթե չլինի եկեղեցվոր կամ կրոնական ոգին ամբապնդիչ կապը, առաջին սերունդին հետ թույցած քայքայված է արդեն ասեմ բան, երկրորդին թուլով սրբված ջնջված հիշատակի մը երազային պատկերը սոսկ, տարտամ ու անընթեռնելի»²⁷:

Բենգալի նահանգի Չինտուրա կամ Չիշուա քաղաքում շողայեցիք կառուցել են՝ Հընդկաստանում հնագույն քրիստոնեական առաջին հուշարձանը, հայոց ս. Հովհաննես Սկրտիչ եկեղեցին, 1695 թվականին, մոնղոլական տիրապետության ժամանակ:

1645 թվականին Չինտուրայում է հաստատվում շողայեցի նշանավոր առևտրական «Լարիք» խոջա Հովհաննես Մարգարը, իր ընտանիքով և երկու եղբայրներով: Խոջա Մարգարի և Մարգարյան ընտանիքի բարերարությամբ էլ կառուցվում է տեղի հայոց ս. Հովհաննես Սկրտիչ եկեղեցին 1695 թվականին: 1697 թվականին վախճանվում է խոջա Մարգարը և թաղվում իր կառուցած եկեղեցում: Նրա տապանաքարը ունի գրաքար արձանագրություն, ուր խոսվում է «այս նշանավոր Լարիք» առևտրականի բարեմասնությունների, ֆիզիկական գեղեցկության, մեծագործությունների մասին, «պատվված թագավորներից, մեծարված իշխաններից»:

Չինտուրայի եկեղեցու մեջ և բակում գտնվում են շուրջ 140 մարմարյա տապանաքարեր, արձանագրություններով, 1695—1868 թվականներին մահացածներին: Այս տապանաքարերից մեկը «Լարաբադի վերջին անկախ հայ իշխանի որդու՝ Դավիթ Ֆրիդոն Մեկիթ Բեգլարինն է», 1884 թվականին:

Չինտուրայի հայոց եկեղեցին մինչև այսօր կանգուն է, և տարին մեկ անգամ Կալկաթայի հայությունը ս. Հովհաննես Մկրտչի տոնին ոխտազնացություն է կազմակերպում դեպի Չինտուրա՝ երկուդած քարեպաշտությամբ ոգեկոչելու համար նաև հիշատակը երբեմնի փառավոր հայ մի համայնքի²⁸: «Չինտուրան կվայելե դրացի և կենսայից գաղութի մը՝ կալկաթահայության գորգուրանքը»²⁹: «Ընդարձակ քակի մը մեջ, որ լիքն է տապանաքարերով, և զոր կշրջապատեն արևադարձային տունկերու և ծառերու սփրուն անտառ մը և բանի մը միա-

²⁴ Հարություն Տեյ-Հովհաննիսյան, Պատմություն Նոր Ջուղայի, Նոր Ջուղա, 1880, էջ 186:

²⁵ Մեսրոպ Սեթյան, նույնը, էջ 267:

²⁶ Թորգոմ արքեպ. Գուշակյան, նույնը, էջ 253:

²⁷ Թորգոմ արքեպ. Գուշակյան, նույնը, էջ 23—24:

²⁸ Մեսրոպ Սեթյան, նույնը, էջ 303—312:

²⁹ Թորգոմ արքեպ. Գուշակյան, նույնը, էջ 172:

հարկ բնակարաններ, ուր կմնան եկեղեցվո պաշտոնյաներն ու ծառայողները, կկանգնի տաճարը, ռոմանական ուսով կառուցված հասակ քարակիր շենք մը, դրան առջև կբարձրանա հույժ գեղեցիկ զանգակատան բարձր աշտարակը, որուն սեջ կան երկու խոշոր զանգակներ: Եկեղեցվո ներսը նույնպես սիրուն է շատ և նստարաններով ու ամեն կարգի զարդերով վայելչորեն կահավորված:

Եկեղեցին կառուցված է 1695-ին ինչպես կհասկնացվի դրան նակատի հակիրճ արձանագրութենեն, և է այժմու հնդկահայ եկեղեցիներուն հնագույնը»⁴⁰:

Չինստրայից մոտ մեկ ժամ հեռավորության վրա գտնվում է Արրըմբուր կամ Սիրամփուր կոչված գյուղաքաղաքը, ուր 1817 թվականին տպագրվել է հայերեն Աստվածաշունչը, Ոսկանյան Աստվածաշնչի (Ամստերդամում, 1666 թ.) օրինակի վրայից, «այժմ նորոգ տպագրելով եղև ջանքի և արդեսմբք յօժանդական միաբանութենէ ժողովոյն Աստուածաշնչի, որ ի Կալկաթայ. 1307 էջ»⁴¹:

Բենգալի նահանգի Մուրշիտապատ գավառի Սահդաբադ քաղաքում 1665 թվականից հաստատվել են ջուղայեցիները, մոնղոլ իշխանապետների հրովարտակներով:

Շուրջ հարյուր տարի այս համայնքի կյանքի և գործունեության մասին պատմական տվյալներ չկան:

ԺԸ դարի սկզբներից է, որ Սահդաբադում փառավոր գործունեություն է ծավալում հայ համայնքը: Տեղի նշանավոր դեմքերից է աղա Պետրոսը, ջուղայեցի տ. Նիկոլ քահանայի որդին, որը մեծ ծառայություններ է մատուցում երկրին, արքունիքին և հայ համայնքին:

Սահդաբադի հայոց համայնքի երկրորդ և կարևոր դեմքը հանդիսանում է խոջա Պետրոս Արաթունը, ծնողները՝ երևանցի: Նա դիվանագետ էր, նշանավոր առևտրական և մարդասեր: Խոջա Պետրոսի երկրորդ եղբայրը՝ խոջա Գրիգորը կամ Գորկին խանը, հանդիսանում էր և՛ Սահդաբադի, և՛ հայ համայնքի ազդեցիկ դեմքը, Նավապ Միր Բասիմի բանակի գլխավոր հրամանատարը, պետական նախարար, մեծ զինվորական ու գեներալ, և՛, ըստ օտար աղբյուրների՝ «իր ժամանակի մեծագույն մարդկանցից մեկը» և «Կալկաթայի հայոց երկրորդ Աստվածը»⁴²: Հայտնի անձնավորություն է եղել նաև

նրանց երրորդ եղբայրը՝ Բարսեղ Արաթունը:

Վերոհիշյալ խոջա Պետրոս Արաթունի քարերարությամբ 1758 թվականին կառուցվում է Սահդաբադի հայոց ս. Աստվածածին գողտրիկ եկեղեցին՝ ի հիշատակ իր ծնողների և թե եղբայրների: Խոջա Պետրոս Արաթունը վախճանվում է 1778 թվականին և թաղվում իր կառուցած եկեղեցում⁴³:

Նույն եկեղեցում է թաղված նաև Կալկաթայի հայոց Սարդասիրական ճեմարանի հիմնադիրներից մեկը՝ «Սնացական Վարդանյանը, որու գերեզմանը ծածկված է գեղեցիկ տապանաքարով մը, և ուր, իր պատկերը կա քանդակված»⁴⁴:

Եկեղեցու շուրջ և բակում ավելի քան 110 մարմարակերտ տապանաքարեր կան, արձանագրություններով: «ԺԸ դարու սկիզբը, բավական ծաղկած հայություն մը պետք է եղած լինի այստեղ: Գերեզմանատան արձանագրությանց մեջ մինչև 1840 թվականը կա, որմե կարելի է նույնպես հետևեցնել թե 1850-ին բոլորովին պարպված չէր տեղիույս հայությունը, ինչպես Հնդկաստանի բոլոր քաղաքներուն մեջ, ուր հայեր գտնված են, նույնպես և հոս, քաղաքին մեջ, կա հայկական բազար փողոց մը, որ կցուցնե շիջած հայազաղություն երբեմնի առևտրական դիրքը»⁴⁵:

Մինչև 1860 թվականը Սահդաբադի եկեղեցին ունեցել է իր վիճակավոր քահանան: Հայց հետազայում «եկեղեցին իր դուռները փակել է, որովհետև 75 տարիներից ի վեր այնտեղ եկեղեցական պաշտամունք և ս. պատարագ չի կատարվել»⁴⁶:

Տարին միայն մի անգամ հունվարի վերջին, հոգևորականությունը, ժողովուրդը և Կալկաթայի Սարդասիրական ճեմարանի ուսանողները, իրենց տեսչի և ուսուցիչների հետ, այցելում են Սահդաբադի եկեղեցին՝ իրենց հարգանքի և երախտագիտության տուրքը մատուցելու ճեմարանի հիմնադիրներից Սնացական Վարդանյանին, որը թեև ծնվել է Ջուղայում 1772 թվականին, բայց մահացել և թաղվել է Սահդաբադում 1827 թվականին:

Բենգալի նահանգի կարևոր առևտրական կենտրոն է եղել նաև Դակկան, ուր ԺԸ դարի սկզբներից գոյություն է ունեցել հայկական բարգավաճ համայնք:

Տապանաքարերի արձանագրություններն այստեղ էլ վկայում են հայերի ներկայության մասին Դակկայում 1714 թվականին:

⁴⁰ Թորգոմ արքայ. Գուշակյան, նույնը, էջ 125:

⁴¹ Հայկ Դավիթյան, Հայ գիրքը 1801—1850 թվականներին, Մատենագիտություն, Երևան, 1967, էջ 75:

⁴² Մեսրոպ Սեթյան, նույնը, էջ 343—344:

⁴³ Մեսրոպ Սեթյան, նույնը, էջ 325—359:

⁴⁴ Թորգոմ արքայ. Գուշակյան, նույնը, էջ 170:

⁴⁵ Թորգոմ արքայ. Գուշակյան, նույնը, էջ 172:

⁴⁶ Մեսրոպ Սեթյան, նույնը, էջ 355:

Հայերը նախապես ունեցել են այնուհետ փայտաշեն իրենց «առուիկն եկեղեցուն»։ Հետագայում Դակկայի հայոց ա. Հարություն եկեղեցին կառուցվել է 1781 թվականին, երբ հայ հասայների թրվը արդեն սեծացել էր։

«Այս եկեղեցին գեղեցկագույնն է Հրեղ-կաստանի մեջ սեր տեսած հայ եկեղեցիներում։ Չնով ավելի նման է Զիշրայի (Զին-սուրայի) եկեղեցվուն, միայն թե ավելի բարձր է քան զայն։ Ավագ դրան կացված ունի բարձր զանգակատուն մը, հինգ զանգակներով. ասոր առջև, կանուխ, կա եղբ. ժամացույցի ավելի բարձր աշտարակ մը, որ երկրաշարժեն կործաներ է 1836 թվին. երկու կողմը կան սյունաքան գավիթներ, ներքև ունի էլեկտրական հովհարներ և լուսավորություն։ Բակին մեջ է տեղվույս գեղեցիկապատմունք, գեղեցիկ բահանայատունը. սրտաբաց գեղեցկությամբ մը կապածառանա սմբուղ բակը, որ կան սիրուն ծաղկանոցներ»¹։

Դակկայի հայոց եկեղեցին գտնվում է Արսենիստղա կամ հայկական փողոցում։ Եկեղեցու օժումը կատարել է Մայր Աթոռի նկիրակ Եփրեմ արքեպ. Չորագեղցին, ապագա կաթողիկոսը (1809—1836)։ Եփրեմ Չորագեղցու յուզաների մեկ նկարը, որը գործն է եղել եկրուպացի մի հայտնի նկարչի, կախված է եղել երկար ժամանակ Դակկայի հայոց եկեղեցում։ Նկարը 1907 թվականին Մայր Աթոռի միաբան և Իրանա-Հնդկաստանի թեմի առաջնորդ տ. Սահակ արքեպ. Արվատյանը վերցրել է՝ ուղարկելու համար Մայր Աթոռ»²։

Դակկայի հայոց եկեղեցին 1849 թվականին զարդարված է եղել Վերջին ընթրիք-ի և Խաչելության հոյակապ նկարներով։

Դակկայի հայերի մեջ իրենց հարստությամբ և ազգային քաղաքականությամբ նշանավոր են եղել չուղայեցի աղա Խաչիկ Մինասյանը, աղա Հարություն Միքայելը, Նիկողոս Սարգսար Պողոսը, որը հիմնել է «Դակկան, Նիկողոս Գարոցը», Մանուկ Գալստյանը և ուրիշներ։

Երբեմնի այս քաղաքում համայնքից մնացել է միայն հայկական եկեղեցին, որպես լուր վկան այն բանի, որ մի ժամանակ ապստեղ էլ ապրել է հարուստ ու կենսալից գործունեությամբ մի հայ համայնք։

ԺԼ դարի ժամանակագիր չուղայեցի Կոստանդ խոջան, որը իր գիտնականության համար անվանվել է «Ջուղայի Գամաղիե-

լը»³, Ջուղացու հայ վաճառականների սեպեատությամբ ունեցել է մասնավոր մի դպրոց «սոնտրական թեքումով», որ հաճախել են չուղայեցի հարուստ հայ վաճառականների զաւակները՝ առևտրական, ինժեներական, տնտեսագիտական և աշխարհագրական գիտելիքներ ձեռք բերելու համար, որպեսզի ապագայում կարենան շարունակել իրենց ծնողների առևտրական գործունեությունը օտար երկրների հետ։

Կոստանդ խոջան իր աշակերտներին սովորեցրել է հայ եկեղեցու զաւանդությունն ու քրիստոնեականը, հայոց լեզու (գրաբար), ընդհանուր ազգաց պատմություն և աշխարհագրություն, ինչպես նաև առևտրական գիտության սկզբունքները և վաճառականության պատմություն։

Այս գիտելիքների հետ միասին խոջա Կոստանդը իր աղագա վաճառական աշակերտներին տվել է հետևյալ հետաքրքիր ու գործնական խրատականը.

«Միայնակ մի ճանապարհորդիր։ Անձանք և չփորձված մարդու հետ ո՛չ հատիր և ո՛չ ընիր. ճանապարհին կարող է նա քեզ ապանել և կողոպտել քո ողջ ունեցածը։ Քո ծոցի գրպանում պանիր գրելու թուղթը, գրիչն ու թանաքը՝ քո վերաբերյալ գրպանում, լանդը՝ քո սնդուկում. կշեռը իր կըշ-նաքարերով՝ քո ձեռքի պայուսակում, երկաթյա կանգունը՝ քո գոտու մեջ, մոսածուները՝ քո սրտում քանիք և միտքը՝ Աստու վրա։ Գոհացիր նրանով, ինչ Աստված քեզ կտա. մի վստահիր անձանդ մարդուն, նույնիսկ մի կապոց, գրի առ ամենօրյա քո գործառնությունները. ինչ որ կարող ես այսօր անել, վաղվան մի թողուր»։

Խոջա Կոստանդի այս խրատականը «վաճառականության ավետարանն» է եղել չուղայեցի բոլոր առևտրականների համար։

Խոջա Կոստանդի դպրոցը մեծ ազդեցություն է գործել հայ վաճառականական մտքի զարգացման պատմության վրա։ Այդ դպրոցի հովանու տակ հասել և կազմակերպվել է հայ վաճառական մտավորականության հետաքրքիր մի նոր սերունդ, որն իր օրագրություններով, ճանապարհորդագրական հուշագրություններով հարստացրել է մեր գրականությունը։ Առևտրական մտավորականության այդ սերնդի «ղերի մեծագույն արժեքն այն է, որ նա տանում է հայ միտքը դեպի աշխարհականացում, դեպի իրական կյանքի պահանջների ճիշտ ընդունումը։ ...18-րդ դարում հայ վաճառականությունն արդեն այն չէ գրականության մեջ, ինչպես առաջ։ Վաճառական-գրողներ, վաճառական-հեղինակներ, վաճառական-թարգմա-

¹ Թորոնտ արքեպ. Գուլական, նույնը, էջ 179—184։

² Մեսրոպ Սեթյան, նույնը, էջ 574։

³ Մեսրոպ Սեթյան, նույնը, էջ 613։

նիշներ, — սրանք արդեն հազվագյուտ երկվորյակներ չեն, այլ կազմում են մի ամբողջ հոսանք, որի կատարած գործը չափազանց կարևոր է... Այս կենսունակ հոսանքը կատարում էր խոշոր հասարակական դեր»⁵¹:

Խոջա Կոստանդը, որը մահացել է 1702 թվականին Նոր Զուղայում, պատրաստել է նաև ամբողջական ու հետաքրքիր, վավերական ցուցակը Հնդկաստանի և Ծայրագույն Արևելքի ավելի քան 50 այն քաղաքների, ուր հաստատվել են ջուղայեցի վանատականները առևտրական նպատակներով և հասել իրենց նյութական բարօրության և տնտեսական հզորության գագաթնակետին:

Իժմար է հնդկահայ գաղութի պատմությանը նվիրված այս համառոտ ակնարկի մեջ ընդգրկել այդ 50-ից ավելի գաղթօջախների կյանքն ու գործունեությունը, գաղթօջախներ, որոնք լքվել են հայ համայնքների կողմից շատ վաղուց, զանազան պատճառներով:

Իսկ մինչև 1850-ական թվականները այդ գաղթօջախներից շատերի անվանը և հիշատակությանը հանդիպում ենք մանավանդ Ամենայն Հայոց Հայրապետների կոնդակների մեջ, կոնդակներ, որոնք հայ եկեղեցու դարավոր և պատմական կենտրոն Մայր Աթոռ Ս. Էջմիածնից միշտ հասցեագրված են եղել եկեղեցական և հայրենասիրական բովանդակությամբ և տարբեր առիթներով Հնդկաստանի և Ծայրագույն Արևելքի հեռավոր երկիրների տակ ապրող հայ ժողովրդի թանկագին բեկորներին՝ որպես հարազատ զավակները Մայր Աթոռի և հայոց աշխարհի:

Ս. Էջմիածինը, Ամենայն Հայոց Հայրապետները միշտ և համապագ հետաքրքրվել են հնդկահայ գաղութի կյանքով ու գործունեությամբ և կենդանի, գործարար կապ են պահել-պահպանել այդ գաղթօջախների հետ՝ որպես տիրախմած թեմերի և համայնքների, առաջնորդներով, նվիրակներով և հայրապետական պատվիրակների նշանակումով:

1850 թվականին, դեկտեմբերի 31-ին, Հնդկաստանի և Ծայրագույն Արևելքի հա-

յությանը ուղղած իր կրոնաշունչ և հայրենաբույր կոնդակում Ներսես Ս Աշտարակեցին, գոհունակությամբ խոսելով հնդկահայերի «Պղծեմիայի հակաեկեղեցական մի շարք հոդվածների առթիվ գրած բողոքագրի մասին, ներկայացնում էր նոր առաջնորդ տ. Թադեոս եպս. Բեզմազարյանին՝ իր հայրական խոսքն ու պատգամը ուղղելով «Կալկաթայի, Չինսուրայի, Սահյաբադի, Իսկկայի, Ակրայի, Կվալիորի, Կավմբերի, Լյուսկնովի, Ֆատտիհաբադի, Լահորի, Բոմբեյի, Սուրատի, Հադերաբադի, Լադրասի, Սատուլի-պատամի, Ռանգունի, Սուլմեյնի, Ալլայի (Սանդալա), Պենանգի, Սինգապուրի, Սալակկայի, Բաթավիայի, Սամարանկի, Սուրաբայայի, Տեկայի, Փեթահարի» հայ համայնքներին⁵²:

1963 թվականի նոյեմբերի 15—25 օրերին, երբ Տ. Տ. Վազգեն Ա Հայոց Հայրապետը Հնդկաստան էր այցելում եղբայրական հրավերովը Հնդկաստանի և Արևելքի մայաբար քույր եկեղեցու, Իր հայրապետական ուղեորության առիթով Նորին Սրբությունը այցելում էր նաև հնդկահայ համայնքներն ու եկեղեցիները՝ Բոմբեյ, Մադրաս, Կալկաթա, նոյեմբերի 25—դեկտեմբերի 17 օրերին, անձամբ տանելով Մայր Աթոռ Ս. Էջմիածնի օրհնությունը և Իր շնորհաբեր ներկայությամբ, հայրապետական Իր ջերմ խոսքով ու հայրենաշունչ պատգամով մխիթարելու հնդկահայ Իր զավակներին:

Ամբողջացնելու համար հնդկահայ գաղութի պատմությանը նվիրված սույն համառոտ ակնարկը, ամսագրի հաջորդ համարում մեր ընթերցողների ուշադրությանն ենք ներկայացնելու Մադրասի, Կալկաթայի հայ համայնքների տեղեման, կազմակերպության, նրանց ծավալած եկեղեցաշեն, հայրենասիրական, մշակութային գործունեության, ինչպես նաև մանավանդ Մարդասիրական ճեմարանի հաստատման, հնդկահայ մամուլի և տպագրության տարեգրության համառոտ պատկերը:

(Շարունակելի)

⁵¹ Լեո, նույնը, էջ 1021:

⁵² Մեսրոպ Սեթյան, նույնը, էջ 613—614:



ՎԱՀԱՆ ԵՊԻՍԿՈՊՈՍ ՏԵՐՅԱՆ

(Առաջնորդական փոխանորդ Արարատյան թեմի)

ՀԱՅՈՅ ՀԱՅՐԱՊԵՏՆԵՐԻ ԾԻՐԻՄՆԵՐԻ ՄԱՍԻՆ՝

103. **Հակոբ Գ Զողայեցի** (1655—1680).—Ծնվել է 1598 թվին Հին Զողայուն: Աշակերտել է Խաչատուր վարդապետ Կեսարացուն և հաջորդել Փիլիպպոս կաթողիկոսին 1655-ին: Եղել է ԺԷ դարի հոգևոր-մշակութային զարթոնքի ուսմիիրաններից մեկը և շինարար, արդյունաշատ, հայրենասեր ու լուսամիտ հայրապետ: Հակոբ Գ Զողայեցու հանձնարարությամբ Ոսկան վարդապետ Երևանցին 1666 թվին Ամստերդամում տպագրեց Աստվածաշունչը: Նրա օրոք, 1678 թվին, ա. Էջմիածնում գումարվում է գաղտնի ժողով՝ ազգային-ազատագրական հարցով:

Հակոբ կաթողիկոսը Էջմիածնի ժողովից հետո գլխավորում է ազգային-ազատագրական շարժման պատվիրակությանը և անմիջապես մեկնում Կոստանդնուպոլիս, բայց, դժբախտաբար, վախճանվում է այնտեղ 1680 թվի օգոստոսի 1-ին, կիրակի օրը: Այդ մասին Զաքարիա սարկավազը գրում է. «Եւ այսա ելեալ գնաց ի ծովեզերն. և

նստեալ ի նաւ, և գնաց ի Բիզանդիա... Եւ տկարացաւ, և վախճանեալ հանգեաւ ի Տէր, յայնմ ամի ի թոիկն ՌՃԻԹ յօգոստոսի Բ, և տարան գնա ի քաղաքն Ղալաթայ՝ ի հասարակաց գերեզմանն՝ և տեղին՝ որ կոչի Բէկօղլի, և Գ, տակ Աթոռ հաստատեցին ի վերայ, և առնէ սրանչելիս ի բժշկութիւնս. զոր մի ի քաղմացն պատմեցից, զոր տեսի աչօք իմովք: Քանզի յաւոր՝ յորում հանցոցեալ են գնա ի տապանի. Բ շարաթի պատահեալ, վասնորոյ յամենայն Բ շարաթի առնեն պատարագ քահանայքն Ղալաթոյ, և գնան ի գերեզմանն հայրապետին, զի ժողովորդք գան յովստ, և օրհնեն զգերեզմանն, և տան խաչհամբոյր»²²⁰:

«Յակոբ կաթողիկոսն... հասեալ ի Կոստանդնուպօլիս քաղաքն, և անդ փոխի առ Քրիստոս ի ՌՃԻԹ թոիկն: Որ և թաղեցաւ ի գերեզմանատանն Բէկ-օղլի կոչեցեալ»²²¹:

Ըստխաթունյան սրբազանը, խոսելով Հա-

* Զարմանակաժ «Էջմիածին» ամսագրի 1971 թվականի №26 Ա-ից և Գ-է-ից:

²²⁰ Զաքարեայ սարկավազի «Պատմագրութիւն», 6. Բ, Վաղարշապատ, 1870, էջ 90:

²²¹ «Զամբո», էջ 25:

կոր Դ Ջուդայեցու մահվան, թաղման և տապանագրության մասին, գրում է. «Հիւանդանայ և փոխի յանտեացս անդ ի Կոստանդնուպոլիս յերկրորդ ատուր ամսեանն օգոստոսի, ի հասակի ութսուն և երկու ամաց կացեալ ի հայրապետութեան ամս ԻԵ, և ամիսս չորս. գորոյ գմարմինն պատեալ ամփոփեն ի հասարակաց գերեզմանատան հայոց ի Դէյօղլու՝ արկանելով ի վերա զվեմ շիրիմ՝ որ ունի արձանագիր ըստ այսմ.

Հանգստարանս այս հրաշափառ եւ պատուելի, Վալելշաղի յօրինուածովք ի հանդիսի. Ունի աւանդ գմաքոր մարմին Բագմերշանկի,

Տեառն Յակովբայ հայոց ընտրեալ Հայրապետի.

Որ փոխանորդ Հօր մեր սրբոյ Լուսաւորչի, Կաթողիկոս օծեալ նորին օրհնեալ գահի: Եւ արդ տապանս բուծիչ ախտից՝ մարմնականի,

Յուսով ի սա դիմեցելոց հրաշք իր յայտնի.

Զկազմող սորին յիշել ի տէր զարմիր հացի:

ԶԶաքարիայն՝ որ Խալիֆայ հիւսնականի, Հազար հարիւր քսան եւ ինն հայոց թուի Երկրորդ ատուր ամսոյն Հռոմայ օգոստոսի²²²:

Դերենիկ եպիսկոպոս Փոլստյանը 1955 թվին Լոնդոնում վերահրատարակեց Օրմանյան սրբազանի «Հայոց եկեղեցին» աշխատությունը անգլերենով: Խոսելով Հակոբ Դ կաթողիկոսի դամբարանի մասին, նա 65-րդ էջում տալիս է հետևյալ ուշագրավ տողատակ ծանոթությունը. «1932 թվին, երբ թուրքերը գրավեցին Բերայի հայոց գերեզմանատունը, նրա նշխարները փոխադրվեցին Բերայի ս. Երրորդություն եկեղեցին, որտեղ նրա շիրիմը հարգանքի առարկա է հայերի, ինչպես նաև ոչ քրիստոնյաների համար»:

104. **Եղիազար Ա Այնթապցի (1682—1691).**—Եղիազար Ա Այնթապցին եղել է Արդընիի առաջնորդ 1647 թվին, ապա պատրիարք Երուսաղեմի՝ 1649 թվին: Մեծ գործ է կատարել Երուսաղեմի հայոց վանքը 1659 թվի հունական բռնագրավումից ազատելու հարցում: Հայրապետական գահին բազմելուց հետո Մայր Աթոռում կատարել է դրական և շինարար գործունեություն՝ իր անձնական ծախսով և ձեռներեցության շնորհիվ:

Երբ է վախճանվել Եղիազար Ա Այնթապցին և ո՞րտեղ է թաղվել նա: Մինչև 1961

²²² Ծախաթունյանց, «Ստորագրութիւն», հ. Ա, էջ 221—222:

թվականը ս. Գալանեի վանքի գավթի հյուսիսային մասի Հակոբ Ե Ծամախեցու (1759—1763) և Ղազար Ա Զահկեցի (1737—1751) հանգուցյալ հայրապետների շիրիմների միջև կար սի անհայտ գերեզման: Այդ առանց տապանագրության շիրիմը պատկանում է Եղիազար Ա Այնթապցուն²²³: Սեր այն ժամանակվա գրածը համառոտելով ասենք, թե Եղիազար Ա Այնթապցի կաթողիկոսը, ըստ իր ժամանակակից Զաքարիա սարկավագի վկայության, թաղված է «ի նոյն տեղին, հիւսիսոյ կողմն շինեաց գերեզմանն իր»²²⁴:

Այդ մասին վկայում է նաև Ծախաթունյանցը. «Ի միջոցի երկուց այսոցիկ կաթողիկոսաց (Հակոբ Ծամախեցու և Ղազար Զահկեցու—Վ. Ե. Տ.) ամփոփեալ է մարմին Եղիազարու կաթողիկոսի Հռոմկալեցոյ ի ՌՇԼԹ թուականի հայոց՝ յամի տեառն 1690, յ8-րդ օգոստոսի»²²⁵:

Միմեռն Երևանցի կաթողիկոսը ևս վկայում է, որ Եղիազար Այնթապցին «այսպէս խորիստ կենօք մնացեալ՝ փոխի ի Քրիստոս ի ՌՇԼԹ թուոջն մերում, և դնի ի յաջ կողմն գալթի սուրբ Գայիանէին՝ զոր ինքն էր շինեալ»²²⁶:

Հ. Ղ. Ալիշանը ևս ընդունում է Եղիազար կաթողիկոսի ս. Գալանեի հյուսիսակողմում թաղված լինելը. «Քանզի շատք ի յետին կաթողիկոսաց թաղեալ են ի գալթի անդ եկեղեցոյն, ուր շինողն Եղիազար պատրաստեալ էր գերեզմանն իր ի հիւսիսոյ կողմանէ, այլ տապանաքար նորին քարծեալ է, իսկ յայտնիքն արձանագրօք են»²²⁷:

Օրմանյան սրբազանը ևս Եղիազար կաթողիկոսի գերեզմանի տեղը դնում է ս. Գալանեի վանքի հյուսիսային կողմը. «Եղիազար թաղված է ս. Գալանեի վանքի յուրաշեն գավթին աջակողմը»²²⁸:

Այդ ձևով ընդունում են նաև Հուսիկ վարդապետ Մովսեսյանը²²⁹, ինչպես նաև Հ. Ս. Եփրիկյանը²³⁰ և այլ բանասերներ:

²²³ Վահան վարդապետ Տերյան, «Պատմական համոտ աղնարկ...», «Էջմիածին» ամսագիր, 1961, № 9, էջ 40—41:

²²⁴ Զաքարիա սարկավագ, էջ 106:

²²⁵ Ծախաթունյանց, հ. Ա, էջ 278:

²²⁶ «Զամբո», էջ 26:

²²⁷ Հ. Ղ. Ալիշան, «Այրարատ», Վենետիկ, 1890, էջ 243:

²²⁸ Մաղաքիա արքեպ. Օրմանյան, «Ազգապատմ», հ. Բ, էջ 2280:

²²⁹ Հուսիկ վրդ. Մովսեսյան, «Հայաստանեայց առաքելական ս. եկեղեցւոյ պատմութիւն», 1884, էջ 278:

²³⁰ Հ. Ս. Եփրիկյան, «Պատկերազարդ բնաշխարհիկ քառարան», էջ 427:

Այս բոլորից հետո Նորին Ա. Օծուրյան Տ. Տ. Վազգեն Ա Հայրապետը հավերժացնելու հասար հիշատակը իր երջանկահիշատակ նախորդների, ի շարս այլ կաթողիկոսների շիրիսների, որոնք շունչին տապանաբար, 1961 թվին մարմարյա քարով և հետևյալ արձանագրությամբ սրտովեց Եղիաշար Այնթապցու հիշատակը.

**Կաթողիկոս Ամենայն Հայոց
Տ. Տ. Եղիազար Ա Այնթապցի
(1682—1691):**

105. Նահապետ Ա. Եղեազի (1691—1705).—Միաբան ա. Երուսաղեմի²⁰¹: Եղել է Եղիազարի ձեռնաստի աշակերտը և գործակիցը: Բարեկարգում է ա. Էջմիածնի տնտեսությունը, կալվածներ գնում և Մայր Աթոռում ծավալում է շինարարական գործունեություն, ինչպես վկայում է Սիմեոն Երեմիանցին²⁰²: Եղեազիս է կառուցել ա. Շոդակաթի եկեղեցին և թաղվել է տաճարի աջակողմյան գավթում:

1953 թվականին Ահմադատ Հայրապետի կողմից ա. Շոդակաթ վանքում կառարվեցին վերանորոգչական-շինարարական աշխատանքներ և այդ առիթով վանքի գավթում երևան եկան երկու գերեզմաններ: Մեկը՝ Նահապետ Ա. Եղեազի և երկրորդը՝ Արթուր Գ. Կրեազի կաթողիկոսների²⁰³:

Սիմեոն Երեմիանցին Նահապետ Ա. Եղեազու գերեզմանատեղի մասին գրում է. «Վախճանի Նահապետն և թաղի յաջակողմն գաթին սուրբ Շոդակաթի»²⁰⁴: Նույնն են հաստատում նաև Շահխաթունյանցը²⁰⁵, Հ. Ղ. Ալիշանը²⁰⁶, ինչպես նաև Օրմանյանը²⁰⁷:

Նահապետ կաթողիկոսի շիրիսը ժամանակին ունեցել է հետևյալ տապանագրությունը.

**Այս է տապան դամբարանի
Տեառն Հայոց Հայրապետի,
Սա Նահապետ անուամբ կոչի,**

**Որ է տեղեալ ուրհապար:
Ի թուին ՌՃԴ (յամի 1705)»**

Նահապետ կաթողիկոսի վերոհիշյալ գերեզմանաքարը անհայտացել էր: Վահագնատ Հայրապետի կարգադրությամբ դրվեց նոր տարմարյա տապանաքար, հետևյալ գրով.

**Կաթողիկոս Ամենայն Հայոց
Տ. Տ. Նահապետ Ա. Եղեազի
(1691—1705):**

106. Աղեքսանդր Ա. Զոդայեցի (1706—1714).—Եղել է տեղական «Աստուածաշունչ գրոց, հանձարեղ և շինարար»²⁰⁸: Առաջնորդ Նոր Զոդայի: Ինչպես վկայում է Երեմիանցին²⁰⁹, սա էլ իր նախորդների պես կատարել է շինարարական աշխատանքներ. «Կաթողիկոսությունն ստրա եղև կարի օգտակար, ոչ միայն սակա Ազգին, այլ և վասն սրբոյ Էջմիածնի»²¹⁰:

Վախճանվում է 1714 թվի նոյեմբերի 22-ին «եւ թաղի ի սուրբ աթոռ, ի ներքոյ մեծի զանգակատանն, յաջակողմն դրան սրբոյ տաճարիս»²¹¹, որի գերեզմանի վրայի տապանագրությունը հետևյալն է (մարմարից, հյուսիսակողմն). «Հազար հարիր ԿԳ թուին վախճանեցաւ տէր Աղեքսանդր կաթողիկոս Ամենայն Հայոց եւ եղաւ յաջամ դամբարանի, միով Տէր ողորմեալս յիշել գնեզ աղաչէ ով հանդիպօղբ բարի»: Հիշատակածս շիրիսը և տապանագրությունը իր տեղում մնում են անաղարտ:

107. Աստվածատուր Ա. Համատանցի (1715—1725).—Նախապես միաբան Նոր Զոդայի ա. Ամենափրկչյան վանքի: Սրա մասին վկայություններ կան, որ հեղաքարո, շնորհաշատ և գեղեցկատես մի ջերմեռանդն անճնաժողովություն էր: Կատարել է շինարարական աշխատանքներ:

Թաղվել է ա. Հոփիսիմի վանքում, «Եւ սպա ի ՌՃԴ թուոց մերում փոխի առ տէր, և թաղի ի գաթին սրբոյն Հոփիսիմի» ի յաջ կողմն կոյս»²¹²:

1961 թվին «Էջմիածին» ամսագրում²¹³ մենք անդրադարձանք Աստվածատուր Ա. Համատանցի կաթողիկոսի գերեզմանատե-

²⁰¹ Մկրտիչ Կախկոպու Աղաւնուն, «Միաբանք և այգետք հոյ Երուսաղեմի», Երուսաղեմ, 1929, էջ 391:

²⁰² Սիմեոն կաթ. Երեմիանցի, «Զամբո», էջ 26:

²⁰³ «Էջմիածին» ամսագիր, 1961, № Դ, էջ 35:

²⁰⁴ «Զամբո», էջ 27:

²⁰⁵ Շահխաթունյանց, Բ. Ա. էջ 283—284:

²⁰⁶ Հ. Ղ. Ալիշան, «Այրարատ», էջ 236:

²⁰⁷ Մաղաքիս արքեպ. Օրմանյան, «Արգասարտուն», Բ. Բ. էջ 2603 և 2731:

²⁰⁸ Շահխաթունյանց, Բ. Ա. էջ 285: Ալիշան, «Այրարատ», էջ 236:

²⁰⁹ «Զամբո», էջ 27:

²¹⁰ «Զամբո», էջ 27:

²¹¹ Յարութիմ Թ. Տէր-Յովհաննէսեանց, «Պատմութիւն Նոր Զոդայու», Նոր Զոդա, 1881, Բ. Բ. էջ 35:

²¹² «Զամբո», էջ 27:

²¹³ «Զամբո», էջ 28:

²¹⁴ «Էջմիածին» ամսագիր, 1961, № Բ, էջ 36—37:

դի մասին: Նա թաղված է ս. Հռիփսիմեի վանքի գավթի աշակողմում (հյուսիսային), որի տապանաքարը և տապանագրությունը ոչ Շահխաթունյանցի և ոչ էլ հետագա հետազոտողների մոտ արձանագրված չեն: 1959 թվի շինարարական աշխատանքներից հետո վազգեն Ա. Հայրապետի կողմից դրվեց սպիտակ մարմարից տապանաքար հետևյալ արձանագրությամբ.

**Կաթողիկոս Ամենայն Հայոց
Տ. Տ. Սարգիսյանի Ա. Համատանցի
(1715—1725)**

108. Կարապետ Ա. Ուլենցի (1726—1729).—Կարապետ կաթողիկոսն էլ իր հիշատակը թողել է Մայր տաճարում. «Սա ետ նկարել գլխավոր երկուստան Առաքելոցն ի ճակատ Ասագ խորանին և ետ ծաղկել ոսկեգոծ և գեղեցիկ գունօք»²⁴⁵:

Նա վախճանվել է ս. Էջմիածնում և թաղվել ս. Հռիփսիմեի վանքի գավթի հարավային մասում. «Ապա ի ՌԾՀԸ թուին փոխի Կարապետ կաթողիկոսն առ տեր, և դնի ի գալիս արքայն Հռիփսիմեայ ի ձախակողմն կոյս»²⁴⁶: Վեհափառ Հայրապետի կարգադրությամբ 1964 թվին Կարապետ Բ Ուլենցու գերեզմանի վրա դրվեց շիրմաքար՝ սպիտակ մարմարից, հետևյալ տապանագրությամբ.

**Կաթողիկոս Ամենայն Հայոց
Տ. Տ. Կարապետ Բ
(1726—1729)**

109. Աբրահամ Բ Խոշաբեցի (1730—1734).—Աբրահամ Բ Խոշաբեցին կամ Մշեցին աշակերտն ու եղբորորդին էր Երուսաղեմի Գրիգոր Շոթապակիի պատրիարքի: Ս. Էջմիածնում կառուցում է երկու խորան, փռատուն: Ըստ Սիմեոն Երևանցու վկայության եղել է առաքինի և ճգնագգյաց, հեզ, աղոթասեր և տոնակատար²⁴⁷:

Աբրահամ Բ կաթողիկոսի շիրիմը գտնվում է ս. Գայանեի վանքի հարավային կողմում²⁴⁸: «Ապա ի ՌԾԳԹ թուին վախճանի, և դնի ի գալիս արքայն Գայանեայ ի ձախակողմն կոյս»²⁴⁹: Շահխաթունյան արքայանը վկայում է նույնը²⁵⁰:

Որ իրոք Աբրահամ Բ Մշեցին թաղվել է վերոգրյալ տեղում, վկայում են նաև Ալի-

շանը²⁵¹, Էփրիկյանը²⁵² և Օրմանյանը²⁵³: Այժմ Աբրահամ Մշեցու շիրիմը ունի սպիտակ մարմարեղենով տապանաքար հետևյալ տապանագրությամբ.

**Կաթողիկոս Ամենայն Հայոց
Տ. Տ. Աբրահամ Բ Խոշաբեցի
(1730—1734)**

110. Աբրահամ Գ Կրետացի (1734—1737).—Սիմեոն Երևանցին սրա մասին գովեստով է խոսում: Աբրահամ Գ Կրետացին թողել է մի գրական կոթող՝ «Պատմություն անձիցն իրոց և Նադիր շահին պարսից» (Հրատ. Վաղարշապատ 1870 թվին): Այս աշխատությունը կարևոր աղբյուր է կովկասագիտության և մասնավորապես Նադիր շահի գործունեության վերաբերյալ²⁵⁴:

«Ապա ի ՌԾԶԵ թուին հանգեալ ի տեր և սուգ մեծ էած ի վերայ բոլոր երկրիս արեւելեան, և թաղեցալ ի Շողակաթի, ի Զախակողմն գալթին»²⁵⁵:

«Կացեալ ի հայրապետութեանն ամս Բ և ամիսս Ե 1737 վախճանեցալ ի 18 ապրիլի, որոյ գմարմինն ամփոփեցին ի գալիս տաճարին Շողակաթ անուանելոյ ի ձախակողմն նորա»²⁵⁶:

Վեհափառ Հայրապետը նրա համար էլ շիրմաքար շինել տվեց սպիտակ մարմարից հետևյալ տապանագրությամբ.

**Կաթողիկոս Ամենայն Հայոց
Տ. Տ. Աբրահամ Գ Կրետացի
(1734—1737)**

111. Ղազար Ա Զահեցի (1737—1751).—Համարվում է հմուտ աստվածաբան:

Սիմեոն կաթողիկոս Երևանցին Զահեցուն բնորոշում է որպես գիտնական և արտարալեզու, հանճարեղ և փառապերճ և շինարար. «...Ի ՌՄ թոռն լվախճանի և դնի ի սուրբ Գայիանեի ի յաջակողմն գալթին»²⁵⁷:

Դամբանաքարին կա հետևյալ տապանագրությունը.

²⁵¹ Ալիշան, «Այրարատ», էջ 243:

²⁵² Էփրիկյան, «Պատկերազարդ բնաշխարհիկ բանասիրան», էջ 428:

²⁵³ «Ազգապատում», Բ. Բ, էջ 2882:

²⁵⁴ М. Р. Арунцова, К. З. Ашрафян. «Государство Надиршаха Афшара», Москва, 1958 г., стр. 21:

²⁵⁵ «Զամբռ», էջ 31:

²⁵⁶ Շահխաթունյանց, Բ. Ա, էջ 227:

²⁵⁷ «Զամբռ», էջ 31:

²⁴⁵ «Զամբռ», էջ 28:

²⁴⁶ «Զամբռ», էջ 29:

²⁴⁷ «Զամբռ», էջ 30:

²⁴⁸ «Էջմիածին» ամսագիր, 1961, № Գ, էջ 42:

²⁴⁹ «Զամբռ», էջ 30:

²⁵⁰ Շահխաթունյանց, Բ. Ա, էջ 279:

2քնաղ տապանս է հրաշալի,
Առն մեծի գիտնականի.
Տեառն Ղազարու Հայրապետի.
Հանութեց հայոց պատրիարքի.
Որ ի մարմնի բաղցրաւարի.
Բարոյք մահուամբ վերափոխի.
Դիմեալ առ Տէր ի նա հանգչի,
Երոմ բաղձան հոգիք բարի.
Ի մին հազար երկ հարիւրի.
Մերս Հայկազնեան թուականի.
Ի ծաղկազարդ յօր վերջ մարտի,
Աստ ամփոփեալ վերապատուի:

Շիրինը և տապանագրությունը ցայսօր անադարտ պահպանվում են նույն տեղում:

112. Մինաս Ա Ակնեցի (1751—1753).— Ընտրվում է 1751 թվի սեպտեմբերի 15-ին և վախճանվում 1753 թվի մայիսի 12-ին: «Եւ կեցեալ լամս երկուս մեռանի ի թուոջն ՌՄԲ, և թաղի ի վանքն սուրբ Գայիանեայ ի ձախակողմն գալթին»²⁹⁸: «Զորոյ գմարմին ամփոփեն ի գալթի տաճարին սրբոհոյն Գայիանեայ ի ձախակողմնս նորա»²⁹⁹: Ակնեցու շիրինն էլ զարդարվեց սպիտակ մարմարիոնից գերեզմանաքարով և հետևյալ տապանագրությամբ.

Կաթողիկոս Ամենայն Հայոց
Տ. Տ. Մինաս Ա Ակնեցի
(1751—1753)

113. Աղեքսանդր Բ Բյուզանդացի (1753—1755).— «Եւ ունի գրաբերարութիւնս բազումս ի սուրբ աթոռս ի մանկութենէ... որ և կեցեալ ամս Բ, մեռանի ի թուին ՌՄԴ. և թաղի ի ներքոյ զանգակատան մեծի, ի ձախակողմն դրան մեծի տաճարիս»³⁰⁰: Կարճատև կաթողիկոսությունից հետո վախճանվում է և թաղվում ս. Էջմիածնի զանգակատան տակ իր անվանակից Աղեքսանդր Ա Զուղայեցուն հանդիպակաց (հարավային կողմում), հետևյալ տապանագրությամբ.

Քրիստոս Որդի Հօր Միածին,
Դատող բնութեանս մարդկային.
Յորժամ փառօք գալցես կրկին,
Յիշեա ողորմութեամբ քոյին.
Զհայրապետն մեր գնոգելին,
ԶՏէր Աղեքսանդր Բիւզանդացին,
Արժանացո՛ւ սրբոց զբնդին,
Յարքայութիւնդ մո՛յժ երկնային,
Որ արդ հանգեալ քստ քուն բանին,
Աստէն եղաւ մարմինն նորին,
Հազար եւ երկերիւր յամին,

Զորքորդ ես քնդ սքմա բարդին,
Նոյեմբերի մետասանին:

Օրմանյան սրբազանը երկու համանուն կաթողիկոսների գերեզմանների մասին որպէս ակամատես գրում է հետևյալը. «Անցողակի հիշեմ, թե 1888 մայիսին, երբոր Էջմիածնի ներքին բակին հաստակը ցածցնելու պնդումներ կատարվեին, Աղեքսանդրներու գերեզմաններն ալ ավելի խորը իջեցնելու պետք տեսնվեցաւ, և Մակար կաթողիկոսի հրամանով, և Ներսես Խորդավերդյան ու Մամբրե Սանասարյան եպիսկոպոսներու հետ՝ ես ալ անմասն աշխատեցաւ անոնց ուկորներուն օրինալոր գետնումս և շիրիններուն կանոնաւորապէս փակվելուն»³⁰¹: Հիշատակված գերեզմանը և տապանագրությունը ցայսօր մնում են անադարտ նույն տեղում:

114. Հակոբ Ե Ծամախեցի (1759—1763).— «Ընելոյք և հանճարեղ յամենայն գործքս, և գիտուն և շնորհաշատ: Ի մանկութենէ ի սուրբ Աթոռս գլոյմ՝ ո՛չ է կեցեալ անգործ, զի ասէր դաս միաբանից զի՛նչ և խնդրէին»:

«Այսպէս բարոյք կատարմամբ, ի Տէր փոխի ի ՌՄԺԲ թրոջն, և դնի ի յաջակողմն գալթի սրբոյն Գայիանեայ»³⁰²:

«Կացեալ ի հայրապետութեան ամս Գ և ամիսս եօթն, վախճանեցաւ 1763-ի 21-րդ ամսը մարտի յիններորդ ժամու գիշերին ուրբաթու մեծի գատկին, և ի յաջորդ ամսին թաղեցին գնդումս մարմինն ի գալթի եկեղեցոյ սրբոհոյն Գայիանեայ, ի յաջակողմանն»³⁰³:

Ծամախեցու գերեզմանաքարը իր դրված օրից ցայժմ մնում է անադարտ հետևյալ տապանագրությամբ.

Քրիստոս Որդի Հօր Միածին,
Դատող ազգի մեր մարդկային,
Յորժամ գալցես փառօք կրկին,
Առ ի դատել զամենեւին.
Ողորմութեամբ յալնժամ քոյին,
Եւ զթութեամբդ աստուածային.
Յիշեա՛ գնոգի քո ծառային,
Որ է սրբոյ արեանդ քո գին.
Տեառն Յակովբայ Հայրապետին,
Ծամախեցի՛ գոր կոչեին.
Յարքայութիւնդ մո՛յժ երկնային,
Դասեա՛ քնդ սուրբս ամենեւին:
Ետեւ թուականս ՌՄԺԲ, եւ
Յամսեանն մարտի 21:
(Ծարրունակելի)

²⁹⁸ «Զամբո», էջ 32:
²⁹⁹ «Զամբո», էջ 32:
³⁰⁰ «Զամբո», էջ 32:
³⁰¹ «Զամբո», էջ 32:
³⁰² «Զամբո», էջ 32:
³⁰³ «Զամբո», էջ 32:

²⁹⁸ «Զամբո», էջ 32:


²⁹⁹ «Զամբո», էջ 32:

³⁰⁰ «Զամբո», էջ 32:

³⁰¹ «Զամբո», էջ 32:

³⁰² «Զամբո», էջ 32:

³⁰³ «Զամբո», էջ 32:



ԳՐԻԳՈՐ ԱՐՇԱԿԻ ՀԱԿՈՅԱՆ

(Բանասիրական գիտությունների դոկտոր)

ՀԱՅԿԱԿԱՆ ԾԱՐԱԿԱՆՆԵՐԻ ԱՂԲՅՈՒՐՆԵՐԸ

Բոլոր քրիստոնյա ազգերի հոգևոր երգերի հիմնական, հարուստ ու հին աղբյուրը համարվում է Հին Կտակարանը, առանձնապես Սաղմոսն ու մարգարեական օրհնությունները: Սկզբնական շրջաններում, երբ դեռ քրիստոնեությունը արևելքում ճոր էր տարածվում և հիմնավորվում, տակավին չկային ազգային ինքնուրույն հոգևոր երգեր և ժամասացության մեջ տիրապետող սաղմոսերգությունն ու մարգարեական օրհներգություններն էին: Սակայն, աստիճանաբար, ամեն մի ժողովուրդ այս կամ այն չափով ունեցավ մեկ իր ազգային հոգևոր երգը, ազգային երանգով, հետևաբար և ազգային աղբյուրներով: Հայ եկեղեցում գործածվող հոգևոր երգերը ունեցել են մի քանի հիմնական աղբյուր: Դրանցից գլխավորներն են՝ Հին Կտակարանը, Նոր Կտակարանը (գլխավորապես 4 ավետարանները), ազգային մատենագրությունն ու պատմությունը, եկեղեցական զանազան գրքերը և այլն: Իրենց ոգին, թեմաներն ու նյութը Հին Կտակարանից են վերցրել մեր շարականների մի քանի տեսակները, որոնց անուններն էլ գալիս են ս. Գրքից, որոնք դարձել են այդ կարգի շարականների բնաբան, կամ վերնագիր: Վերջիններս հիմա թեև միայն ձևական բնույթ են կրում, բայց միաժամանակ ցույց են տալիս, որ հոգևոր եր-

գը երգվել է բացառապես ս. Գրքի բառերով: Վերցնենք «Օրհնություն» կոչված շարականների տեսակը: Ութ կանոն շարականների մեջ, ըստ օրվա ձայնի և տոնի, գլխավոր դերը խաղում է այս օրհնությունը: Սա մնացած յոթ տեսակին գաղափար և ուղղություն ցույց տվող շարականն է, որին իրենց ձայնով և ոգով հետևում են մնացածները: Թեև այս առաջատար, որոշող շարականը կոչվում է «Օրհնություն», բայց հավոր պատշաճի իմաստ ունի. օրինակ՝ «Օրհնություն» են կոչվում Ծննդյան «Խորհուրդ մեծ և սբանչելին», Վարդանանց, «Նորահրաշ պսակաւորը», Զատիկի «Այսօր յարեաւ ի մենելոցը», Համբարձման տոնի «Համբարձաւ Տէրն մեր յերկինս» և այլ բազմաթիվ շարականներ: Ամեն մի «Օրհնություն» ունի իր ուրույն բովանդակությունը: Այս շարականը «Օրհնություն» է կոչվում, որովհետև այդ անունը, կամ բնաբանը վերցված է Հին Կտակարանի մարգարեական օրհնություններից, որոնք սկսվում են Մովսես մարգարեի «Օրհնեսցուք զտէր, զի փառօք է փառաւորեալ» խոսքով. դրա համար էլ սրանք առաջին բառի անունով կոչվում են «Օրհնություն»:

Հարցերի բնաբանը վերցված է Բաբելոնի երեք Մանկանց օրհնության «Օրհնեալ ես, Տէր Աստուած, հարցն մերոց» խոսքից, որը

հերկնիցը, «Անճառելի Բանդ Աստուած» Մանկունքը, «Պայծառացան ալսօր» Մաշուն, «Երգենք ձեզ երգ» Համբարձին և այլն:

Հովհաննես Երզնկացին էլ շատ բան վերցրեց Ագաթանգեղոսի գրքից և մեծ ու փոքր մի բանի շարականներ հորինեց ու նվիրեց Գրիգոր Լուսավորչի տոներին: Ներսես Լամբրոնացին օգտագործեց Ագաթանգեղոսի անսպառ աղբյուրը, հյուսեց մի քանի շարականներ և նույնպես նվիրեց Լուսավորչին և նրա տոհմին:

Հին և Նոր Կտակարանները և ազգային պատմությունը, մեր շարականների հիմնական աղբյուրներն են:

Այս որքան շատ են այն շարականները, որոնց համար աղբյուր են հանդիսացել եկեղեցական նշանավոր հայրերի գրքերը, եկեղեցական գրականությունը, մասնավոր զորավածքներ, ազգային ավանդություններ, ուխտավարեր, սուրբ մասունքներ, հավատի ու հայրենիքի համար նահատակված մարդկանց հերոսապատումներ, բնության երևույթներ և այլն և այլն:

Հայ ազգային-եկեղեցական պատմությունն էլ նյութ է ընձեռել շարականագիրներին: Ոսկյանց քահանայից «Որք արժանաւորեցայք» և Սուրբապանց «Ստուգութեամբ տեղեկացեալ» շարականները, Սահակ Պարթևիկն նվիրված «Որ յարմատոց» Հարցը, Ներսես Մեծի «Որ զլոյս անճառ շնորհաց» Օրհնությունը, Սանդուխտ կույսին նվիրված «Քն պարծի» Մանկունքը, «Գէորգայ զօրավարի» «Ով սուրբ Գէորգ» Մանկունքը, Տրդատ թագավորին նվիրված «Որ գերագոյն» Մանկունքը հայ շարականագիրները նույնպես քաղել են հայոց աղբյուրներից:

Բազմաթիվ շարականների աղբյուր է հանդիսացել նաև «Յալամատուրքը»: Այդպիսիներից են՝ Անտոն անապատականին վերաբերող «Որ գերազանցեալ գտար» Օրհնությունը, Ատովմյանց «Աղաչենք զքեզ, Տէր» Մանկունքը, Բարսեղ Կեսարացուն նվիրված «Լուսապայծառ իմաստիք» Մանկունքը, Գրիգոր Աստվածաբանին նվիրված «Որ յուսով աստուածային» Օրհնությունը, Դավիթ Դվնեցու «Լցեալ աստուածային շնորհիւ» շարականը, Եփրեմ Ասորուն նվիրված «Որ համանման» Օրհնությունը և այլն:

Եկեղեցական պատմությունն ու վարքագրությունը նույնպես եղել են բազմաթիվ շարականների աղբյուր. օրինակ «Երկոտասան առաքելոց»՝ «Երանելի սուրբ առաքելայք» Օրհնությունը, «Եօթանասուն երկու աշակերտաց»՝ «Իմաստութիւն երկնային» Օրհնությունը, «Երկուց քիւրուց» տոհին հատկացված «Այսօր ընդ անմարմնցն»

Մանկունքը, Թեոդոսի թագավորի «Որ գերկնաւոր թագաւորութիւնը» Օրհնությունը, Թեոդորոսի զորավարի «Որ ընտրեցար ի սկզբանէ» Մանկունքը, Իգնատիոս Հայրապետի «Որ հրաշիւրեցեր զյառաջագոյն» Մանկունքը և շատ ուրիշ շարականներ: Շարականներ ու երգեր էլ կան, որոնց համար աղբյուր են հանդիսացել հայ հեթանոսական կրոնը, նրա լուսերգությունն ու բնապաշտությունը:

Շատ-շատ են մարտիրոսաց, նահատակաց կանոններում և այնպիսի շարականներ, որոնց նյութն ու թեմաները շարականագիրները վերցրել են վկայաբանական, վարքագրական, ժաշոց, Գործք Առաքելոց և այս կարգի գրքերից: Քիչ չեն և այն շարականները, որոնց համար աղբյուր են հանդիսացել «Քարոզգրքերը», «Մաշտոցը», «Հայոց հին վկաները» գրքերը և այլն:

Ազգային աղբյուրների հետ սերտ կապվում են նաև այն մեծ շարականները, որոնք գրված են հայոց այբուբենի կարգով, կամ անվանակապով: Թվում է, թե սրանք միայն ձևական, տեխնիկական երևույթներ են, բայց իսկապես, դա էլ ազգային երանգ է, անհատական, ազգային ստեղծագործություն: Բերենք մի երկու օրինակ: Անվիճե՛, է Դավթի սաղմոսների ազդեցությունը ս. Մեսրոպ Մաշտոցի ապաշխարական բնության շարականների վրա: Սակայն Մեսրոպ Մաշտոցը հիանալիորեն վերամշակել, վերստե՛ծագործել է սաղմոսների բովանդակությունն ու ոգին և ստացվել է նոր, ինքնուրույն ստեղծագործություն. օրինակ. սաղմոսի ԶԸ (88) գլխի հատվածներից մեկում կարդում ենք հետևյալ տողերը.

Ի գիշերաց կանխէ հոգի իմ,

Առաւօտ առնել առ քեզ Աստուած...

Տէր Աստուած մեր, տուր մեզ զխաղաղութիւն քո,

Զի ըստ ամենայն գործոց մերոց հատուցաւ մեզ:

Տէր Աստուած մեր, ստացիր զմեզ, զի բաց ի քէն

Զայլ ոչոք գիտենք և զանուն քո անուանենք զօրհանապագ...

Ապա վերցնենք Մ. Մաշտոցի շարականներից հետևյալը և համեմատենք՝

Ընդ առաւօտս կանխեցից յանդիման լինել քեզ

Թագաւոր իմ և Աստուած իմ:

Ընդ առաւօտս յոիցես ձայնի իմում, Տէր,

Թագաւոր իմ և Աստուած իմ:

Ես գճեզ աղաչեմ Տէր, նայես յաղօթս իմ,

Թագաւոր իմ և Աստուած իմ:

(Ծարակ., էջ 208)

Ս. Մեարույ Մաշտոցը այս շարականի նյութը վերցրել է վերոհիշյալ սաղմոսից, բայց այնքան լավ է մշակել և նորը հորինել, որ մարդ զմիարանում է ասել, թե որն է աղբյուրը:

Ներսես Շնորհալու՝ Վարդանանց նվիրված բոլոր շարականների աղբյուրը եղիշեն է՝ սակայն դրանք բացարձակ ինքնուրույն ստեղծագործություններ են՝ իրենց աղբյուրով հանդերձ:

Տիեզերական առաջին երեք ժողովների (Նիկիայի, Կոստանդնուպոլսի, Եփեսոսի) դավանաբանական նյութերն էլ աղբյուր են հանդիսացել մեր դավանաբանական բնույթի շարականների համար: Հայրապետաց կանոնի գրեթե բոլոր շարականների մեջ այդ հարցերը գտել են իրենց արձագանքները: Այս թեման առանձնապես ուժեղ է Հայրապետաց կանոնի հետևյալ Մանկունքի մեջ.

Ով հրաշլի նախահարք միշտ յաղթօղբ
ի մարտի.

Որք գումարեցայք ի Նիկիայ գումար,
Դասք երջանիկ դիտողացդ եղաբանից,
Որք մաքրեցիք զորումն ապականիչ,
Սահմանեցիք տառս կանոնականս հա-
մանգամայն ազանց.
(Ծարակ., էջ 719)

Այս ընդհանուր խոսքերից հետո շարականի հեղինակը՝ Ներսես Շնորհալին, մեկ-մեկ թվում է աղանդապետների անունները և նույնիսկ խոսք ասում.

...Եւ յուսագարդ բանիք հերքեալ գներձ-
ուածս:

Նգովեցին զԱրիոս և զաղանդն իւր պիղծ:

...Արմատ անիծից կրկին բնծողեալ Մա-
կեդոն հայհոյիչ,

Դասլ ապականիչ յարձակեալ խողխո-
ղէր... գառանց...
(Ծար., էջ 719—720)

Ծարականների աղբյուր են հանդիսացել նաև նշանավոր եկեղեցական հայրերի գիտական գրքերը: Բարսեղ Կեսարացու «Վեցօրեայքը» աղբյուր է հանդիսացել հայկական շատ շարականների համար: Այս տեսակետից աչքի է ընկնում դարձյալ Ներսես Շնորհալու («Երգ ի խորհուրդ արարչութեանն») Արարչական մեծ շարականը՝ նվիրված վեցօրյա արարչության: Այնպես, ինչպես Կեսարացին իր նյութը քաղել է Հին Կտակարանից, սրանչեւի մշակել՝ տալով իր

գործին նաև բնագիտական և տիեզերագիտական բնույթ, այդ ձևով էլ Շնորհալին է մշակել իր նյութը, դարձրել մի սրանչեւի շարածո քերթված, ուր վարպետորեն համաձայնեցրել ու շաղկապել է իրար Հին ու Նոր Կտակարաններում եղած կրոնական-աստվածաբանական գաղափարները:

Կան շարականագիրներ, որոնք ավետաբանական աղբյուրից վերցնում են միայն մի պատկեր կամ նույնիսկ մի նախադասություն: Այս կարգի շարականները քաղական շատ են Քրիստոսի խաչելության, Թաղման, Համբարձման և Հոգեգալստյան կանոններում: Այդ մեկ պատկերը, նախադասությունը, անգամ մի քանի հեղինակը խորացնում, մշակում և այնտեղ ներդնում է ոչ միայն տվյալ դեպքի հոգևոր իմաստ, այլև միաժամանակ արտահայտում է իր անձնական, ներքին ապրումները:

Ըստ ոմանց մեր հին հեթանոսական հավատը և յուսակալությունն էլ աղբյուր են եղել մանավանդ «Արևագալի» շարականների համար: Դա դեռևս հիմնապես սուպրացված չէ: Ներսես Շնորհալու «Արևագալի» երգերի մեջ Քրիստոսը պատկերվում է որպես ստեղծագործող, արարչագործ յույս.

Լոյս, արարիչ յուսոյ, առաջին յույս,
Բնակեալդ ի յոյս անմատոյց...

Ի ծագել յուսոյ առաւօտոսս,
Ծագեալ ի հոգիս մեր, զյոյս քո իմանալի.
Լոյս ի յուսոյ ծագումն արեգակն արդար...
Լոյս ի հօրէ քլխումն՝ աղբիւր քարոյ-
թեան...

Լոյս երրեակ և մի անբաժանելի սուրբ
Երրորդութիւն...²

Ներսես Շնորհալին ընդհանրապես և շատ հաճախ երգել է յույսը, առավուրդը, ինչպես. «Առաւօտ յուսոյ» սրանչեւի երգը, «Զարթիք, փառք իմ» երգը: Այս երգը գրված է ոչ միայն ժողովրդական ոճով ու քանով, այլև միաժամանակ լուսերգություն է.

Զարթիք ընդ գուարթոմնս,
Մանկունք վերինն սիօնի, ալէլուիա:

Զարթիք որդիք յուսոյ
Ի յօրհնութիւն Հօրն յուսոյ, ալէլուիա³:

Թարգմանություններն ու պարականոններն էլ եղել են մեր շարականների աղբյուր: Հաղթատի գիտնական Վարդան վարդապետի խորհրդով Ներսես Շնորհալին ասորական ձեռագրերի մեջ գտավ ու Սարգսի վկայաբանությունը, թարգմանեց հուերեն և այդ

² Շնորհալին իր «Նորանբաշ պատկաւորի» մեջ ունի նույնիսկ թվական տվյալներ, որոնք վերցրել է եղիշեի գրքից:

³ «Ժամագիրք Աստեմի», ի ս. Էջմիածին, 1862, էջ 76:

⁴ «Ժամագիրք Աստեմի», էջ 5:

թարգմանվածի ատաղձի վրա երգահյուսեց
ս. Սարգսին նվիրված «Ամենասուրբ երրոր-
դութեան» գեղեցիկ շարականը:

Ս. Բարսեղ Կեսարացուն նվիրված է «Լու-
սապաշտո իմաստիք», Իգնատիոս Հայրա-
պետին՝ «Որ հրաիրեցեր զյառաջագոյն»,
Կյուրեղ Երուսաղեմացուն՝ «Մանկունք նոր»,
Գրիգոր Աստվածաբանին՝ «Որ լուսով Աս-
տուածային», Եփրեմ Ասորուն՝ «Որ համա-
նուն» շարականները և այլն: Ժողովուրդն
իր ավանդությունները, գրույցներն ու
պատկերացումներն ունի ահեղ դատաստա-
նի, դժոխքի ու դրախտի մասին: Այդ պատ-
կերացումները նույնպես աղբյուր են հան-
դիսացել շարականագիրների համար, որ-
տեղ ահեղ կերպով ներկայացվել է դժոխքը,
սարսափելի կերպով՝ վերջին դատաստանը,
և՛ պաշտո գույներով՝ դրախտը: Վերցնենք
մեկական օրինակ. Վեռջին դատաստանը.

Սարսափին տարերք երկրի,
Յորժամ փառօք գաս հայրենի
Արեգական լուս խաւարի,
Լուսին աստեղքքն նրադին:
(Ծար., էջ 926)

Յորժամ հնչին փողոյն լինի,
Եւ դևական գիրըն լայտնի,
Ճառագայթն սրբոյ խաչին
Յարևելից փառօք ծագի:
(Ծար., էջ 930—931)

Սոսկալի է օր վախճանին,
Եւ ահեղ օր դատաստանին,
Յայնմ ատր ահեղ ատենին,
Զգինս արեան քո մի անտես առնէր
(Ծար., 935)

Դժոխքը—Յուցանին գաղտնիք մարդկան,
Իրաքանչիւր որ գործեցան,
Բարեաց գործողքն պասկին
Չարեացն ի հուր անշեջ մատնին...
(Ծար., 928)

Դրախտը—Ի վերինն Երուսաղէմ,
Ի բնակարանս հրեշտակաց
Ուր Ենովք և Եղիաս,
Կան ծերացեալ աղանակերս,
Ի դրախտին եղեմական,
Պայծառացեալ արժանապէս...
(Ծար., 929—930)

Վերևում բերված փաստերը հաստատում
են, որ մեր շարականների աղբյուրները ե-
ղել են ոչ միայն ս. Գիրքն ու Ավետարանը,
այլև ազգային մատենագրությունը, պատմա-
կան դեպքերը, հարևան ժողովուրդների
հոգևոր երգերը, ուրիշ քրիստոնյա ազգերի
հոգևոր և աշխարհիկ նշանավոր գործիչների
կյանքն ու գործերը, պարականոնները, ձե-
ռագրերը, թարգմանությունները, ավանդու-
թյունները և այլն:





Հ. Ս. ԵՂԻՍԱՋԱՐՅԱՆ

ՆԵՐՔԻՆ ԹԱԼԻՆ ԳՅՈՒՂԻ Ս. ՔՐԻՍՏԱՓՈՐԻ ԱՆՎԱՆ ՎԱՆՔԸ, ՆՐԱ ՎԻՄԱԳԻՐ ԱՐՁԱՆԱԳՐՈՒԹՅՈՒՆՆԵՐԸ ԵՎ ԳՅՈՒՂԻ ՄՅՈՒՍ ՀՈՒՇԱՐՁԱՆՆԵՐԸ

Ա. ՊԱՏՄԱ-ԱՇԽԱՐՀԱԳՐԱԿԱՆ
ՀԱՄԱՌՈՏ ԱՆՆԱՐԿ

Ներքին Թալին գյուղը գտնվում է այժմյան Թալինի շրջանում: Այն բոլորովին ուշ ժամանակի բնակավայր է: Տեղավորված է Թալինից դեպի Հոկտեմբերյան քաղաքը և Երևան—Թբիլիսի երկաթուղու Ղարաբուռուն կայարանը տանող ասֆալտապատ խճուղու երկու կողմերում, ընդարձակ սարահարթի հյուսիսային մասի մի փոքր հատվածում, այնտեղ, ուր մի ժամանակ տեղադրված էր պատմական Հայաստանի Այրարատյան նահանգի Արագածոտն գավառի երբեմնի նշանավոր բնակավայրերից մեկը՝ Քաղենի գյուղը:

Քաղենի գյուղը, ինչպես այդ ցույց են տալիս հնագիտական ուսումնասիրությունները, Հայաստանի հնագույն և խոշոր բնակավայրերից է եղել, որի ավերակների մնացորդները ընդգրկում են շուրջ 10—12 քա-

ռակուսի կիլոմետր տարածություն: Չնայած պատմական աղբյուրներում այն հիշատակվում է Ը դարից, սակայն նրա սահմաններում պահպանված նյութական մշակույթի քազմաթիվ ու քազմապիսի հուշարձանները վկայում են, որ նա գոյություն է ունեցել Ը դարից դեռ շատ դարեր առաջ:

Պատմական աղբյուրները շատ քիչ տեղեկություններ են պարունակում Քաղենիի մասին: Եղած տեղեկություններից պարզվում է, որ արաբական և սելջուկյան արշավանքների ժամանակ, ի թիվս մի շարք այլ բնակավայրերի, Քաղենին նույնպես բազմիցս ենթարկվել է օտար նվաճողների ավերածությունների, կոտորածին, թալանին ու գերեվարությանը: Անհրաժեշտ ենք համարում մեջ բերել այդ տեղեկությունները՝ ժամանակագրական կարգով:

Հովհաննես կաթողիկոս Դրասխանակերտցի պատմիչը, խոսելով Աղձնյաց նահանգի արաբ կառավարիչ Սուլեյմանի և

նույն նահանգի եպիսկոպոս տեր Սիոնի փոխնարաբերությունների, ինչպես և վերջինիս կաթողիկոս դառնալու հանգամանքների մասին, հետևյալ հետաքրքիր տեղեկությունն է հաղորդում Քաղենիի մասին.

«Յետ այսօրիկ ապա եհառ ոստիկանն ալն (Սուլեյմանը—Ն. Ե.) պալազատել և

մեջ բերված՝ Թալինի և մյուս գյուղերի ավերածության, կոտորածի ու գերեվարության մասին, մոտավոր ճշտությամբ ճշում է այդ պատմական իրադարձության ժամանակը, ասելով.

«Եր գկնի նորա (Դավիթ Արամոնացուց—Ն. Ե.) ի 190 թուին (եկաց կաթողիկոս)



Նկար 1. Ներքին Թալին.—Ս. Բրիտանիոյի վանքի ընդհանուր տեսքը հյուսիս-արևելքից

գգործակալութիւնն Հայաստանեայցս. և ի գնալ նորա ի Դվին քաղաք՝ իսկ և իսկ վախճաններ երկրորդն Տրդատ: Եւ իմացեալ ոստիկանն վաղվաղակի առաքէ ի խնդիր եպիսկոպոսին Սիոնի, և ածեալ կացուցանել գնա հրամայէ յաթոռ հայրապետութեանն. Յաւորս սորա եղև կոտորումն Քաղինոյ և Արենոյ և գիղաքաղաքին Թալինայ, յորում սպանան ոգիք իբրև եօթն հարիւր և գերեցան հազար երկերիւր: Բայց նորա քազում և հրաշալի ճրգնողական վարուք վնարեալ գկեր կենաց իւրոյ իբրև ամս ութ՝ վախճանի, եղեալ ի քնարանի ընդ հարս իր»¹:

Ստեփանոս Տարոնեցի—Ասողիկ պատմիչը, հիշատակելով արաբների կողմից վերը

¹ Յովհաննէս կաթողիկոսի Դրասխանակերտեցույ —Պատմութիւն Հայոց. Թիֆլիս, 1912, էջ 105—107:

Տեր Տրդատ ի գաւառէ վանանդայ, յնութեան գեղջէ՝ ամս 23: Եւ գկնի սորա Տեր Տրդատ ի Դասնաւանից՝ ամս 3: Եւ ապա Տեր Սիոն ի Բաւոնից գեղջէ՝ ամս 8: Յաւորս սորա եղև կոտորածն Թալնայ, և սպանան ոգիք 700, և գերեցան 1200»²:

Ասողիկի այդ տեղեկությունից պարզ է դառնում, որ Սիոնը կաթողիկոս պետք է դարձած լինի հայոց 216 (190+23+3=216) թվականին, որը համապատասխանում է մեր թվագրության 767 թվին, և վախճանվել է իր հայրապետության ութերորդ տարում, ինչպես այդ մասին վկայում են Դրասխանակերտցին և Ասողիկը, այսինքն՝ 775 թվականին: Դրանից էլ հետևում է, որ արաբների՝

² Ստեփաննոս Վարդապետի՝ Տարոնեցույ—Ասողիկան.—Տիեզերական պատմութիւն, Փարիզ, 1859, էջ 107:

Թալինում, Քաղենիում և Արենիում կառա-
րած կոտորածները պետք է տեղի ունեցած
լինեին 767—775 թվականների ժամանակա-
միջոցում:

Հետագա դարերի հայ պատմիչները
տարբեր ժամանակներ են նշում Թալինի,
Քաղենիի ու Արենիի նկատմամբ այդ քա-
ղաքական անցքերի վերաբերյալ: Սամվել
Անեցիցն այդ անցքերը դնում է 775 թվակա-
նին, այսինքն՝ Սիոնի հայրապետության
վերջին տարում. «22Է: Յաուրս լաջս եղև
կոտորումն Քաղենույ, Արենույ, Թալնայ, ուր
սպանան ոգիք 2. և գերեցան Ռ. և Մ.»³: Իսկ
Մխիթար Այրիվանեցին այդ դեպքը դնում է
771 թվականին. «771: ԶՔաղինա, գԹալին
և գԱրենի կոտորեցին տանկը և գերեցին»⁴:
Այնի ուշ ժամանակի տեղագիրները՝ Հ.
Եսայ. Շահխաթունյանը և սուլա, հապանո-
րեն նրանից փոխ առնելով նաև Ռ. Վ. Այի-
րանը վերոհիշյալ պատմական անցքը դնում
են 774 թվականին⁵:

Թալին, Արենի և Քաղենի գյուղերի
նկատմամբ արաբների այդ կոտորածը և
գերեվարությունը պատմության մեջ հայտնի
է «Թալնա կոտորածը» անունով: Ի դեպ,
անհրաժեշտ ենք գտնում նաև նշել, որ Արե-
նին, ինչպես այդ երևում է ուսումնասիրու-
թյուններից, այժմյան Մեհրիբան գյուղը
պետք է եղած լինի:

Այնուհետև, Վտոնդ պատմիչը նկարագրե-
լով Աշոտի որդի Սմբատ Բագրատունու ժա-
մանակ հայերի ապստամբական շարժումնե-
րը արաբ նվաճողների դեմ և այդ կապակ-
ցությամբ վերջիններիս պատժիչ արշա-
վանքները Հայաստանի վրա, նշում է Թա-
լինի և Հայաստանի մի շարք այլ խոշոր
բնակավայրերի ու նրանց շրջակա գյուղերի,
որոնց թվում նաև Քաղենի գյուղի բնակիչ-
ների կոտորածները՝ արաբների կողմից.

«Իսկ զօրքն տանկաց որ ի Դուին քա-
ղաքի կելալ ասպատակէին ի տեղիս տե-
ղիս զաւառաց որ շուրջ զինքեամբք, և
առնէին աւարատութիւն և հեղմունս ար-
եանց ի գիւղն Պաղունս և ի Թալին և ի
Կողք, և յայլ քազում տեղիս սուր ի գործ

արաբեալ՝ զքազումս դիաթաւալ կացուցա-
նէին»⁷:

Արաբական արշավանքների ժամանակ
տեղի ունեցած ավերածությունները, կոտո-
րածը, թալանը և գերեվարությունը չնայած
ժանր հետևանքներ արշավանքները չնայած
սակայն նա շարունակեց իր գոյությունը որ-
պես բնակավայր և ավելի անց ու բարգա-
վանեց հետագա դարերում՝ Բագրատունի-
ների տիրապետության շրջանում:

Սակայն Քաղենիի այդ բարգավաճ վիճա-
կը երկարատև չի լինում. ԺԱ դարում սկիզբ
առած սելջուկյան արշավանքները նոր զար-
հուրելի աղետի սկիզբը եղան Քաղենիի,
ինչպես և Հայաստանի մյուս բնակավայրերի
կյանքում: 1161 թե 1162 թվականին սել-
ջուկյան Էրտուղ ամիրան, որն այդ ժամա-
նակ իշխում էր նաև Պարսկաստանին,
Վրաց Կեդրգի թագավորի դեմ ունեցած ռիզ
պատճառով, որը վերագրավել էր Անի քա-
ղաքը, հաճախական հարձակվում է Թալի-
նի, Աշնակի և Քաղենիի վրա, գրավում
դրանք՝ հրդեհելով Աշնակի և Քաղենիի ամ-
րոցները, գերի է վարում բնակիչների մեծ
մասին, որոնց վաճառքի է հանում օտար
երկրներում:

Իրանից հետո, շուրջ երեք դար, ոչ մի հի-
շատակություն չկա Քաղենիի մասին: Մի-
այն նրա սահմաններում պահպանված հու-
շարձանների վրա փորագրված արձանա-
գրությունները, որոնք ունեն ԺԳ դարի տա-
րեթվեր, վկայում են այն մասին, որ նշված
ժամանակաշրջանում չեն էր Քաղենին:

1514 թվականին օսմանցոց Սելիմ Բ թա-
գավորը, վերադառնալով պարսից դեմ մղած
հաղթական պատերազմից, մեծ կոտորած է
սարքում Թալինում և նրա շրջակա գյուղե-
րում (հեջրիի 920 թվականին, շաբան ամսի
11-ին)⁸, որոնց թվում, անկասկած, նաև Քա-
ղենիում:

Դրանից հետո տեղեկությունները Քաղե-
նիի մասին իսպառ բացակայում են: Սա-
կայն անկասկած է, որ ԺԵ, ԺԶ դարերում
անընդհատ կրկնվող թուրք-թաթարական
արշավանքները քայքայման ու ամայության
հասցրին նաև Քաղենին:

Անցյալ դարի սկզբներին Քաղենի ավե-
րակ գյուղատեղի հյուսիսային մասում առ-
ժամանակ բնակություն են հաստատում մի
խումբ թուրք բնուսնիքներ: Երբ ռուսները
գրավեցին Արևելյան Հայաստանը, 50 բն-
ուսնիք հայ գաղթականներ Լարսից գալիս
և բնակվում են այդտեղ: Սակայն մի քանի

³ Սամուելի քահանայի Անեցոյ—Հայաքմունք ի
գրոց պատմագրաց, Վաղարշապատ, 1893, էջ 89:

⁴ Մխիթարայ Այրիվանեցոյ—Պատմութիւն Հայոց,
Մոսկուա, 1860, էջ 52:

⁵ Հովհաննես Եսայ. Շահխաթունեանց, Սուրբագրու-
թիւն կաթողիկէ Էջմիածնի և հինգ զաւառացն Արա-
րատու, Էջմիածին, 1842, էջ 54—55:

⁶ Հ. Ղևոնդ Այիշան, Այրարատ, Վենետիկ, 1890,
էջ 137:


⁷ Ղևոնդեայ մեծի վարդապետի, Պատմութիւն Հա-
յոց, Ս. Պետերբուրգ, 1887, էջ 144:

⁸ Հ. Ղ. Այիշան, Այրարատ, էջ 140:

տարի հետո թողնում-գնում են՝ մշտական բնակություն հաստատելով հին Թալինում և Շիրակի գյուղերում:

Հովհ. եպս. Ծախաթունյանը անցած դարի երեսնական թվականներին այցելելով

բյուրները ոչ մի հիշատակություն չեն պարունակում այդ հետաքրքիր հուշարձանի մասին, ուստի և պարզ չէ, թե երբ է կառուցված այն և ովքեր են եղել նրա կառուցողները: Առավել ևս պարզ չէ, թե երբ է նա վերջ-



Նկար 2. Ներքին Թալին.—Միջնաբերդի կրկնապարիսպները՝ ձախակողմյան բրգաձև աշտարակի վրա արաբներին արձանագրությամբ

այդ բնակավայրը, այն գտնում է ամայի ու անմարդաբնակ: Առաջին համաշխարհային պատերազմի ժամանակ այդտեղ մշտական բնակություն են հաստատում թուրքական յաթաղանից ազատված հայ գաղթականները, իրենց նոր բնակավայրը կոչելով Ներքին Թալին՝ տարբերելու համար հիմնական Թալինից, որը և դառնում է Վերին Թալին:

Բ. ՀՈՒՇԱՐՁԱՆՆԵՐԻ ՊԱՏՄԱ-
ՃԱՐՏԱՐԱՊԵՏԱԿԱՆ
ՆԿԱՐԱԳՐՈՒԹՅՈՒՆԸ

Ա. Քրիստափորի անվան վանքը

Ա. Քրիստափորի անվան վանքի հուշարձանների խումբը գտնվում է Ներքին Թալին գյուղից երկու կիլոմետրաչափ դեպի հարավ-արևմուտք, բարձրավանդակ-սարահարթի արևմտյան եզրին, Քաղենի գյուղատեղի արևմտյան մասում: Պատմական աղ-

նականապես ավերվել-ամայացել և դադարել որպես մենաստան գոյություն ունենալուց: Նույնիսկ նա վրիպել է ճանապարհորդների ուշադրությունից: Միայն անցյալ դարի տեղագիրները հպանցիկ կերպով հիշատակում են այն, նշելով, որ հավանաբար մենաստան եղած լինի, գտնելով այն ավերակ վիճակում:

Ա. Քրիստափոր վանքի վերաբերյալ միակ աղբյուրը նրա վրա փորագրված այն փոքրաթիվ արձանագրություններն են, որոնք պահպանվել են նրա կանգուն մնացած մասերի վրա: Այդ արձանագրությունները, որոնք վերաբերում են Ժ—ԺԳ դարերին, բոլորն էլ ունեն նվիրատվական բովանդակություն, ինչպես ընթերցողը կարող է վերահասու լինել դրան՝ սույն հոդվածի վերջում, ուստի և ոչ մի չափով չեն լուսաբանում մենաստանի անցյալ պատմությունը:

Ա. Քրիստափորի անվան վանքի հուշարձանների խումբը բաղկացած է մեկ եկեղե-

ցուց, դամբանատուն-զանգակատնից, գեղեցիկանատնից, վանքի միաբանության բնակելի շենքերից, որոնք բոլորն էլ շրջափակված են առանձին պարսպով:

1. Եկեղեցին արձանագրությունների մեջ կոչվում է ս. Քրիստափորի անունով: Դա կենտրոնազմբեր ձևի մի կառուցվածք է, որն իր կառուցողական հետաքրքիր ձևերով խիստ բնորոշ է է դարին: Հավանաբար այն կառուցված լինի Կամսարականների կողմից, որոնց ժառանգական սեփականությունն էր կազմում Արագածոտն գավառի այդ մասը՝ մինչև արաբական արշավանքները Հայաստանի վրա:

Եկեղեցու հատակագիծը խաչաձև է. խաչյալերն արտաբուսական արևմտյան խաչյալը ներսից ուղղանկյուն են, իսկ մյուս խաչյալերը ներսից՝ կիսակլոր: Արևելյան խաչյալում տեղադրված է կիսակլոր աբսիդը՝ ցածրիկ բեկով: Գմբեթի թմբուկը ութանկյուն է: Միակ մուտքը արևմտյան խաչյալի արևմտյան պատի կենտրոնական մասից է, որի շրջանակը վերևից զարդարված է առամնաձուր բանդակներով: Ցուրաքանչյուր խաչյալի կենտրոնական մասից և դրանց համապատասխան գմբեթի թմբուկի կողերից բացվում են մեկական փոքր, կամարակապ գագաթով, պատկազարդ լուսամուտներ:

Եկեղեցին ներսից ավաղած է եղել կրաշաղախով, որը մեծ մասամբ թափված է, պահպանվել է միայն աբսիդի պատերին եղած փոքր մասը: Պատերի արտաքին երեսի, ինչպես և գետնին թափված առանձին բարերի վրա փորված են S, 2, U, Մ, Գ, Ն, Լ, V, Z և այլ ձևի նշաններ, որոնք ամենայն հավանականությամբ կառուցող վարպետների նշանները պետք է եղած լինեն:

Եկեղեցու շենքը հիմնականում շարված է սև տուֆի մաքուր տաշված քարերով, կրաշաղախի միացությամբ. մասամբ օգտագործված է նաև կարմիր տուֆ: Եկեղեցին ավերակ վիճակում է (լուսանկար 1): Քանդված մասերը թափված են եկեղեցու շենքի ներսը և շրջապատը՝ փլատակների ձևով: Սև քարով շինված լինելու պատճառով տեղացիների մոտ հայտնի է Լարա (սև) վանք անունով:

2. Դամբանատուն-զանգակատունը գրությունում է եկեղեցու հյուսիսային կողմում: Այդ կարգին պատկանող հուշարձաններին հատուկ ձևով կառուցած քառակուսի հատակագիծ ունեցող եռահարկ մի շենք է, որի ստորին հարկը բիչ գետնահաս է, որը ծառայել է որպես դամբանատուն, երկրորդ հարկը որպես աղոթարան, իսկ երրորդ հարկը զանգակատունն է: Ստորին հարկի

մուտքը չի նկատվում, գուցե ծածկված լինի փլատակներով, իսկ երկրորդ հարկի, այսինքն՝ աղոթարանի մուտքը արևմտյան կողմից է, որ բարձրանալիս են եղել փայտյա սանդուղքով:

Մյուս պատերի վրա նույնպես փորված կան նշաններ՝ Ա, Ս, Կ, Լ, Դ, Կ և այլ ձևերով: Ամբողջ շենքը շարված է սև տուֆի տաշված քարերով՝ կրաշաղախի միացությամբ: Կիսավեր վիճակում է, ամբողջապես քանդված է զանգակատունը, երկրորդ հարկի ծածկը և պատերի վերին կես մասը, թափված են արտաքին անկյունաշար և հարակից պատի ստորին մասի երեսապատ բարերը: Քանդված մասերը թափված են շուրջը՝ ծածկելով պատերի ստորին մասերը: Այդ հուշարձանի կառուցման ժամանակը նույնպես պարզ չէ:

3. Վանքի միաբանության բնակելի շենքերը գտնվում են եկեղեցու արևմտյան կողմում, որոնք բոլորն էլ ավերակ վիճակում են փլատակների ձևով: Նկատվում է, որ շարված են եղել զանազան մեծությամբ անմշակ քարերով՝ հողաշաղախի միացությամբ և, ամենայն հավանականությամբ, փայտածածկ են եղել: Դրանց կառուցման ժամանակը նույնպես որոշ չէ:


4. Պարիսպը շրջափակում է վանքի՝ վերը նկարագրած հուշարձանները և ամբողջապես ավերակ վիճակում է, պահպանվել են հիմնապատերը, որոնք վանքի միաբանության բնակելի շենքերի պես շարված են զանազան մեծության անմշակ քարերով՝ հողաշաղախով միաձուլված: Պարսպի կառուցման ժամանակը նույնպես անհայտ է:

5. Գերեզմանատունը տարածվում է մեկնաստանի շուրջը՝ ընդարձակ տարածության վրա: Գերեզմանաքարերը զանազան հանքաքարից են՝ տուֆից, բազալտից, որձաքարից և այլն և տարբեր ձևերով մշակված. կան նաև անմշակ գերեզմանաքարեր՝ բնական սալերի ձևով: Սի շարք գերեզմանների վրա շարված են մանր որձաքարեր՝ ծալքերին ձողաձև քարեր տեղադրված:

Գերեզմանոցում կան բազմաթիվ խաչքարեր, որոնք սովորականի պես շրջողորեն քանդակազարդված են: Դրանց մի մասը տեղահաս են արված և ոմանք ջարդոտված: Խաչքարերի ջարդված բեկորները թափված են վանքի բակում և պարսպից դուրս՝ ամենուր: Դրանցից մի քանիսի վրա նկատվում են տապանագրության մնացորդներ: Գերեզմանաքարերի և խաչքարերի մշակման ու զարդաքանդակների ձևերը բնորոշ են Ժ-Դ դարերին:

6. Մի խումբ խաչքար-մահարձաններ.— Գտնվում են վերը նկարագրած գերեզմանատան հարավ-արևելյան եզրին, վանքից դեպի Ն. Թալին գյուղը տանող ուղիի ճանապարհի ճախ կողմում: Կանգնեցրած են մի

րի ներսում, նրանց վերին մասերում, շենքերի ամբողջ լայնությամբ պատրաստված են թմբածև տարածություն՝ եկեղեցիների բեմերի ձևով, որոնց առջևի մասը շարված է նույն բազալտի տաշված մեծ քարերով և



Նկար 3. Ներքին Թալին.— Միջնաբերդի կրկնապարիսպները

ընդհանուր շարքով՝ իրար կողքի, տարբեր մեծությամբ են, պատվանդանավոր: Խաչքարերը սովորական ձևով բանդակազարդված են և վերաբերում են ԺԲ—ԺԳ դարերին: Ամենամեծ խաչարձանի պատվանդանի վրա փորագրված է.

- Ա. 1. Թ. ՈԿԴ: (1215) ԵՍ ՊԵՏՐ-
2. ՈՍ ԿԱՆԳՆԵՑԻ Գ-
3. Խաչս քարեխառս հ-
4. ոգո իմո. աղաչեմ
5. յիշել ի Տէր:

Ներքին Թալին գյուղի մյուս հուշարձանները

7. Քաղեմի հին բնակատեղի.— Տարածվում է լայնածավալ սարահարթի վրա, բրունում է մի ընդարձակ տարածություն՝ շուրջ 10—12 քառակուսի կիլոմետր, իր մեջ ընդգրկելով նաև Ներքին Թալին գյուղը: Բնակատեղիում պահպանվել են տների պատերի ստորին մասերը, որոնք շարված են բազալտի անտաշ քարերով՝ ցեխով: Այդ տներ-

ընդհանուր քարե մի քանի աստիճան ունեցող սանդուղքով (նայած թմբածև տարածության բարձրությանը) բարձրանում են հիշյալ թմբի վրա:

Բնորոշ է այն, որ տներն ալդտեղ առանձին խմբերով են և խմբերն իրարից անջատանջատ: Ծիշտ նույն ձևով են նաև գերեզմանատները՝ առանձին փոքր խմբերով և յուրաքանչյուր խումբը կից է մի առանձին խումբ տների: Այդ հանգամանքը համոզիչ կերպով ապացուցում է, որ այստեղ մարդիկ ապրել են առանձին տոհմերով, մի երեվոյթ, որն ընդհանուր է Արևելյան Հայաստանի բոլոր կարևոր բնակավայրերին: Այդպիսին են, օրինակ, Թալինը, Արունը, Եղեգիսը, Գառնին, Աշտարակը, Օշականը և այլն: Դրանից էլ հետևում է, որ Քաղեմին եղել է Հայաստանի ոչ միայն խոշոր, այլև կարևոր ու նշանավոր բնակավայրերից մեկը:

Բնակատեղիում ամենուրեք նկատվում են հնձաններ, որոնք մեծ մասամբ փորված են

տուֆի քարաշերտի մեջ, կարասան են և ներսից սվաղած են կրաշաղախով: Այդպիսի երկու մեծ հեծաններ գտնվում են ս. Քրիստոփորի անվան վանքի բակում, պարսպից ներս:

Սիսիանական նկատելի են խաղողի վազերի ու զանազան պտղատու ծառերի մնացորդներ՝ վայրիացած փծակում: Այդ խաղողի վազերն ու պտղատու ծառերը դեռ անցյալ դարի սկզբներին եղել են բավական քիչ քանակությամբ: Այդ մասին հետաքրքիր տեղեկություններ է տալիս Հովհ. Լալա, Շահխաթունյանը:

«...շուրջ գնենաստա՛նա: (ս. Քրիստոփորի վանքի—Հ. Ե.) ընդարձակությամբ անդեն վայրը ազնվատանեաց և ծառատանաց մինչև գատորոտն առապարին գղաշտ անդր. և գրեթե իրաքանչիւր բաժինս այգեացն գտանին մի մի ընդարձակ քարայրք (մաղարայ) տեղիք հրեճանաց:

Վերջին տեղամասին այսր այգեաց և ծառատանաց, որպէս պատմեն ականատեսքն, եղև յամին 1804, քանզի ի գալ զհնոտորութեանցն ոռոսաց պատերազմաւ ի վերայ Երևանայ: Յայնմ ամի, և ի գաղթի թովանդակ բնակչաց նահանգիս յայլնայ ամօր տեղիս լերանց և ձորաց և ի հետաւոր սահմանս, Ջաֆարիան անուն ոմն յայլագգի մահմետականաց իբրև եօթն հարիւր գերդաստանօք ամրացեալ գոյով ի լեւոն Բարդղղ, իջանէ անտի այլնու բազմութեամբ և անցեալ ընդ Երասի՛ գալ բնակի աստ ամաշափ միջոցս և յապականութիւն դարձուցանէ զամենայն. և զկնի ստանց բնակչաց մնացեալ՝ իսպառ չորանան տունկըն և անհետանան. իսկ նա ինքն Ջաֆար խան որոշեալ ի պարսից և անցեալ ընդ հիւսիսային ստորոտով Արագած լեռին ի Վանսն Հատինոյ, և անտի ընդ Ապարան, և ընդ Եղիվարդ գիւղ՝ գնալ, միանալ ընդ զօրսն Ռուսաց և հպատակի իշխանութեան նոցին»:

Վերը մեջ բերածներից միանգամայն պարզ է դառնում, որ հնում այդտեղ նկատելի չափով զարգացած է եղել խաղողագործությունն ու պտղաբուծությունը: Քաղեցի բնակատեղում պահպանվել են ուրիշ շատ հուշարձաններ, որոնցից առավել նշանակալից է ամրոցը, որին այժմ «Ներքին Թալինի բերդ» անունն են տալիս:

8. Ամրոց.—Գտնվում է գյուղի մեջ, կառուցման ժամանակը և կառուցողները ստույգ հայտնի չեն, նրա մասին հիշատա-

կություն կա արաբների՝ Հայաստանի վրա կառարած արշավանքների առաջին շրջանում: Հայաստանի է, որ նրա հիմնական սկզբնական մասը կառուցված լինի արաբական արշավանքների նախօրեին՝ Կամարականների կողմից: Հետագայում ենթարկվել է մի շարք ավերացումների ու կրկնակի ամրացումների (նկ. նկ. 2 և 3):

Նկզբնական կառուցումը հաստ պատերով, երկարածիգ քառանկյունի հատակազով, ընդարձակ սրահի ձևով մի շենք է, բաղակալալ ծածկով: Հետագայում այդ շենքի յորայանչյուր պատին կից, արտաքուստ, խոռոցված են մեկական բրգան աշտարակներ, իսկ դրանցից հետո այդ բրգան աշտարակների միացման անկյուններից (բացի հյուսիս-արևելյան անկյունից) նորից ավելացրել են կրկնաշտարակներ՝ ուսանկյունաձև: մասը բրգան և շենքերով ամրացրել են: Այդ բոլոր հավելումներից ընդհանուր մի տեսակ, խառնարանի տեսակից է, այդ կողմում ավելացրած բրգան աշտարակի հյուսիսային եզրից: Նկատվում է, որ ամրոցի ամրոց շենքը եռահարկ է եղել, պատերը ներսից սվաղած են եղել կրաշաղախով: Վերի հարկի պատերի մեջ նկատվում են փոքրիկ պատուհանների հետքեր: Ամրոցը շենքը շարված է կարմրագույն տուֆի տաշված քարերով, կրաշաղախի միացությամբ: Արևմտյան կողմում ավելացրած բրգան աշտարակի հարավային երեսին, արտաքուստ պահպանվել է արաբատա մի արձանագրություն՝ պարսկերեն լեզվով (նկ. 2):

Բացի վերոհիշյալ ավելացումներից, նկատելի է նաև մի շարք վերանորոգումների հետքեր: Ամրոցը կիսավեր փծակի մեջ է, պահպանվել է սկզբնական կառուցված շենքը և դրա բարձրությամբ հետագա ավելացումները, իսկ դրանցից վերև՝ հյուսիսային և արևելյան բրգան աշտարակները՝ մինչև 3-րդ հարկի կեսի բարձրությամբ:

Ամրոցի այդ մասը շրջափակված է արտաքին բրգավոր պարսպապատերով, որոնք շարված են նույն կարմրագույն տուֆի տաշված քարերով, կրաշաղախի միացությամբ: Այդ վերջինս նույնպես ավերակ փծակում է. պահպանվել են արևմտյան կողմի երկու բուրգերի որոշ մասերը, հարավ-արևելյան և հյուսիս-արևելյան բուրգերի ստորին մասերը, ինչպես և պարսպապատի մնացած մասի առանձին հետքեր: Գլխավոր մուտքը՝ կամարակալ մեծ դարպասի ձևով, եղել է արևմտյան պատի հարավային ծայրից: Դարպասապատի հյուսիս-արևելյան

* Հ. Լալա, Շահխաթունյանց, նույնը, էջ 56—57:

բուրգի արտաքին երեսի վրա, ձեռագիր տառերի ձևով, փորագրված է հետևյալ երկտող արձանագրությունը.

բ. Յովանէս քարգործ յիշեցէք ի Քրիստոս
գ. Գովանէս քարգործ յիշեցէք ի Քրիստոս:

համար, որոնք հանդիսացան Կամառականների տիրույթների ժառանգորդները:

9. **Եկեղեցի.**—Գտնվում է ամրոցի արտաքին բերդապարիսպների ներսում, արևելյան պատին կից: Փոքրիկ, միանավ բազիլիկ ձե-



Նկար 4. Ներքին Թալին.—Ամրոցի արտաքին բերդապարիսպները՝ գլխավոր մուտքով

2նայած այդ երկու տողերի բովանդակությունը նույնն է, սակայն կասկած չկա, որ դրանք տարբեր արձանագրություններ են և դրանց մեջ հիշատակված Հովհաննես քարգործները տարբեր անձնավորություններ են, որոնք ամենայն հավանականությամբ հանդիսացել են նշված արտաքին պարսպապատի կառուցող վարպետները:

Արտաքին բերդապարիսպների ներսում նկատելի են այլ կառուցվածքներ, պատերի հետքեր և երկու ջրամբարներ, շարված նույն կարմրագույն տուֆի տաշած քարերով՝ կրաշաղախի միացությամբ:

Ի դեպ պետք է նշել, որ նման նշանակալից մի ամրոցի գոյությունը Քաղենիում ավելի էր շեշտում նրա կարևորությունը՝ որպես բնակավայրի: Եթե Թալինը հանդիսանում էր իբրև հոգևոր-կրոնական կենտրոն, ապա Քաղենին առավելապես քաղաքական-վարչական ու պաշտպանական վայր էր՝ նախ Կամսարականների, ապա Պահլավունիների

վով կառուցված մի շենք է, թաղակապ ծածկով, մուտքը հարավային կողմից է, պալաձև ճակատակալ քարով. այդ նույն պատի մեջ բացվում է մի փոքրիկ, պսակազարդ պատուհան:

Ամբողջ շենքը շարված է կարմիր տուֆի մաքուր տաշված քարերով՝ կրաշաղախի միացությամբ: Կիսավեր վիճակում է, ամբողջապես քանդված է ծածկը, թափված են պատերի երեսապատ քարերի մի մասը:

10. **Ս. Սարգիս եկեղեցի.**—Այս հուշարձանը, որից միայն սալահատակն է պահպանվել, գտնվում է ամրոցի արտաքին բերդապարսպի հարավ-արևելյան բուրգի հարավային կողմում, Քերոք և Աբգար Գրիգորյանների տան բակում: Եկեղեցին մինչև 1913 թվականը կանգուն է եղել, այն քանդել են առաջին համաշխարհային պատերազմի ժամանակ այդտեղ բնակություն հաստատող հայ գաղթականները և քարն օգտագործել բնակարանային շինարարու-

թյան համար: Վերը նշված Գրիգորյանների տան պատերի մեջ դրված են եկեղեցու շենքի սրբատաշ քարեր, խաչքարերի քանդակազարդ քեկորներ: Մի քարի վրա նկատվում է մի արձանագրության սկիզբը՝ 1018 թվականով, որ եկեղեցին կոչվելիս է եղել ս. Սարգիս:

Հովհ. եպս. Ծախարությունյանը, տալով սույն ս. Շարգիս եկեղեցու շենքի նկարագրությունը, մեջ է բերում վերը նշված 1018 տարեթիվն ունեցող արձանագրության ընդօրինակը՝ հետևյալ ձևով. «ՆԱԼԷ թուականիս ես Շարգիս որ ետու զին զիրքս ի սուրբ Սարգիս... իմ հոգւոյս պարտական է տարոյն Է. արք. Ժամ»¹⁰:

11. Բերդապարիսպներ.—Երեսնի Հուսեին խան սարդարը 1812 թվականին Ներքին Թալիհի հին ամրոց-դղյակի շուրջը, ընդարձակ տարածության վրա, կառուցել է տալիս նոր ամրոցապատեր, որոնք ընդհանուր առմամբ ունեն ուղիղ քառանկյունի տեսք և ձգվում են հյուսիս-արևելքից հարավ-արևմուտք: Պատերը շատ լայն են ու բարձր, արտաքին կողմից ունեն համաչափ դասավորված ութ հատ ուղղանկյուն հենապատեր՝ աշտարակների ձևով: Միաժամանակ ամրոցապատերը արտաքին երեսից քիչ բարձր են, որոնց մեջ փորված են հատուկ անցքեր՝ հրացանների փողերի անցկացման համար, իսկ ներսի երեսների կողմից քիչ ցածր են ու հարթ՝ պատերագլուխ մարդկանց կանգնելու և երթևեկության համար:

Այդ բերդապարիսպների գլխավոր մուտքը հյուսիս-արևելյան պատի կենտրոնական մասից է, դրա արտաքին կողմում, կից կառուցված բրգաձև մեծ աշտարակի հարավ-արևելյան եզրից (ճկ. 4): Այդ նույն բրգաձև աշտարակի երկու եզրերից, ներսի կողմից կառուցված քարե հատուկ սանդուղքները տանում են դեպի աշտարակի գագաթը և ամրոցապատերի վրա եղած հարթ տարածությունները: Իսկ գլխավոր մուտքի վերելքում, պատի մեջ դրված երեք քարերի վրա, բոլորովին անարվեստ ձևով քանդակված են այծերի պատկերներ: Մի երկրորդ, համեմատաբար փոքր մուտք էլ բացվում է արևմտյան կողմից:

Ամրոցապատերը չարված են զանազան հանքաքարերի փոքր քարերով՝ ցելսով մածուցված: Քանդված են հարավային պատի առանձին մասերը, կանգուն մնացած պատերի մեծ մասերը, թափված է պատերի որոշ տեղերի արտաքին երեսաշերտը:

Այդ բերդապարիսպների մասին հետա-

քրքիր տեղեկություններ է հաղորդում Հ. եպս. Ծախարությունյանը.

«Ի մերում ժամանակի յամի 1812, Հուսեին խան սարդարն Երևանայ աշխատեցուցեալ զքնակիչսն նահանգիս ետ կառուցանել շուրջ զհին շինութովքն ընդարձակագոյն պարիսպ ութն անկիւնի հանդերձ ութն մեծամեծ բրգամբք ի հասարակ քարանց՝ բարձր և ստուար... արար ի սմա և զայլ շինութս, և համարաւոցս, և կացոյց և ի սմա Բեկ անուամբ զայլազգի ոմն հանդերձ սակաւաթի գերդաստանօք ի պահպանութիւն երթևեկացն ի 'Լարս և ի Շիրակ գատտ. իսկ ի տիրապետութեան իմասց գաղթականք ի 'Լարսայ իբրև իսուն տունք յազգէ հացոց բնակեցան աստէն. այլ զկնի քանի ամաց անդրէն ելեալ՝ ոմանք անցին ի Շիրակ և ոմանք ի հին Թալիհ. և այժմ իսպառ անբնակ»¹¹:

Թալիհի ամրոցն ունեցել է նաև ստորերկրա գաղտնի անցք, որն սկիզբ առնելով ամրոցի հարավ-արևմտյան ճակատի կենտրոնական մասից, դուրս է եկել արևմտյան կողմում եղած ձորակը: Ստորերկրա այդ անցքը կողերից շարված է բազալտի մեծ քարերով և վրայից ծածկված է նույն բազալտի խոշոր սալաքարերով, իսկ վերջինս պատած է քարակույտերով՝ ըստ երևույթին անցքի հետքը կորցնելու նպատակով: Անցքի լայնությունը 0,75 մետր է, իսկ բարձրությունը՝ 1,5 մետր: Անցքի առանձին մասերը որոշակի կերպով նկատվում են դեպի երկաթուղու 'Լարսարուտն կայարանը տանող խճուղու ձախ կողմում, գյուղի արևմտյան եզրին:

Այդ բոլորը ինքնին վկայում են, որ Ներքին Թալիհի ամրոցը եղել է Հայաստանի պաշտպանական կարևոր վայրերից մեկը:

12. Գերեզմանատուն.—Տարածվելիս է եղել գյուղի արևմտյան եզրին, դեպի երկաթուղու 'Լարսարուտն կայարանը տանող ճանապարհի երկու կողմերում: Նկատվում է, որ բավական ընդարձակ գերեզմանատուն է եղել, սակայն մեծ մասամբ ավերվել է ճանապարհաշինության և բնակարանային շինարարության պատճառով: Տեղում պահպանված մի քանի տապանաքարերը, որոնց երեսները մշակված են հարթ-տափակ ձևով, և խաչքարերի քանդակազարդ քեկորները սև ու կարմիր տուֆ քարերից են, որոնց մշակման ձևերը բնորոշ են Ժ-ԺԳ դարերին:


13. Գերեզմանոց.—Գտնվում է գյուղի հյուսիս-արևմտյան թնդամասում, եղել է

¹⁰ Հ. եպս. Ծախարությունյան, նույնը:

¹¹ Հ. եպս. Ծախարությունյան, նույնը, էջ 54—55:

հայկական գերեզմանատուն, քանդել և վերեմ ածել մուսուլմանական գերեզմանատան, իսկ եզրերից քանդել են ճանապարհաշինության և բնակարանային շինարարության պատճառով: Տեղում պահպանվել են հայ-

լալ չորանոցից մոտ 300 մետր դեպի հարավ: Խաչքարի գագաթի մասը կամարաձև է, իսկ դեպի հիմքը աստիճանաբար նեղանում է: Զարդաքանդակները վերևի մասում են՝ խաղողի մեծ ողկույզների ու տերևների



Նկար 5. Ներքին Թալին.—Իջևանատան ավերակների ընդհանուր տեսքը

կական մի քանի գերեզմաններ, որոնց գերեզմանաքարերը սև տուֆից են և մշակված են, վերի մասերը սուր եռանկյունի ձևով՝ բնորոշ է—Թ դարերին:

14. **Դամբարան մուսուլմանական.**—Գրտնրվում է այդ վերջին գերեզմանատանը: Հատակագիծը քառակուսի է, ծածկը գմբեթային, ներսի անկյունները բուրբ են, տրոմպների ձևով: Ծարված է կարմրագույն տուֆի տաշված քարերով, թույլ կրաշաղախի միացությամբ: Հավանաբար կառուցված լինի ԺԹ դարի սկզբներին: Ամբողջապես պոկել են արտաքին երեսապատ քարերը:

15. **Գերեզմանատուն.**—Տարածվում է գյուղի ծխախոտի չորանոցի արևելյան և արևմտյան կողմերում: Բաղկացած է երկու առանձին խմբեր կազմող տապանաքարերից ու խաչարձաններից, որոնց մշակման ձևերը բնորոշ են Ժ—ԺԳ դարերին:

16. **Խաչքար-մահարձան.**—Գտնվում է գյուղի հարավ-արևելյան կողմում, վերոհիշ-

ձևով. մնացած մասը սվաղած է կրաշաղախով և կարմիր գույնով ներկած:

17. **Խաչքար-մահարձան.**—Գտնվում է նախորդ մահարձանից քիչ դեպի հարավ-արևելք. նույնպես տուֆ քարից է, սովորական ձևով քանդակազարդված: Վրան փորագրված է հետևյալ արձանագրությունը. «ՅԼԱ (882) թվ. Ես Սուսե»: Ծուրը թափված են այլ խաչքարերի քանդակազարդ բեկորներ՝ բնորոշ Ժ—ԺԳ դարերին:

18. **Խաչարձան.**—Գյուղի արևմտյան կողմի ձորակի քարափում փորված է փոքրիկ քարայր, որին տեղացիք «ճգնաժամ» անուն են տալիս: Այդ քարայրի դիմաց, ձորակի մյուս քարափին կից, կանգնեցված է մի խաչքար՝ նախօրոք տաշելով ու հարթեցնելով քարափը: Պատվանդանի մասը սև տուֆից է, իսկ խաչքարը կարմրագույն տուֆից: Վերջինս շքեղորեն քանդակազարդված է շատ հին ձևով, որոնց մեջ խիստ բնորոշ են բուսական, մանավանդ խաղողի ողկույզաձև թեմաները:

19. Իջևան. — Ներքին Թալինի հուշարձանների շարքին պետք է դասել նաև իջևանը, որը գտնվում է Ներքին Թալինից Վերին Թալին տանող կես ճանապարհին: Երբեմնի այդ ընդարձակ, հոյակապ ու հետաքրքիր կառուցվածքն այժմ ամբողջապես տարբերվում է, պահպանվել են արևմտյան և հյուսիսային արտաքին պատերը և մյուս պատերի հետքերը (Նկ. 5):

Այդ պահպանված մասերից որոշակի պարզ է դառնում, որ իջևանի շենքը, որը ընդհանուր առմամբ ձգվում է արևելքից արևմուտք և հատակագծում ուղիղ քառակուսի տեսք ունի, բաղկացած է երեք իրար հետ միացած բաժանմունքներից կամ սրահներից: Կենտրոնում եղած դահլիճը անհամեմատ մեծ է՝ հինգ հավանական, արտաքին հավերթ հյուսիսային ծայրում ունեն փոքրիկ, քառակուսան սենյակներ, իսկ հարավային կողմից առանձին հսկայա-սրահ՝ դահլիճի ամբողջ լայնությամբ:

Մյուս երկու բաժանմունքները կամ դահլիճները գտնվում են կենտրոնական մեծ դահլիճի արևելյան և արևմտյան կողմերում, դրանք եռանկյուն ձևով են: Արևելյան կողմի դահլիճի արևելյան պատի հարավային ծայրին կից արտաքուստ նկատվում է քառակուսի հատակագիծ ունեցող փոքր սենյակի հիմնապատերը:

Բոլոր դահլիճների հավերթ միմյանցից անջատված են եղել միջնորմներով, որոնց ստորին մասերը կազմված են եղել մույթերից՝ միացած կամարներով:

Իջևանի ամբողջ շենքը կառուցված է եղել սև տուֆի տաճած քարերով, կրաշաղախի միալուծությամբ: Արտաքին պատերը բարձր են ու լավ՝ ամրագրապատերի ձևով: Արևմտյան թաղանթ արտաքուստ ունի չորս հենասյուներ՝ բոլորն աշտարակների ձևով, մեկական տասի անկյուններից և երկու հատ միջին մասից՝ համապատասխանաբար: Արևմտյան կողմի պատն ունի նույնաձև երկու հենասյուն՝ մեկը հյուսիսային անկյունում և մյուս՝ աստի ինքնորոնման մասում:

Իջևանի կառուցման ժամանակի վերաբերյալ հաճախակի ծրագրված մշակ, անխոհ ծիսական Թ. Թորոմանյանը, տարբեր ժամանակներ առեռնելով այդ հուշարձանը, տարբեր ժամանակներ է նշում նրա կառուցման մասին: Մեք ենք բերում նրա կարծիքները հաջորդաբար.

«Համառոտաճ հետազոտության և կարեւոր մի հուշարձան է Հին և Նոր Թալինների ճանապարհի միջին կեսի վրա տալիսին գոյություն ունեցող իջևանատու-

ճ, որ 12—13 դարու գործ է: Մեծ և հսկայապ շինությունն է...»¹²:

«Այսօր (1826 թ. հոկտեմբերի 8-ին—Հ. Ե.) կես օրը քիչ անց, թողի Փոքր Թալին ուղևորվեցի դեպի Մեծ (կամ Հին) Թալին: Ծանապարհի կեսին վրա հանդիպեցի այն մեծ իջևանը, որում ավերակներից անցանք քանակազուրկ կապառնալիս անցանք քանակազուրկ կապառնալիս անցանք քանակազուրկ կապառնալիս... (ինչպես երևում է շինարարներից, այս իջևանը 14—15 դարերու գործ պետք է լինի)»¹³:

Ու ինչպիսի գնեցող ավերակ շենքի մնացորդները, որոշակի կերպով պարզ է դառնում, որ իջևանի շենքը պետք է կառուցված լինի տարբեր ժամանակներում: Առաջին անգամ կառուցված պետք է լինի նրա արևմտյան կողմի սրահը, ապա մյուս մասերը: Որ իջևանի արևելյան մասն ավելի վաղ է կառուցված եղել, դա պարզ նկատվում է այն բանից, որ նրա արևմտյան կողմում կառուցված մասը կցվել է հսկայորին. դրա համար պատի մեջ արտաքին երեսից դրվել են կալոնակներ և դրանց բարձրության համապատասխան ամրոց երկարությամբ բանդված-փոսացրած է՝ նոր կառուցվող շենքի ծածկի թաղի այդ կողմի եզրը հենելու համար: Բացի այդ, արևելյան դահլիճը հյուսիս-արևմտյան արտաքին անկյունում ունեցել է համանման աշտարական հենասյուն, ինչպես հյուսիս-արևելյան արտաքին անկյան հենասյուն է, շարված սրբատաշ քարերով, որը նոր կառուցվող շենքը նրան հարմարավոր ձևով կցելու նպատակով թեք ձևով կտրել են:

Մեր կարծիքով, որն ավելի բան հավանական է, հիշյալ իջևանի հին մասը կառուցված պետք է լինի ԺԲ դարում, իսկ հետագայի մնացած մասը՝ ԺԳ դարում:

Ահմարաճեշտ է նշել նաև, որ հիշյալ իջևանը եղել է միջազգային տարանցիկ առևտրի՝ արևելքից արևմուտք գնացող գլխավոր ճանապարհների՝ Հայաստանի սահմաններով անցնող մի ուղեգծի հանգուցային կայարաններից մեկը: Այդ ուղեգիծը դուրս գալով Պարսկաստանից, անցել է, ինչպես այդ թույլ են տալիս նշանակումները, Դվին և Վաղարշապատ քաղաքների, Աղավնատուն, Առուն (այժմ Թալիշ), Աշնան, Քաղենի անաճների վրայով, որը մերը նշված իջևան-

¹² Թորոմ Թորոմանյան, Նյութեր հայկական մատարակապատության պատմության, երկրորդ հատոր, Երևան, 1948, էջ 130:

¹³ Նոյնը, էջ 252:

նից բաժանվել է երկու ճյուղերի: Այդ վերջիններից մեկը ընթացել է Երեւոյք դաստակերտի, Անի և Կարս քաղաքների վրայով, իսկ մյուս ճյուղը՝ Երազգավորք քաղաքովանի, Ախալքալաք և Ախալցխա քաղաքների վրայով՝ դեպի Սև ծովի արևելյան ափերի նավահանգիստները:

Գ. ՎԻՄԱԳԻՐ

ԱՐԶԱՆԱԳՐՈՒԹՅՈՒՆՆԵՐԸ

Ա. Քրիստափորի վանք

Ա. Քրիստափորի վանքը ունեցել է մեծ թիվ կազմող վիմագիր արձանագրություններ, որոնց մի զգալի մասը, շենքը քանդվելու հետևանքով, առանձին քարերի վրա թաղված են փյառակների մեջ: Մեջ ենք բերում կանգուն մնացած մասերի վրա եղած արձանագրությունները՝ վերծանված ձևով, պահպանելով տաղերի դասակարգությունը:

Դ. Եկեղեցու արևմտյան խաչթևի հարավային պատի վրա արտաքուստ

1. Յանուն Աստուծոյ ի թվականին: ՆԲ: (953) կամ եղել իմ Մուսաէի և ետու

2. զիմ Էգին սուրբ Քրիստափորի՝ վասն իմ անցելոյ հոգեաց և վասն իմ

3. եւ վասն Աշոտոյ Հայոց թագաւորի և իր որդեացն արեւշատութեան:

4. Յայսմհետե ոչ յիմ յազգէ և ոչ յարքունեաց չիշխէ ոք այսմ հրամանաց ընդիմանալ, ապա

5. թե ոք ընդիմանայ: ՅԺԸ:-ից նշանակել էր ինչից և դատող նորա սատանա եղիցի: Իսկ հրամանակատարք՝ արհմեալ՝ յԱստուծոյ:

Ե. Եկեղեցու արևմտյան և հարավային խաչթևերի միացման անկյան երկու կողմերում, նախորդից ներքև

1. ՅՂԹ (950) թվականութեան Հայոց կամ եղել իմ Քրիստափոր

2. ըստ տուն որ արար բար Թալմա... ար յետոր Բագ-

3. ին... կապճացն փայն վասն իր արեւշատութեան և

4. իր (արձանագրությունը թերավարտ է մնացել):

Զ. Նույն արևմտյան խաչթևի հարավային պատի վրա, նախորդից արևելք

1. ՅՂ: (941) թվականութեան Հայոց եղել Սրեգ

2. ամսեան ի: հրաման յԱստուծոյ ի վերա գողա-

3. քաղաքին Թալմա նոր Ուխտ և յիշատակ կատ-

4. արեն միաբան սուրբ եկեղեցոյս վասն իր-

5. եան հոգեաց և վասն խրեաց

6. որդեաց արեւշատութեան:

Է. Նույնի հարավային խաչթևի արևմտյան պատի վրա, արտաքուստ

1. Հանուն Աստուծոյ հզարի

2. Եւ անմահի եւ հայր

3. Դավիթ զիմ ձեռաց արկեալ

4. այգին ի սուրբ Քրիստափոր էտու՝

5. վասն իմ հոգոս, արոջ :Ե:

6. ար ժամ արմել թե Աստուած կամի:

Ը. Նույն տեղ, նախորդից ներքև

1. Հայր Դավիթ ծառա սուրբ վանքիս

2. որ ետու իմ նորս սուրբ վա(ն)քիս վասն

3. իմ հոգոյս՝ թե Աստուած կամի:

Թ. Արևելյան խաչթևի հարավային պատի վրա, արտաքուստ

1. Յանուն Աստուծոյ այս իմ գիր է Խոջայեղիս

2. որ ետ զիմ այգին սուրբ ուխտս Քր.

3. իստափորի: Ով այս գրիս հակառակ

4. կայ նգովի. ՅԺԸ. հայրապետաց:

Ժ. Նույն տեղ, նախորդից ներքև

1. Յաբետական տառմէս տումարիս և թոյի :2Ը: և :ԻԱ:

(1272): կաման Աստուծոյ

2. Եւ Զերգ Տամբատեց շինեցի հրամանաւ Հովան տնտեսի հտար և շատ:

ԺԱ. Արևմտյան խաչթևի արևմտյան պատին, արտաքուստ

Յանուն Աստուծոյ ի. Ն. և. Լ. թուականութեան

Հայոց (981), ի հայրապետութեան Անանի և ի թագա-

տրութեան Աշոտոյ՝ որդոյ Աբասա կամ եղև յԱս-

տուծոյ եւ Խոսրովանոյ Հայոց թագուհի որ կարգեցի..

ԺԲ. Վանքի հյուսիսային կողմում եղած մի խաչքար-մահարձանի պատվանդանի վրա

1. Թ :ՈԿԴ: (1215). Եւ Պետր-

2. ոս կանգնեցի գ-

3. Խաչս բարեխաւս հ-

4. ոգո իմո աղաչեմ

5. յիշել ի տեր:

ԺԳ. Գյուղից դեպի հարավ, հին Քաղենի գյուղատեղում եղած մի տապանաքարի վրա

1. Այս գիր է արձանի որ գրեցաւ ի :ՆԾ: (1001) թվականիս իմ

2. զուգակից Մանվել քահանայի որ կարտ եղև մեր

3. քանակունս յայսմնվորես Թիսկանս առ Բրիստոս:

Վճիռ որդին Էղիզարեն գերի տարան Արագբորուն փախն աւերէ Կոշի:


ԺԵ. Ներքին Թալինի ամրոցի վրա «Թվին 2Ժ2 (1267). Շնորհիս ողորմածին Աստուծոյ, այս իմ գիր է պարոն Աղպուղալիս, թոռն մեծին Շահանշահի, որդի Իսմէի, որ կամ եղև ինձ յԱստուծոյ եւ թողր գիմ հայրենիք գեղս՝ զԹալնայ գիւղոյ խալէն վասն արեւշատութեան ամիր սպառապար Շահանշահի՝ եղբոր իմոյ եւ ինձ Աղպուղալիս եւ Արթի խաթունիս եւ զաւակաց մեր, եւ վասն մեր պատրոն ճախնեացն յիշատակու-

թեան: Եթէ որ այս գրիս հակառակ կայ՝ յիմոց կամ յատարաց, մարդն այն դատի յԱստուծոյ եւ մեր եւ մեր ճախնեացն յանցանացն պարտական լիցի առաջի Քրիստոսի ահեղ ատենին. կատարողքն արհմին յԱստուծոյ եւ յանձնայն սրբոց. ամէն»:

Այս արձանագրութիւնը փորագրված է եղև ամրոցի միջնաբերդի հարավ-արևմտյան բրգաձև աշտարակի արտաքին երեսի վրա, մուտքի վերևում, սակայն աշտարակի այդ մասը քանդված լինելու պատճառով մեծ ենք բերում Հ. եպս. Շահխանությանից (տես վերը նշված աշխատությունը):

Արձանագրված քարերի մի մասը հավաքված ու դասավորված է ամրոցի սրահաձև շենքի ներսում:





ՅՈՒՅԱԿ ՄԱՅՐ ԱԹՈՌ Ս. ԷԶՄԻԱԾՆԻ ՆՈՐ ՍՏԱՅՎԱԾ ՁԵՌԱԳՐԵՐԻ*

1867 ղեկտեմբեր 10 եկայ յայս գիտըս:

1870 գրեցի այս յիշատակընս:

Ն(ուաստ) Կարապետ քահանայ Վրդանեսեան
կեսարացի:

Թ. 303թ.—Ես Տէր Խաչատուրի որդի Օհանըս
գրեցեմ, տրացու Օհանըս, գրեցըմ:

№ 271

ՎԱՐՔ ՍՐԲՈՑ

Թերթերը՝ 138 (137+1Ա):—Պրակները՝ 18, յորա-
քանչյուրը 8 թերթից, ի բաց առյալ Ա՝ 4 և ԺԼ՝ 6
թերթերից են:—Մեծությունը՝ 17.9×11.5×2.2 սմ.:—
Նյութը՝ դեղնած և կեղտոտած հաստ թուղթ:—Կազմ՝
չունի:—Պահպանակներ՝ չունի:—Վիճակը՝ վատ, հե-
տևից մի քանի թերթ ընկել է:—Գրությունը՝ միա-
պուն:—Դատարկ թղթերը՝ 2ա, 2բ, 3ա և 3բ:—Տո-
ղերը՝ անկանոն, 22—26:—Գծումները՝ ճնշումով:—
Գիրք՝ անկման շրջանի վատ բոլորգիր:—Զարդա-
գրություն՝ չունի:—Գրիչը՝ անհայտ:—Պատվիրատուն՝
անհայտ:—Ժամանակը՝ ԺԸ—ԺԹ դարեր:—Վայրը՝
շատ հավանաբար Վրաստան (Ախալցխա):—Ծանո-
թություն՝ 1964 թվի նոյեմբեր ամսին ստացված է
նվեր Վրաստանի թեմի առաջնորդ գերաշնորհ տ.
Կոմիտաս եպիսկոպոս Տեր-Ստեփանյանից: Ձեռագի-
րը ձեռք է քերված Ախալցխայից:

ԲՈՎԱՆԴԱԿՈՒԹՅՈՒՆ

Ձեռագրում այբբենական կարգով տրվում է սրբե-
րի, մարգարեների և այլ անձանց կենսագրության
մասին տեղեկություններ:

ՀԻՇԱՏԱԿԱԳՐՈՒԹՅՈՒՆ

Ձեռագրի սկզբում, առաջին չորս էջերում, կա հա-
լերեն-վրացերեն բառարան, ընդամենը 48 բառ, Բ
տառով սկսվող, «բաղդ» բառից մինչև «քունանել»
բառը, և հինգ այլ բառեր, որոնց հայերենը պատովել
և ընկել է:

№ 272

ՄԵԿՆՈՒԹԻՒՆ ՆԱԲԵԿԻ

Թերթերը՝ 27, որոնցից 24-րդ և 25-րդ թերթերը
տվագիր են:—Պրակները՝ 2, Ա՝ 11 և Բ՝ 10 թերթ:
Ապա երկու հատ էլ երկուական թերթ ան-
ջատ:—Մեծությունը՝ 31.1×20.8×0.3 սմ.:—Նյութը՝
կեղտոտած բարակ թուղթ:—Կազմը՝ կաշեպատ
տախտակ:—Պահպանակները՝ գրքի սկզբում և վեր-
ջում կան մեկական դեղնած թուղթ:—Վիճակը՝
լավ:—Գրությունը՝ երկպուն:—Դատարկ թղթերը՝
27ա և 27բ:—Տողերը՝ 34:—Գծումները՝ առանց ճր-
շումի:—Գիրք՝ նոտրգիր:—Զարդագրություն՝ չկա:—
Գրիչը՝ անհայտ:—Պատվիրատուն՝ անհայտ:—Ժամա-
նակը՝ ԺԸ դար:—Վայրը՝ Կոստանդնուպոլիս:—Ծա-
նոթություն՝ գիրքն ու ձեռագիրը 1956 թ. ստացված
են Կ. Պոլսից, պատրիարքական տեղապահ հանգուց-
յալ Գևորգ արքեպիսկոպոս Արաւանյանի նվիրած սե-
փական գրադարանի հետ, իր ժառանգների միջո-

* Ծարունակված «Էջմիածին» ամսագրի 1964 թվա-
կանի №№ Ը—Թ-ից, ԺԲ-ից, 1965 թվականի №№
Ը—Ժ-ից, 1968 թվականի № Է-ից, 1970 թվականի
№№ Դ—Ե-ից, Ժ-ից, ԺԲ-ից և 1971 թվականի №№
Ե—Է-ից:

ցած: Սույն հատորը սկզբում պահվում էր ա. էջ-
ցածին Հոգևոր ճեմարանի գրադարանում, ապա
1964 թ. դեկտեմբեր ամսին տեղափոխվեց Մայր Ա-
թոռի Զեռագրատունը:

ԲՈՒԱՆՎԱԿՈՒԹՅՈՒՆ

Սույն գիրքը Կ. Պոլսի Հակոբ Նալբանյան Պատրիար-
քի Նարեկի մեկնության 1053 էջանոց տպագիր
գիրքն է, որի առաջին քսան թերթերը ընկած լինե-
լով, հետագայում գիրքը ամբողջացնելու նպատակով
ձեռագիր գրված է պակասավոր մասը և կազմված
գրքի սկզբում: Գիրքը հրատարակված է Կ. Պոլսում
1745 թվին:

Ձեռագրի առաջին էջում վերնագիրը գրված է հե-
տևյալով.—

Թ. 1ա.—Նախադրություն մեկնության աղօթից և
ներքոդիմաց. գերազանց և հրեշտակական վարդա-
պետին մերոյ Սրբոյն Գրիգորի Նարեկացուն:

Թ. 14ա.—Գլուխ առաջին:

Թ. 18ա.—Գլուխ երկրորդ:

Թ. 26բ.—Գլուխ երրորդ:

ՀԻՇԱՏԱԿԱՆ ԳՐՈՒԹՅՈՒՆՆԵՐ

(Սկզբի պահպանակի առաջին երեսում)

5—3—63:

(Շտամպով երկու անգամ տպված)

Գեորգ արք. Արալանեան:

(Սկզբի պահպանակի երկրորդ երեսում)

Նալբանյան Հակոբ

Մեկնություն Նարեկի

1745 թ., Կ. Պոլիս

տպ. Գարրիել սեբաստացի Բաբսելյան:

Թ. 9ա.—(Հոգևոր ճեմարանի գրադարանի ձվանն
կնիքը)

Մայր Աթոռ, Գրադարան, ա. էջմիածին:

Թ. 14ա.—1034:

№ 273

ՉԻՓԱԲԵՐՈՒԿԱՆ ՄԱՏԵԱՆ

Թերթերը՝ 88:—Պրակները՝ քայքայված և քակա-
սավոր:—Մեծությունը՝ 34.3×24×1.5 սմ.:—Նյութը՝
ղեղնան և կեղտոտած սովորական բարակ թուղթ:—
Կազմը՝ քայքայված ստվարաթուղթ:—Պահպանակ-
ներ՝ չունի:—Վիճակը՝ անբավարար և թերի:—Գրու-
թյունը՝ գրված է մի քանի սյունակների վրա:—Դա-
տարկ թղթերը՝ 1ա—2բ, 63բ—65բ, 87բ:—Տողերը՝
անհամաչափ:—Գծումները՝ անկանոն, աչքի չսպիտկ:
—Գիրը՝ զանազան տեսակի վատ շղագրեր:—Ձաք-
դագրություն՝ չկա:—Գրիչը՝ բազմաթիվ քառանյուն
և այլ անձինք:—Պատվիրատուն՝ Իգդիրի ա. Գեորգ
եկեղեցու թաղական խորհուրդը:—Ժամանակը՝ ժթ
դար:—Վայրը՝ Իգդիրի ա. Գեորգ եկեղեցին:—Ծա-
նոթություն՝ ստացված է ա. էջմիածնի Հոգևոր ճե-
մարանի գրադարանից 1964 թ. դեկտեմբեր ամսին:

ԲՈՒԱՆՎԱԿՈՒԹՅՈՒՆ

Թ. ք. 3ա—55բ.—Յուզակ մկրտության 1879—
1886 թթ.:

Թ. ք. 56ա—63ա.—Յուզակ պատկան 1881—
1887 թթ.:

Թ. ք. 66ա—87ա.—Յուզակ ցնցեցեցեց 1879—
1888 թթ.:

ՀԻՇԱՏԱԿԱՆ ԳՐՈՒՆԵՐ

Թ. 2ա.—Յուզակ ծննդի վասն 1879 ամի Գրիգ.
սեպտեմբեր, զմեռալս, զպատկա և զննքեցեցալս:
Թ. 3ա.—Յուզակ ծննդի վասն 1879 ամի, համար,
որ ծննդեան, որ մկրտութեան, ամուսնի մոր ծննդ,
ծննդաց, կնքաբարց, մկրտող և ամուսնակոչող քա-
հանայից և վկայից:

Թ. 8բ.—1880 ամի:

Թ. 12բ.—1881 ամի:

Թ. 18բ.—1882 ամի ծնունդ:

Թ. 21բ.—1883 ամի:

Թ. 27բ.—Թիս 1884:

Թ. 32բ.—1885 ամի:

Թ. 39բ.—1886 ամի:

Թ. 45բ.—1887 ամի:

Թ. 52բ.—1888 ամի:

Թ. 54ա.—Տոմար սեպտեմբերաց չափաբերական
մատնան Սուրբ Գեորգ եկեղեցույն Իգդիրմանայ
չեղջ, կազմալ ի 1882 ամի և 1-ն լունիսի:

Թ. 55ա.—1885 ամի:

Թ. 56բ.—1881 ամի: 1882 ամի:

Ամբ փեսային, ամբ հարսին, որոյ իսպաղապրու-
թեամբ, (թ. 57ա) ընդ ձեռն ո՞ր քահանայի պատկե-
ցան, որո՞ւմ վկայութեամբ:

Թ. 57բ.—1883 ամի:

Թ. 58բ.—1884 ամի:

Թ. 60բ.—Պատկ 1885 ամի: 1886 ամի:

Թ. 61բ.—1887 ամի պատկից:

Թ. 66ա.—Վասն օրինակատարութեան ցնցեցեցեց
1879 ամի:

Թ. 66բ.—Համար, որ մահվան, որ թաղման, ան-
ուսան: Վախճանողաց ու ծնողաց, 1879 ամի, ամբ ա-
րականաց, ամբ իզականաց, (թ. 67ա) ի ձեռն որոց
քահանայից թաղեցալ, որոց վկայութեամբ:

Թ. 68բ.—Վասն 1880 ամի:

Թ. 70բ.—1881:

Թ. 73բ.—1882 ամի:

Թ. 75բ.—1883 ամի:

Թ. 77բ.—1884 ամի վախճանից:

Թ. 79բ.—1885 ամի:

Թ. 81բ.—1886:

Թ. 84բ.—1887 ամի վախճանից:

Թ. 86բ.—1888 ամի:

№ 274

ԺՈՂՈՎԱԾՈՒՆ

Թերթերը՝ 18:—Պրակները՝ 1:—Մեծությունը՝
33.1×24.1×0.3 սմ.:—Նյութը՝ գծավոր բարակ դի-
մացկուն թուղթ:—Կազմը՝ գունավոր հաստ թուղթ:—
Պահպանակներ՝ չունի:—Վիճակը՝ լավ:—Գրությունը՝
միապուն:—Դատարկ թղթերը՝ 1բ, 7բ և 18բ:—Տո-
ղերը՝ 42:—Գծումները՝ թուղթը ինքնին գծավոր է:—

Գիրք՝ Գոտրգիր։—**Ջարդագրություն՝** չունի։—**Գրիչը՝** անհայտ։—**Պատվիրատուն՝** անհայտ։—**Ժամանակը՝** ժ. դար։—**Վայրը՝** անհայտ։—**Ծանոթություն՝** ստացված է ա. Էջմիածնի հոգևոր ճեմարանի գրադարանից 1964 թ. դեկտեմբերին։

ԲՈՎԱՆԴԱԿՈՒԹՅՈՒՆ

Թ. 1ա.—Վկայությունը Աստուածաշունչի սբ. Գրքի Հին և Նոր Կտակարանաց։

Ի սբ. Խորհուրդն Նորոգություն։

Ի Գրքի Ծննդոց։

Թ. 2ա.—Կանոն արհմության Սուրբ իղյուն հիւանդաց, յորում աւուր հանդերձի իղյուն արհմության։

Թ. 5բ.—Կարգ ածության հիւանդաց։

Թ. 8ա.—Կարգադրություն ընտրության և ձեռնադրության Եպիսկոպոսի։

Թ. 17ա.—Սահմանք և օրինադրությունը, զորս ուսուցանել Եպիսկոպոսապետն նմա, զոր ձեռնադրեացն։

№ 275

ԴԻՈԳԻՆԵՍ

Թերթերը՝ 41։—**Պրակները՝** 1։—**Մեծությունը՝** 31.2×23.8×0.3 սմ.։—**Նյութը՝** հասարակ բարակ դեղնած թուղթ։—**Կազմ՝** չունի։—**Պահպանակները՝** սկզբից մեկ հասարակ թուղթ, վերջինը ընկել է։—**Վիճակը՝** բավարար։—**Գրությունը՝** միապուն։—**Դատարկ թղթերը՝** 1բ, 2բ և 3բ։—**Տողերը՝** անկանոն, 26—29։—**Գծումները՝** առանց ճնշումի, աչքի չափով։—**Գիրը՝** շղագիր։—**Ջարդագրություն՝** չունի։—**Գրիչը՝** Հ. ասրկավազ Նազարյան, հետագայում էմսանուել քահանայ։—**Պատվիրատուն՝** անհայտ։—**Ժամանակը՝** 1892 թ.։—**Վայրը՝** Թիֆլիս։—**Ծանոթություն՝** սույն ձեռագիրը 1965 թ. փետրվար ամսին ստացված է հոգևոր ճեմարանի գրադարանից։

ԲՈՎԱՆԴԱԿՈՒԹՅՈՒՆ

Թ. 1ա.—Յոյն իմաստուն Դիոգինես, Թիֆլիս, տպարան, 1892 (հետագայում ջնջված և գրված է 1894, և ապա 1898 թ.)։

Թ. 2ա.—(Նույնը, միայն թվականը 1894 է)։

Թ. 3ա.—Գրքիս յօրինողը օգտուել է հետևեալ աղբիւրներից (տրվում է 9 աղբյուր, որոնցից 5-ը հայերեն և 4-ը օտար լեզվով)։

Թ. 4ա.—Յոյն իմաստուն Դիոգինեսը.

Ա. Սոկրատեսի աշակերտները։

Թ. 7ա.—Բ. Դիոգինեսը դառնում է Անտիսթենեսի աշակերտը։

Թ. 9բ.—Գ. Ինչպես էր ապրում Դիոգինեսը։

Թ. 12ա.—Դ. Ինչպես Դիոգինեսին ծախեցին ի ստրկություն։

Թ. 13բ.—Ե. Դիոգինեսը Քսենիադեսի մօտ։

Թ. 15բ.—Զ. Դիոգինեսի գրույցները իր աշակերտների հետ—թէ որքան քիչ բան է հարկաւոր մարդու։

Թ. 17ա.—Է. Դիոգինեսի վերաբերությունը դէպի մարդկանց խօսք ու գրույցը։

Թ. 19ա.—Ը. Ծերունին ու անհոգի հարուստը։

Թ. 21ա.—Թ. Կեղծատրությունն ու միւս լանցանքների լանդիմանությունը։

Թ. 24բ.—Ժ. Ինչպես Դիոգինեսը պաշտպանեց անմեղին։

Թ. 26բ.—ԺԱ. Դիոգինեսն ու հակքիդեսը։

Թ. 29ա.—ԺԲ. Դիոգինեսի գրույցը Փիլոմետոնոսի հետ՝ աշխատանքի ու հարստության մասին։

Թ. 31ա.—ԺԳ. Մարդու իրաւունքների և դէպի իր հասարակությունն ունեցած պարտաւորութիւնների մասին։

Թ. 33ա.—ԺԴ. Դիոգինեսն ու Ալեքսանդր Մակեդոնացին։

Թ. 36ա.—ԺԵ. Դիոգինեսի ծերությունն ու մահը։

Թ. 37բ.—ԺԶ. Դիոգինեսի աշակերտները։

Թ. 38բ.—Ռուներէնից թարգմանեց

Սարկաւազ Յ. Նազարեանց (որ հետագայում ջնջվել է և գրվել հետևյալը) էմսանուել քահանայ Նազարեանց։

Թ. 40ա.—Ցանկ։

№ 276

ՎԷՋՄԻՆ

Թերթերը՝ 10։—**Պրակները՝** 1։—**Մեծությունը՝** 35×22×0.2 սմ.։—**Նյութը՝** բաց կապտավուն հաստ թուղթ։—**Կազմ՝** չունի։—**Պահպանակները՝** սկզբից և վերջից մեկական թերթ մույն թղթից։—**Վիճակը՝** բավարար, սակայն գրության առաջին թերթը ընկել է։—**Գրությունը՝** միապուն։—**Դատարկ թղթերը՝** 1ա, 1բ և 7ա—10բ։—**Տողերը՝** անկանոն, 44—46 և երբեմն էլ ավելի մվազ։—**Գծումները՝** ճնշումով։—**Գիրը՝** մուտրգիր։—**Ջարդագրություն՝** թ. Յ-ում մկարված են երկու եռանկյուններ, որոնց մեջը գրություն կա, իսկ կողքերին էլ փոքրիկ զարդեր։—**Գրիչը՝** Ստեփանի որդի Ասլան Զոհրապյան։—**Պատվիրատուները՝** Տեր Հովհաննէսի որդի Էստատե, և սրա եղբոր որդի Տեր Մեսրոբ և Եսայի։—**Ծաղկողը՝** մույն ինքը գրիչն է։—**Ժամանակը՝** 1804 թ.։—**Վայրը՝** Բեդլեհեմ (Վրաստան)։—**Ծանոթություն՝** սույն ձեռագիրը ստացված է հոգևոր ճեմարանի գրադարանից 1965 թվականի փետրվար ամսին։

ՀԻՇՍԱՍԱԿԱՐԱՆ

Թ. 4ա.—Մեք Բեդլեհեմու Տեր Յօհաննէշի որդի Էստատե, և իմ եղբոր որդի Տեր Մեսրոբն և Եսային զայս կարճատև թուղթս ետուք քեզ մեր Եկեղեցւոյ Աւագ քահանայ Տեր Ստեփաննոսիդ, որ մեք զգինս անօթիցն Եկեղեցւոյն պարտիմք հատուցանել յիսուն թուման, և առ այսմ պարտիմք հատուցանել յամենայն գլուխ տարւոյն վեց թուման, այժմ ևս պարտեաք հատուցանել վեց թուման, բայց որովհետեւ մեկնեալ էաք, ի պատճառս մահուան. վասն որոյ կրկին պայմանեալ ժամանակ խնդրեցաք մինչև ի վերջն ապրել ամսոյն, եթէ ստիցեմք յայսմանէ,

որն է գրեալ գրաւ կալ ի ձեռք տուեալ ի գրութեան տրուս, յայնմանէ իսպառ գատեալ և միկնեալ գտաւորս, գրեալ ԲԱՄԻԻ (1804 թ.) թուին փետրուանի ԲԻԻ-ին, եւ Լատաւէն այս գրութեան դարով եմ, եւ Տէր Մեսրոբ և Եռալիս այս գրութեանս դարով եմ:

Լատաւի և Տէր Մեսրոբի և Եռալիս խնդրանքն գրեցի, և վկայեմ ժամրամասաց ուստարաշի նուաստ ծառայ Ապան Ստեփաննի որդի Զօհրաբեան:

Որոց իսկըն վրացերէն տեսեալ ի մայ բարբառ համեմատ անցին թարգմանցի Սիմեոնեան Եկեղեցոյ անարժան ապաստոր Տէր Եռալի ազնուատոնմն Արեղիմեան:

Որոց ի հայ թարգմանեալ տեսանելով. համեմատ նսին արտագրեցի անարժան ծառայ Իգնատիոս Տէր Ստեփաննեան Տէր Միսիթարեան ապաստորացն Բեղլեմեան:

ՀԻՇԱՏԱԿԱԳՐՈՒԹՅՈՒՆՆԵՐ

Թ. Բ. 5ա և 5բ-ում կա երկու արձանագրություն 17 մարտի 1805 թվականի, իսկ Բ. 6բ-ում էլ մի ուրիշ արձանագրություն 5 հունիսի 1810 թվականի:

Թ. 10բ.—Համար 160:

№ 277

ՅԱՅՍՍԱՊՈՒԿԸ

Թերթերը՝ 196:—**Պրակները**՝ այժմ պակասաւոր և անկանոն: Սկզբում եղել է յուրաքանչյուրը 12-ական թերթից, սակայն ներկայիս բոլոր պրակներն էլ թերթ են և պակասում են բազմաթիվ պրակներ: Եղածներն էլ մեծ ու առաջ են ընկել: **Մեծությունը**՝ $44.3 \times 32.6 \times 4.3$ սմ.:—**Նյութը**՝ դեղնած և կեղտոտած հաստ թուղթ:—**Կազմը**՝ սկզբնական կազմը ընկել և կորել է: Այժմ ունի սովորաբար մի շատ հասարակ կազմ:—**Պահպանակներ**՝ չունի:—**Վիճակը**՝ անբավարար, խիստ վնասված, պակասաւոր սկզբից, միջից և վերջից:—**Գրությունը**՝ երկայուն:—**Դատարկ թղթեր**՝ չկան:—**Տողերը**՝ 41:—**Գծումները**՝ ճշումով:—**Գիրք**՝ բոլորգիր:—**Զարդագրություն**՝ ձեռագիրն ունի բավականին սիրուն զարդագրություն, որտեղ օգտագործված են միայն երեք գույն՝ դեղին, կարմիր և կապույտ: Զեռագրում կան բազմաթիվ լուսանցազարդեր, ծաղիկներ, դիմագծեր, թռչուններ, զարդազրեր և թռչնազրեր: Կան նաև չորս հատ հասարակ գլխազարդեր (թթ. 22ա, 57բ, 98բ և 145ա), մի հատ տամար (թ. 65բ) և երկու հատ միացյալ սիրուն ձկնազիր և թռչնազիր (թթ. 16ա և 113բ):—**Գրիչը**՝ Նիկողայոս:—**Պատվիրատուները**՝ մահախի Մինաս և մահախի Հարություն:—**Մաղկողը**՝ անհայտ:—**Ժամանակը**՝ ԺՀ.—ԺԷ: դարեր:—**Վայրը**՝ անհայտ:—**Մանրություն**՝ սույն ձեռագիրը նվեր է ստացված Ռուսիայի և Բուլղարիո հայոց թեմերի առաջնորդ գերաշնորհ տ. Տիրայր Լախակոյան Մարտիկյանի կողմից: 1965 թ. հունվար ամսին Սոփիայից Էջմիածին է քրեված Կրաստանի հայոց թեմի առաջնորդ գերաշնորհ տ. Կոմիտաս Լապ. Տեր-Ստեփանյանի միջոցով:

ՀԻՇԱՏԱԿԱԿՐՈՒԹՅՈՒՆՆԵՐ

(Զեռագրի գլխավոր ճիշատակարանը ընկել է վերջին թերթերի թափվելուն պատճառով, սակայն մատնանում կան 128 մանր ճիշատակարաններ, որոնցից տալիս ենք մի քանիսը միայն, կրկնություն չանկրո համար:

Թ. 11բ.—Որոց աղօթիքն ողորմի Բրիստոս Աստուած ստացողի գրոցս Մինասին և ծնողացն Մնացականին և Երաբին, և գրողի սորին Նիկողայոսին, և ծնողաց նորին, և ամենայն աշխատաւորաց, ընթերցողիս և ունկն դնողաց, և Աստուած ողորմի աւացողաց. ամեն:

Թ. 13ա.—Որոյ սրբոյ աղօթ(թ. 13բ)իքն ողորմես Բրիստոս Աստուած ստացողի գրոցս մահախի Ծարեկին, և ծնողացն Սարգսին և Հոսովին, և եղբորն Գարրիէլին, քերցն Մարիանին և Կատարին, հօրեղբորն Տէր Առաքիլին, և ամենայն աշխատաւորաց, ընթերցողաց:

Թ. 14բ.—Որոց մաղթանք ողորմի Բրիստոս Աստուած ստացողի գրոցս Մինասին և իւր ծնողացն Մնացականին և Երաբին, և հօրեղբորն Տէր Խաչատուրին, և ամենայն աշխատաւորաց սորին, ընթերցողիս և խողացոյ, և:

Թ. 16ա.—...և ինձ անարժան և հողի հարասար Նիկողայոս գծողի և ծնողացն իմոց Տէր Սարգսին և Հէրիքնազին և ամենայն աշխատաւորաց սորա:

Թ. 20ա.—...և ինձ մեղապարտ և անարժան և թշուառացեալ գծողիս, և ծնողացն իմոց...

Թ. 25բ.—...և սրբազրողի սորա Տէր Սարգսին, և գծողի Նիկողայոսին, և թուղթ կոկողին, և գաղափառ շնորհօղին և ամենայն աշխատաւորաց, ընթերցողաց:

Թ. 40բ.—...և բազմամեղ Նիկողայոս գծողի...

Թ. 44բ.—...և գծողի, և սրբազրողի, և ամենայն արեան ստու մերձաւորացն: Ընթերցողաց:

Թ. 54ա.—...եւ ամենայն արեան ստու մերձաւորացն, և գծողի, և սրբազրողի, և ամենայն աշխատաւորաց սորա: Ընթերցողաց և խողաց, և զողորմի աղողաց. Ամեն:

Թ. 67բ.—...եւ ինձ եղկելոյս Նիկողայոս գծողի, և ծնողացն իմոց Տէր Սարգսին և Հէրիքնազին, և մեղ տօնողացն, և զողորմի աղողաց: Եւ ամենայն աշխատաւորացն: Ընթերցողիս և խողացոյ:

Թ. 98բ.—...եւ բազմամեղ գծողին, և ծնողացն Տէր Սարգսին և Հէրիքնազին, և ամենայն աշխատաւորաց սորա և օրինակ շնորհօղին...

Թ. 176բ.—...և ամենայն արեան ստու մերձաւորն և դուք իշխալ իշխիք ի Բրիստոս Աստուծոյ մօրոյ:

ՀԻՇԱՏԱԿԱԿՐՈՒԹՅՈՒՆՆԵՐ

(Գրված կազմի առաջին երեսին)

Նվեր գերաշնորհ տ. Տիրայր Լախակոյան Մարտիկյանից:

25 դեկտեմբերի 1964 թ. Սոփիա:

Մայր Աթոռ ս. Էջմիածնի ձեռագրաց մատենադարանին:

Թ. 51բ.—Արտագողը Սուրբ Գրուս Սալմախանին, ծնողաց Վարդանին, Թումանին, և կողակցից Յեղսուին, Թամամին, վորդոցն Ավետիքն, հարս Շուշանին, զամենա....

Թ. 52բ.—Տիրացու Պողոս գրե:

Թ. 98բ.—Առացավ սուրբ Գիրքն Իմիլին ստիճի կուղակից և ԼՄՆՆ:

№ 278

ՀԱՄԱՐՈՒՄՆ Ա. ԳՐՈՑ

Թերթերը՝ 651:—Պրակները՝ 81, յուրաքանչյուրը 8-ական թերթից:—Մեծությունը՝ 19×12.3×5.1 սմ:—Նյութը՝ ողորկ մաքուր սպիտակ թուղթ:—Կազմը՝ կլիոնկալով ծածկված հաստ ստվարաթուղթ: Կոնակը կաշի: Կազմի վրա կա հետևյալ համարը՝ 28/Հ—87:—Պահպանակները՝ սկզբում և վերջում մեկական կառաչ հասարակ բարակ թուղթ:—Վիճակը՝ լավ:—Գրությունը՝ միասյուն:—Դատարկ թղթերը՝ 1բ—3բ, 5ա, 5բ, 10ա, 10բ, 644բ—651բ:—Տողերը՝ 19—20:—Գծումները՝ առանց ճշումի, աչքի չափով:—Գիրը՝ մոտորի և շղագրի խառնուրդ:—Ջարդագրություն՝ չկա:—Գրիչը՝ Տարոնցի Ավետիս վարդապետ Հովհաննիսյան:—Պատվիրատուն՝ անհայտ:—Ժամանակը՝ 1892 թ.:—Վայրը՝ Յաֆֆա (նախկին Պաղեստին, այժմ Իսրայել):—Ծանոթություն՝ 1965 թ. փետրվարի 27-ին ստացված է հոգևոր ճեմարանի գրադարանից հոգեշնորհ տ. Նարեկ վրդ. Ծաքարյանի ձեռամբ:

ԲՈՒՎԱՆԴԱԿՈՒԹՅՈՒՆ

Թ. 4ա.—Յառաջարկ.

Աս գրքիս նպատակն է ձեռնառու ըլլալ Նախ Աւետարանի քարոզիչներուն՝ իրենց առանձնութեան սեռական մէջ, իրենց ժողովուրդին այցելութիւն ընելու առանձները, և հրապարակական պաշտօններուն մէջ:

Բ. Դպրատանց վարժապետներուն և տղայոց քրիստոնէական դասատուութիւն ընողներուն:

Գ. Աղքատաց, հիւանդաց և նեղեալներու այցելութիւն ընողներուն:

Դ. Ընտանիքի տէրերուն՝ որ իրենց զակները և ծառաները կրթել կուզեն:

Ե. Ան անձիքներուն՝ որոնք մէկտեղ կը ժողվուին Սուրբ Գիրքերը ուսանելու՝ իրարու շինութեան համար:

Թ. 4բ.—Զ. Ան հեղինակներուն, որոնք կրօնական գիրքերը կը շարադրեն:

Է. Ամէն աստիճանի մարդոց՝ որոնք առանձնակի Սուրբ Գիրքերը սորվելու կը պարապին:

Արդ՝ կը հրատարակենք ասիկայ խոնարհութեամբ աղօթք ընելով առ Աստուած, որ Աստուծոյ և մեր Տէր Յիսուս Քրիստոսի Աւետարանը դիւրին հասկնցունելու միջոց մը ըլլայ Հոգւոյն Սրբոյ օրհնութեամբը:

Թ. թ. 6ա—637բ.—Հաւաքումն Սուրբ Գրոց (տեքստը):

Թ. թ. 638ա—644ա.—Ցանկ ըստ կարգի այբուբենից:

ՀԻՇԱՏԱԿԱՐԱՆ

Թ. 1ա.—Հաւաքումն Սուրբ Գրոց.

Ի պէտս քարոզչաց, հեղինակութեանց, մանկանց դպրոցաց, նաև ամենայն անձանց բարեպաշտ տաճարեաց և համայն ընտանեաց:

Գրեալ ձեռամբ Տարօնցի Աւետիս վարդապետի Յովհաննէսեան, քաղեալ ի յնկանատիպ Աստուածաշնչէն զգուշաւոր դիտողութեամբ:

1892—Ի Յոպպէ:

ՀԻՇԱՏԱԿԱԳՐՈՒԹՅՈՒՆՆԵՐ

Թ. 1ա.—61:

Н. 203—15 декабря 1904 г.

28/Հ—87:

3832:

Մայր Աթոռ—Գրադարան—ս. Էջմիածին (Էկիւսաձև կնիք):

Էջմիածնի հոգևոր ճեմարան

Эчмиадзинская Духовная Академия.

(կլոր կնիք):

Թ. 3բ.—(Կարմիր թանաքով գրված է)

Дозволено цензурою,

16 декабря 1904 г. г. Тифлисы

(սպա հետևյալ կլոր կնիքը)

Кавказского Цензурного Комитета.

Թ. 13ա.—3832:

(Ճեմարանի կլոր և գրադարանի էիպսաձև երկու կնիքները):

Թ. 637բ.—(Ճեմարանի կլոր կնիքը):

№ 279

ԿՈՆԴԱԿ

Թերթերը՝ 1:—Պրակները՝ 1:—Մեծությունը՝ 45.4×32.7 սմ:—Նյութը՝ դեղնած և կեղտոտած հասարակ թուղթ:—Կազմ՝ չունի:—Պահպանակներ՝ չկան:—Վիճակը՝ բավարար:—Գրությունը՝ միասյուն:—Դատարկ թղթեր՝ չկան:—Տողերը՝ 36:—Գծումները՝ առանց ճշումի, աչքի չափով:—Գիրը՝ մոտորի:—Ջարդագրություն՝ կոնդակի վերևի մասի ձախակողմում կան երկու սիրուն մեծ թռչնազդեր, մի թռչուն և մի գեղեցիկ զարդ: Սրա դիմաց կոնդակի աջակողմյան կողմը կա երկհարկանի մի սիրուն գմբեթ, վեց խաչերով: Սրանց երկուսի ճիշտ մեջտեղը կա մի մեծ արեգակ իր ճառագայթներով, որի մեջտեղը կա Եփրեմ կաթողիկոսի հայրապետական կարմիր կնիքը, կլոր, 45 մմ. տրամագծով: Կնիքի կենտրոնում նկարված է Քրիստոս, որի գլխի ձախ ու աջ կողմերում գրված է «ՅՍ.» և «ԲՍ.», իսկ կնիքի ծայրամասի շրջանակում մեծատառ երկաթագրով գրված է հետևյալը.—«(Է) Ծնորդի Տ(եառ)ն Տ(է)ր Եփրեմ Կ(ա)թողիկոս Ամենայն Հայոց ՌՄԺԹ (1810)»: Սույն կնիքի վերևում, կոնդակի կենտրոնում նկարված է մի փոքր արեգակ իր ճառագայթներով, որի մեջ նկարված է մի եռանկյուն աչք:—Գրիչը՝ անհայտ:—Պատվիրատուն՝ ս. Էջմիածնի Եփրեմ Ա Ջորագեղցի Ամենայն Հայոց կաթողիկոս (1809—

Հասու լեալ Մեր մտաց բովանդակության յայտարարության Ձերոյ, այլ և յանպատշաճ և վիրավորիչ դարձնածոց, զորս Ձեր ուղղեալ է յանուն Սինոդի Արքայ Էջմիածնի, որ միանգամայն անվայել է աստիճանի և կոչման Ձերում, վշտացաք ի սիրտ և ի հոգի: Ի յայտարարութենէ Ձերմէ տեսանի, զի եթէ Դուք անցեալ էք առաւել քան զչափն, որ ոչ է ներելի անմիջապէս ստորագրեալ պաշտօնէի ումեք. ո՛չ էին և ո՛չ են իսկ Ձեզ իրաւունք վիրավորանս յանուն հասուցանելոյ բարձրագոյն հոգևոր ատենի, որոյ նախագահն է ընտրեալ Հայրապետն Ամենայն Հայոց և գլուխ լրութեան Հայաստանեայց եկեղեցւոյ: Դոյնօրինակ անգուսպ վերաբերմունք Ձեր առ հոգևոր բարձր իշխանութիւնն պատժելի են ըստ օրինի: Վասն որոյ այսու Հայրապետական Կոնդակաւ մերով նախ՝ արձակեմք զՁեզ ի պաշտմանէ փոխանորդի վիճակին Հայոց Աղէքսանդրապօլու, կարճելով զտուչութիւն ռոճկի Ձերոյ ի 1-ն Մարտի այսր ամի, երկրորդ՝ պատուիրեմք Ձեզ յանձնել Հոգևոր կառավարութեան տեղւոյ զամենայն հաշիւս (թ. 1թ) և զկահ կարասիս յաջորդարանի ըստ սահմանեալ կարգի, երրորդ՝ զրկեմք զՁեզ յիրաւանց կրելոյ ի գլուխ Ձեր զվեղար և արկանելոյ զձեօք զփիլոն և չորրորդ՝ խստիւ պատուիրեմք Ձեզ ելանել, զնալ ի վանս Սեւանայ առանց մտանելոյ ի Ա. Էջմիածին և անդ կալ մնալ զամիսս վեց:

Մ(կրտիչ) Կ(աթողիկոս) Ա(մենայն) Հայոց ի 23-ն փետրուարի 1906 ամի և ըստ Տոմարիս ՌՅԾԼ. ի Հայրապետութեան մերում ԺԳ. ամի յԱրարատեան Մայր Աթոռ Ս. Էջմիածին ի Վաղարշապատ
Թ. 223

№ 281

ԿՈՆԴԱԿ

Թերթերը՝ 1:—Պրակները՝ 1:—Մեծությունը՝ 35.4×22.2 սմ.:—Նյութը՝ մաքուր հաստ դեղնավուն թուղթ:—Կազմ՝ չունի:—Պահպանակներ՝ չունի:—Վիճակը՝ լավ:—Գրությունը՝ միապուն:—Դատարկ թղթեր՝ 1ր:

—Տողերը՝ 4 տպագիր և 20 ձեռագիր: Գծումները՝ առանց ճնշումի, աչքի չափով:—Գիրը՝ շղագիր:—Ձարդագրություն՝ չունի: Կոնդակի վերևում կա միայն Հայրապետական կարմիր կնիքը, ինչպես նկարագրված է նախորդ կոնդակում:—Գրիչը՝ անհայտ:—Պատվիրատուն՝ Ամենայն Հայոց կաթողիկոս Մկրտիչ Ա խրիմյան Հայրիկ:—Ժամանակը՝ 11 մարտի 1906 թ.:—Վայրը՝ ս. Էջմիածնի վանք:—Ծանոթություն՝ 1965 թ. փետրվարի 27-ին ստացված է հոգևոր ճեմարանի գրադարանից հոգեշնորհ տ. Նարեկ վրդ. Ծաբարյանի ձեռամբ:

ԲՈՎԱՆԴԱԿՈՒԹՅՈՒՆ

Թ. 1ա.—(Նույն տպագիր չորս տողը, ինչպես նախորդում).

(Ձեռագիր) հոգեշնորհ տ. Արսէն վարդապետի Ղլտեան ծանուցանեմք:

Ընկալեալ Մեր զհեռագրական միջնորդութիւնս խորհրդոյ միացեալ հոգաբարձութեան եկեղեցական-ծխական դպրոցաց տեղւոյ, որովք խորհուրդն խընդրէ ի Մէնջ թեթ(և)ացուցանել զպատիժսն՝ զեղեալսն ի վերայ Ձեր Հայրապետական կոնդակաւ մերով ի 28-ն փետրուարի տարւոյս թ. 223, այլ և ի նկատ առեալ Մեր զհայցուած Ձեր վասն ներման, զարտայայտեալ ի հեռագրի Ձերում ի 10-ն այսր Մարտի, այսու Հայրապետական Կոնդակաւ մերով ոչ եթէ թեթևացուցանեմք զպատիժսն, ինչպեալսն ի վերայ Ձեր կոնդակաւ մերով թ. 223, այլ ի սպաս բառամբ զայնոսիկ ի Ձեմջ, վերստին հաստատելով զՁեզ ի պաշտման փոխադրութեան վիճակին Հայոց Աղէքսանդրապօլու մինչ ցառանձին տնօրէնութիւն Մեր:

Մ(կրտիչ) Կ(աթողիկոս) Ա(մենայն) Հայոց ի 11-ն Մարտի 1906 ամի և ըստ Տոմարիս ՌՅԾԼ. ի Հայրապետութեան մերում ԺԳ. ամի յԱրարատեան Մայր Աթոռ Ս. Էջմիածին ի Վաղարշապատ
Թ. 280:

(Ծարունակելի)



ԲՈՎԱՆՊԱԿՈՒԹՅՈՒՆ

12

Ամենայն Հայոց Վեհափառ Հայրապետի շնորհավորական գիրը Բուդաբեայի Նորին Արքեպիսկոպոսին՝ Ս. Մարտին Պատրիարքին՝ նրա ընտրության և զանակալության առթիվ	3
Վեհափառ Հայրապետը ժննում	4
Եթովպիայի քույր եկեղեցու Նորին Արքեպիսկոպոսին Արամա Թեոֆիլոսի ընտրությունը ու զանակալությունը	6
Բուդաբ. օրթոդոքս եկեղեցու Նորին Արքեպիսկոպոսին Ս Մարտին Արքեպիսկոպոսին Պատրիարքին ընտրությունը ու զանակալությունը	9
Հովվական ալեկություն	12
ԱՐՏԱՇԵՍ ՍՐԿ. ՄՈՒՇԵՂՅԱՆ—Ամերիկայի Միացյալ Նահանգաց Ուղիղ եկեղեցու երիտասարդաց կազմակերպության անդամները Մայր Աթոռում	15
Ա. ԳՐԻԳՈՐ ՆԱՐԵԿԱՅԻ—Ներքող սուրբ Աստվածածնի	18
Տաղ սուրբ Աստվածածնի	21
ԹՈՐԳՈՄ ԱՐԷԻՊ. ԳՈՒՇԱԿՅԱՆ—Սուրբ Աստվածածնի տոները	23
ՄԱՅՐ ԱԹՈՌՈՒՄ	26
ԲԱՐԳԵՆ ԵՊՍ. ՎԱՐԺԱՊԵՏՅԱՆ—Հուշեր Գարեգին Ա Կիլիկիո կաթողիկոսին	28
Ա. ՀԱՍԻՏՅԱՆ—Կալկաթայի Ուղիղ Մարդասիրական ճեմարանի ղեկավարության հարյուրամյակի առթիվ	31
ՎԱՀԱՆ ԵՊԻՍԿՈՊՈՍ ՏԵՐՅԱՆ—Հայոց Հայրապետների շիրիմների մասին	42
ԿՐԻԳՈՐ ԱՐՇԱԿԻ ՀԱԿՈԲՅԱՆ—Հայկական Հարկայինների աղբյուրները	47
Հ. Ա. ԵՂԻԱՋԱՐՅԱՆ—Ներքին Թալին գյուղի և Քրիստափորի անվան վանքը, նրա վիժագիր արձանագրությունները և գյուղի մյուս հուշարձանները	52
Ռուցակ Մայր Աթոռ և Էջմիածնի նոր ստացված նոտագրերի	65

ԽՄԲԱԳՐՈՒԹՅԱՆ ՀԱՍՑԵՆ

ՀԱՅԿԱԿԱՆ ՍՍՀ, ԷՋՄԻԱՄԻՆ

«ԷՋՄԻԱՄԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».
Redaction de la revue «Etchmiadzine», Etchmiadzine, Arménie, URSS

Հանձնված է արտագրության 10/VIII 1971 թ.: Ստորագրված է արտագրության 14/IX 1971 թ.:

Տպագրական 4,5 մամուլ, թուղթ 60×84¹/₈, պատվեր 561

Մայր Աթոռ և Էջմիածնի տպարան, 1971 թ.